

but
la
nu
Media
Cene
mout
compr
soma
scha

ARCHIVIO
ACM
3
1
160
SOMASCA

PADRI SOMASCHI

111111

ARCHIVIO
SOMASCA
CASA MADRE

ARCHIVIO
SOMASCA
CASA MADRE

DIVINORUM
S. BARTHELEMY
SOMASCA



VENETIIS SVPRIORVM PMISSV

1665

49

ARCHIVIO
SOMASCA
CASA MADRE

COLLETTA
S. BARTHELEMY
SOMASCA



D. HIERONYMVS RVBEVS

Præpositus Generalis Clericorum Regularium
Congregationis Somaschæ, Patribus, &
Fratribus eiusdem Congregationis,
Quod benè captum est digno exitu consumare.



Luctuat animus, Dilectiss. in Domino, haretque in ancipiti versans, quid illa significet chrySTALLINI maris aqua planities, quam diuino solio circumextensam iacere vidit Ioannes; Mare vitreum simile chrySTALLO. Quid enim est, quod aquæ ad mitissima lucis radios, ac immensi luminis ardorem obrigescent, & cum summa liberalitatis symbolum mare fluidos debuisset in amnes erumpere, cur pigra concretum glacie auarè subsistit? Scimus in altissimo throno præcellensam designari sedem, quæ Vicariam in terris Numinis sustinet dignitatem, & hanc mare magnum circumstat, sed immotum, seu quia Petri Naucula fluctibus agitari non potest; seu quia non debent aqua in tumorem attolli, quas afflat aura Spiritus sancti. Verum quis vetat per aquas ita consolidatas intelligi Gratiarum affluentiam, quæ veluti mare magnum, solent è summo illo rerum humanarum fastigio promanare? Sed ne fluxu temporis decursu memoriam præterlabantur, apposite concrescunt in vitrum, in quo velut in speculo collati in nos beneficij imaginem iugiter liceat contemplari. Hoc sanè consilio mihi visum est, Dilectiss. Bullas permultas, ac Priuilegia, quibus Summi Pontifices, Congregationem nostram pro tempore



94



pore ornarunt vestris oculis exhibere in unum collecta, ne dispersa unquam effluerent. Lux sparsa flamma est, quæ tantum collustrat; at eius radijs in chrystallo coactis solet ignis accendi. Nimirum ad nouam subinde promerendam Apostolici culminis gratiam inflammabimur. Erit hoc ex mari illo vitreo veluti speculum, in quo videbitis quanta Summis Pontificibus cura fuerit susceptos à nobis pro vinea Domini labores singulari in dies benevolentia significatione promouere: Congregationis nostræ laudabilem originem, Dei oculis speciosam derelicta sobolis curam, laboriosum educanda iuuentutis institutum, aliæque ac Apostolicæ charitatis officia nec impares progressus egregie commendare, & benignissima largitate prouocare ad maiora. Ex quo mira Diuina Prouidentia dispositione hoc mihi munus iniunctum est, & Generalis regimini onus benigne à vobis impositum, nihil antiquius habui, quam impense curare, ut partum à Maioribus Congregationis nostræ decus, Domino adiuuante nihilo segnus augerem. Et quia non parui momenti esse solet ad extimulandos animos aliorum æmulatio, opera pretium duxi ea proponere, quæ alij hætenus obtinuerunt, ut vos imposterum maiora mereamini. Amate, Pignora mea, vocationem vestram, cui Summi Pontifices fauere tantopere studuerunt. Agnoscite mei erga vos summi amoris significationem, qui hæc proponens, potiora vobis exoptat: & contendite, ut libellus hic in volumen excrescat. Deo potissimum preces effundite, ut omnium votis hic demum cumulus addatur Venerabilis Serui Dei Hieronymi Amiliani Fundatoris nostri cultus, ad quem pleno gradu contendimus. Quare sicut vobis accidere nihil incundius, & optabilius potest; ita mihi nihil magis cura est, hanc solam felicitatem optanti quam ut communi hæc lætitia gaudere possimus.

INDEX BULLARVM

& Breuium, aliorumq. quæ hoc Libro continentur.

P auli Tertij Bulla, Incipit, Ex iniuncto nobis, pag.	1
Pij Quarti Bulla, Incipit, Salvatoris, & Domini, p.	6
Pij Quinti Breue, Incipit, Romanus Pontifex, p.	15
Eiusdem Bulla, Incipit, Iniunctum Nobis, p.	18
Gregorij XIII. Bulla, Incipit, Cupientes Ecclesias, p.	25
Eiusdem Bulla, Incipit, Sacri Apostolatus, p.	28
Sixti Quinti Bulla, Incipit, Aequam reputamus, p.	36
Eiusdem Bulla, Incipit, Romanus Pontifex, p.	42
Clementis Octavi Bulla, Incipit, Decet, ex benignitate, p.	48
Eiusdem Bulla, Incipit, Romanus Pontifex debito, p.	57
Eiusdem Bulla, Incipit, Decet Romanum Pontificem, pag.	60
Eiusdem Bulla, Incipit, Cum sicut Nobis exponi, p.	62
Eiusdem Bulla, Incipit, Romanus Pontifex ex debito, pag.	65
Eiusdem Bulla, Incipit, Vbi primum, p.	72
Pauli Quinti Bulla, Incipit, Cum ad utilitates, p.	91
Eiusdem Bulla, Incipit, Ex quo diuina Maiestas, p.	106
Eiusdem Bulla, Incipit, His quæ pro Congregationum, pag.	110
Eiusdem Bulla, Incipit Vt ea, quæ p.	115
Eiusdem Bulla, Incipit Ex iniuncto Nobis de super, p.	120
Decisio cuiusdã Casus in Sacra Congreg. Concilij, p.	128
Pauli Quinti Bulla, Incipit, Nuper pro parte, p.	129
Instrumentum Transumpti Bulla, Pauli Quinti, p.	132
Memoriale Paulo Quinto exhibitum, p.	136
Pauli Quinti Breue, Incipit, Ex iniuncto p.	142
Gregorij XV. Breue, Incipit, Expositum Nobis, p.	146
Vrbani Octavi Bulla, Incipit, Instructabilis, p.	150
Eiusdem	150

2a Maad
de la na
genia

terrata
numeri
delle pagine

manu
scritta

Collegio Trevigi-
Casale

<i>Eiusdem Breue, Incipit, Sacrosanctum Apostolatus,</i>	
pag.	154
<i>Eiusdem Breue, Incipit, Exponi Nobis, p.</i>	157
<i>Eiusdem Breue, Incipit, Alias fel. record. p.</i>	159
<i>Eiusdem Breue, Incipit, Alias fel. record. Clementi,</i>	
pag.	162
<i>Quasita circa electionem Sociorum, p.</i>	165
<i>Facultas tenendi plerosque libros prohibitos, p.</i>	168
<i>Decretum S. Congregat. de Confessionibus Superiorum,</i>	
pagina.	173
<i>Urbani Octauis Breue, Incipit, Nuper pro parte, p.</i>	175
<i>Decreta S. Congregation. pro Nouitijs recipiendis, p.</i>	178
<i>Alexandri Septimi Breue, Incipit, Alias postquam, p.</i>	183
<i>Eiusdem nonnulla Ordinationes, p.</i>	186

F I N I S.

PAVLI



PAVLI TERTII

B V L L A.

S V M M A R I V M.

- 1 Conceditur facultas eligendi Superiorem, siue Ecclesiasticum, siue secularem ex ijs, qui Hospitalibus, & Orphanotrophijs institutis inseruiunt, & statuendi decreta, prout locorum opportunitas postulabit.
- 2 Recitandi diuini Officij eorundem Hospitalium sacerdotibus facultas datur, & confessiones audiendi, absoluedi à casibus, à quibus Ordinarij locorum absoluerè consueuerunt.



PAVLVS Episcopus Seruus seruorum Dei ad perpetuam rei memoriam. Ex iniuncto nobis desuper, meritis licet imparibus, Apostolicæ seruitutis officio, votis, per quæ Hospitalium, & aliorum piorum locorum utilitas, & salubris directio procuratur, libenter annuimus; ad illos quoque dexteram nostræ liberalitatis extendimus, quos ad id propria virtutum merita multipliciter recommendant. Sanè pro parte dilectorum filiorum vniuersorum pauperum Orphanorum S. Mariæ Magdalenaë in suburbio S. Leonardi Bergomens. & Mediol. Comen. Ianuen. Papien. Brixien. ac Veronen. Ciuitatum, &

A Dice-

Dioeces. Hospitaliumrecollectorum nuncupatorum, ac tam ecclesiasticarum, quam secularium personarum in eis deseruientium nobis nuper exhibita petitio continebat, quòd cum aliàs quondam Hieronymus Miani Ciuis Venetiarum plures pauperes Orphanos propter bellorum in Italiavrgentium tristes euentus, & famem vrgentem passim derelictos vagari videret, idem Hieronymus deuotionis feruore, & pietate motus prædictum Hospitale Sanctæ Mariæ Magdalene inchoauit, & deinde Hospitale prædictum tam propter Ciuium in Ciuitate Bergomen. degentium feruentem charitatem, quam prouidam directionem, & salubre regimen præfati Hieronymi in tantum auctore Domino creuit, vt idem Hieronymus ad alia Hospitalia in alijs Italiæ partibus instituenda animum applicuerit, ita quod tam in Mediolanen. quam Comen. & alijs Ciuitatibus, ac Dioeces. prædicta similia, & in quibusdam ex eis Mulierum Conuersarum Hospitalia dicto Hieronymo, & nonnullis alijs mediantibus erecta fuerunt, vnde Hospitalia ipsa de bono in melius perducuntur, indiesque eorum numerus augetur, & augeri speratur: & sicut eadem expositio subiungebat, si in eisdem Hospitalibus, quæ per clericos, & laicos insimul gubernari consueuerunt, vnus Superior, vel caput, qui inibi pro tempore deseruientes congregari facere, & de loco ad locum mutare valeret, existeret, Hospitaliaque ipsa aliquibus prærogatiuis decorarentur, profectò salubri ipsius Hospitalis, & illi deseruientium prædictorum directioni, & quieti plurimum confuleretur, ac in illis degentes pauperes huiusmodi eò melius gubernarentur, & pertractarentur, dictæque personæ in eo confouerentur, & ad solita seruitia inuitarentur. Quare pro ipsorum Pauperum, & deseruientium personarum parte nobis fuit humiliter supplicatum, vt eis in præmissis opportunè prouidere de benignitate Apostolica dignaremur. Nos igitur, qui charitatis opera vbique exerceri sinceris deside-

ramus

3
ramus affectibus, quemlibet ex pauperibus personis præfatis à quibusuis excommunicationis, suspensionis, & interdicti, alijsque Ecclesiasticis sententijs, censuris, & pœnis à Iure, vel ab homine quauis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absoluentes, & absolutum fore censentes, huiusmodi supplicationibus inclinati auctoritate Apostolica tenore præsentium eisdem Hospitalibus, quod pauperes, & personæ in eis pro tempore degentes, & deseruientes vnã ex personis inibi deseruientem huiusmodi ecclesiasticam, vel secularem inter eos Superiorem, vel caput, quæ ipsos congregari facere, ac de loco ad locum mutare, ac quæcunque statuta, & ordinationes licita, & honesta, ac sacris Canonibus non contraria condere, ipsaque statuta quoties ei videbitur mutare, ac de nouo statuere possit, eligere. Nec non sacerdotes eisdem pauperibus pro tempore deseruientes horas canonicas diurnas pariter, & nocturnas, ac Missas, & alia diuina Officia secundum ritum, morem, & vsum sanctæ Romanæ Ecclesiæ etiam nouissimè editum dicere, & recitare, ipsosque, Pauperes, ac omnes, & singulos in dictis Hospitalibus deseruientes dumtaxat eorum confessionibus diligenter auditis ab eorum omnibus, & singulis peccatis, casibus, criminibus, excessibus, & delictis, à quibus locorum Ordinarij absolueri consueuerunt, absolueri, & pro commissis pœnitentiam salutarem iniungere, liberè, & licitè valeant, perpetuò concedimus, & indulgemus. Quo circa Venerab. Fratribus nostris Casertan. Feltren. & Visionen. Episcopis per Apostolica scripta mandamus, quatenus ipsi vel duo, aut vnus eorum per se, vel per alium, seu alios auctoritate nostra faciant præsentem literas, & in eis contenta quæcunque plenum effectum sortiri, & inuiolabiliter obseruari, illisque pauperes, & sacerdotes præfa-

A 2

tos,

ros, ac omnes & singulos alios, quos quomodolibet concernunt, pacificè frui, & gaudere iuxta præsentium continentiam, & tenorem; non permittentes quemquam contra illorum tenorem modo aliquo molestari, impediri, aut inquietari; contradictores per censuram Ecclesiasticam, appellatione postposita, compescendo. Non obstantibus Apostolicis, ac in Prouincialibus, & Synodalibus Concilijs editis generalibus, vel specialibus Constitutionibus, & Ordinationibus, ac Statutis, & Consuetudinibus, Priuilegijs quoque, Indultis, & literis Apostolicis, etiam in forma Breuis per quoscunque Romanos Pontifices prædecessores nostros, & nos, ac Sedem præfatam etiam per viam generalis legis, & statuti perpetui, & initi, ac stipulati contractus, ac motu proprio, & ex certa scientia, ac de Apostolicæ potestatis plenitudine, & cum quibusuis irritatiuis, annullatiuis, cassatiuis, reuocatiuis, præseruatiuis, exceptiuis, restitutiuis, declaratiuis, ac derogatorijs derogatorijs, alijsque fortioribus efficacissimis, & insolitis clausulis irritantibus, & alijs decretis etiam quibusuis locorum Ordinarijs, sub quibusuis verborum formis, & tenoribus concessio, confirmatis, & innouatis, quibus illorum omnium tenores præsentibus pro sufficienter expressis habentes, illis aliàs in suo robore permanfuris, hac vice dumtaxat, harum serie specialiter, & expressè derogamus, contrarijs quibuscunque aut si aliquibus communitè, vel diuifim ab eadem sit Sede indultum, quod interdici, suspendi, vel excommunicari non possit per literas Apostolicas non facientes plenam, & expressam, ac de verbo ad verbum de indulto huiusmodi mentionem, & qualibet alia dictæ Sedis indulgentia generali, vel speciali cuiuscunque tenoris existat, per quam præsentibus non expressam, vel totaliter non insertam effectus huiusmodi gratiæ impediri valeat quomodolibet,

libet, vel differri & de qua, cuiusque toto tenore habenda sit in nostris literis mentio specialis; Nos enim ex nunc irritum decernimus, & inane, si secus super his à quoquam quauis auctoritate scienter, vel ignoranter contigerit attentari. Nullo ergo omnino hominum liceat hanc paginam nostræ absolutionis, concessionis, indulti, mandati, derogationis, & decreti infringere, vel ei ausu temerario contraire; Si quis autem hoc attentare præsumpserit, indignationem omnipotentis Dei, ac B. Petri, & Pauli Apostolorum eius se noverit incursum. Dat. Romæ apud S. Marcum anno Incarnationis Dominicæ 1540: Prid. Non. Iunij Pontific. nostri anno 6:

A. Gapata.



6
P I I Q V A R T I

B V L L A .

S V M M A R I V M .

- 1 *Approbantur ea, quæ Superiores Hospitalium sanxerunt decreta, & nullitates si quæ fortè irrepserint, ut rata sint, suppleantur.*
- 2 *Decernitur ne à locorum Ordinarijs, quoad Privilegia, & indulgentias concessas, diuexentur.*
- 3 *Conceditur venia erigendi quocunque in loco Orphanorum Hospitalia, & ut sacerdotes in ijs sacerdotij munera exercere possint.*
- 4 *Vt capsula, ubique collocari possint, etiam non petita licentia, ad exigendam pro Hospitalibus elemosinã.*
- 5 *Vt possint deligere confessorum, vel secularem, vel regularem orphani Superioris licentia, cui ut casibus etiam Sedi Apostolicæ reseruatis à pœna, & culpa semel in vita, & mortis articulo absolueri possit, facultas datur.*
- 6 *Consequitur plenariam Indulgentiam, qui mortis articulo ter Iesus nomen protulerit.*
- 7 *Multa alia Indulgentia, & Privilegia conceduntur.*
- 8 *Præcipitur Ordinarijs locorum, ne Superiores Orphanorum inquietent, sed auxilium exhibeant.*
- 9 *Nulla alia Bulla contra hanc statui possunt.*
- 10 *Iudices deputantur.*

P I I V S E P I S C O P V S S e r u u s s e r u o r u m D e i a d p e r p e t u a m r e i m e m o r i a m . S a l u a t o r i s , & D o m i n i N o s t r i I e s u C h r i s t i , q u i d u m m o r t a l i b u s s p o l i j s i n d u t u s e s s e t , d i s c i p u l o s s u o s i n t e r r i s e r u d i e n s , & i n v i a m s a l u t i s æ t e r n æ

diri-

7
dirigens, illis paruulorum Angelos æterni patris faciem assidue contueri testatus est, vices, meritis licet imparibus, gerentes in terris, ea, quæ pro necessarijs pauperum Orphanorum alimentis, educatione Christiana charitate gesta fuisse dicuntur, libenter, potissimum cum id à nobis petitur, Apostolici muniminis præsidio stabilimus, & Christi fideles, ut ad lapsus suis operibus charitatiuis expiandos, piaque loca visitanda procliuiore existant, spiritualibus muneribus, Indulgentijs videlicet, & peccatorum remissionibus inuitamus, ut per bonorum operum exercitium, ipsorum etiam Orphanorum precibus adiuti macula suorum delictorum abolita ad Cælestis patriæ beatitudinem peruenire mereantur. Dudum si quidem fælucis recordationis Paulo Papæ Tertio prædecessori nostro pro parte dilectorum filiorum vniuersorum pauperum Orphanorum Sanctæ Mariæ Magdalænæ in Suburbio loci Sancti Leonardi, ac aliorum Bergomenf. Mediolanenf. Cumenf. Ianuen. Papien. Brixien. ac Veron. Ciuitatû, & Dioces. Hospitalium recollectorum nuncupatorum, ac tam Ecclesiasticarum, quàm secularium personarum in eis deseruientium exposito, quòd cum aliàs quondam Hieronymus Miani Ciuis Venetus tunc in humanis agens plures pauperes Orphanos propter bellorum in Italia vrgentium malos euentus, ac vrgentem famem passim derelictos vagari videret, deuotionis feruore, ac pietate motus præfatum Hospitale Sanctæ Mariæ Magdalænæ inchoasset, illudque postmodum tam propter Ciuium Bergomen. feruentem charitatem, quàm prouidam directionem, & salubre regimen præfati Hieronymi intantum auctore Domino creuisset, ut idem Hieronymus ad alia Hospitalia in alijs Italiæ partibus instituenda animum applicuisset, ita quòd tam in Mediolanenf. quàm Comen. ac alijs Ciuitatibus, ac Dioces. præfatis similia, & in quibusdam ex eis Mulierum Conuersarum hospitalia dicto Hieronymo, & nonnullis alijs mediantibus erecta

fuerant

fuerant, vnde hospitaia ipsa de bono in melius producebantur, ac in dies eorum numerus augebatur, & augeri sperabatur, & in huiusmodi expositione subiuncto, quod si in eisdem Hospitalibus, quæ per Clericos, & Laicos, in simul gubernari consueuerant, vnus esset Superior, qui inibi pro tempore deferuientes congregari facere, & de loco ad locum mutare posset, & Hospitalia ipsa aliquibus prærogatiuis decorarentur, ex hoc salubri Hospitalium, & personarum in eis deferuientium directioni, & quieti plurimum consulere, ac in eis degentes pauperes huiusmodi melius gubernarentur, & tractarentur: præfatus prædecessor Orphanorum, & deferuientium prædictorum supplicationibus inclinatus; eisdem hospitalibus quod pauperes, & personæ in eis pro tempore degentes, & deferuientes vnã ex personis inibi deferuientibus huiusmodi ecclesiasticam, vel secularem in eorum Superiorem, quæ ipsos congregari facere, ac de loco ad locum mutare, nec non quæcunque Statuta, & Ordinationes, licita, & honesta, ac sacris Canonibus non contraria condere, ipsaque Statuta, quoties eis videretur mutare, & alia de nouo statuere posset, eligere, quodque Sacerdotes ibi pro tempore deferuientes horas canonicas diurnas pariter, & nocturnas, ac Missas, & alia diuina officia secundum ritum, mores, vsu, & consuetudinem Sanctæ Romanæ Ecclesiæ, & nouissimè editum dicere, & recitare: Ipsosque pauperes, ac omnes, & singulos in dictis Hospitalibus deferuientes; dumtaxat eorum confessionibus diligenter auditis ab eorum omnibus, & singulis peccatis, criminibus, excessibus, & delictis etiam in quibus locorum Ordinarij absoluere consueuerant, absoluere, ac illis pro commissis poenitentiam salutarem iniungere, liberè, & licitè valerent, auctoritate Apostolica perpetuò concessit, & indulgit, prout in eiusdem Pauli prædecessoris literis desuper confectis plenius continetur. Cum autem sicut exhibita nobis nuper pro parte tam Superioris, & prædictorum,

quàm

quàm etiam dilectorum filiorum aliorum similibus in Cremonens. & Vercellens. & Vicentins. Ciuitatibus, ac Oppido Triultij dictæ Mediolanens. Diocesis. postmodum ritè institutorum Hospitalium pauperum Orphanorum, & inibi deferuientium petitio continebat, ipsi Orphani, & deferuientes dictarum literarum vigore Superiorem prædictum elegerint, ac idem Superior, & deferuientes pro salubri Hospitalium, pauperumque, & aliorum ibi feruientium personarum huiusmodi directione nonnullas ordinationes, & statuta concorditer ediderint, pro parte Superioris Orphanorum, & deferuientium prædictorum nobis fuit humiliter supplicatum, vt institutioni Hospitalium, ac literis, nec non electioni, ordinationibus, & statutis præfatis pro firmiori illorum substantia robur Apostolicæ confirmationis adijcere, alijsque in præmissis opportunè providere de benignitate Apostolica dignemur. Nos igitur, qui Hospitalitatis, & aliorum piorum incrementa sincero desideramus affectu Superiorem, singulosque pauperes, ac deferuientes præfatos à quibusuis excommunicationis, suspensionis, & interdicti, alijsq. Ecclesiasticis sententijs, censuris, & poenis à iure, vel ab homine quauis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absoluentes, & absolutos fore censentes, nec non veriotem dictarum literarum tenorem præsentibus pro expresso habentes huiusmodi supplicationibus inclinati, institutionem dictorum Hospitalium, & literas, ac in eis contenta; nec non electionem, ordinationes, & statuta præmissa, ac inde secuta quæcunque dicta auctoritate tenore præsentium approbamus, & confirmamus, illisq. perpetuè, & inuiolabilis firmitatis robur adijcimus, ac omnes, & singulos iuris, & facti, nec non solemnitarum forsã n omittarum, & alios quosque defectus, si qui forsã interuenerint, supplemus, illaq. valida, firma, & inuiolabilia esse, ac à cunctis in omnibus, &

B

per

per omnia obseruari debere. Nec non Superiorem, pauperes, & personas deseruientes præfatas quominus concessionibus, gratijs, & indultis sibi per literas prædecessoris huiusmodi concessis libere uti, frui, & gaudere valeant per locorum Ordinarios, aut alios quoscunque impediri; aut desuper quoquo modo molestari, vexari, seu perturbari non posse decernimus. Et nihilominus eisdem Superiori, etiam seruientibus vt

2 de licentia Ordinariorum, & Gubernatorum Ciuitatum, locorum, & terrarum, seu postquam ipsi ab eis requisiti fuerint

3 loca pro similibus, Hospitalibus instituendis sibi vltro oblata, seu petita, & sibi pro tempore concessa, aut iam ad hoc per quoscunque instituta Hospitalia recipere, & acceptare, ac in illis eadem pia opera, quæ in alijs Hospitalibus hæctenus, exercuerunt, & exercent, exercere libere, & licite possint, ac personis Ecclesiasticis Hospitalium præfatorum per locorum Ordinarios approbatis ibidem Verbum Dei ad instructionem, spiritualemque consolationem Orphanorum, & personarum secularium inibi deseruientium, ac aliorum vtriusque sexus Christi fidelium ad illa accedentium prædicandi, & annuntiandi, nec non illorum confessiones audiendi, ac illis auditis, eos in Casibus prædictis absoluendi, sacræque Eucharistiam quibusuis anni tēporibus, & diebus, non tamen in Paschate Resurrectionis Domini Nostri Iesu Christi, eisdem Pauperibus, & alijs personis illuc accedentibus ministrandi, eleemosinas Christi fidelium præfatorum petendi, & recipiendi, ac personas ad illas petendum deputandi;

4 Nec non Capsulas in Hospitalibus præfatis ad eorum, & dictorum pauperum sustentationem ponendi, diæcesum, locorum, seu cuiusuis alterius licentia desuper minimè requisita, plenam, amplam, & omnimodam facultatem, auctoritatem, & potestatem eisdem autoritate, & tenore præsentium concedimus, & impartimur. Præterea, vt ipsi Orphani

5 ab iisdem seruientibus, ac alijs in Dei timore animo prom-

ptiori

ptiori instruantur, & manteneantur, de Omnipotentis Dei, ac Beatorum Petri, & Pauli Apostolorum eius autoritate confisi seruientibus & Protectoribus vtriusque sexus Orphanorum huiusmodi, vt ipsi aliquem Presbyterum secularem, vel cuiusuis Ordinis regularem, quem voluerint, in Confessorum de dicti Superioris licentia eligere, ipsique sic electo, illos, eorum confessionibus auditis ab omnibus, & singulis eorum peccatis, quantumcumque grauibus etiam dictæ Sedi reseruatis, nec nõ à pæna, & culpa semel in vita, & semel in mortis articulo tantum aliàs in forma Ecclesiæ consueta, ac iuxta formam in quinterno Cancellariæ Apostolicæ annotatam, dicta autoritate absoluere, eisque pro commissis poenitentiam salutarem iniungere possint: Nec non eisdem nomen

6 Iesus in ipso mortis articulo ter proferentibus plenariam omnium peccatorum suorum Indulgentiam: Nec non eis

7 quoties peccata sua confitebuntur, mille, & præterea qui quinquies Orationem Dominicam, ac toties Salutationem Angelicam eodem instanti deuotè recitauerint, ac pro pacis inter Principes Christianos conseruatione, nec non hæreticorum, & schismaticorum, ac infidelium conuersione Deum Omnipotentem deuotè orauerint, duorum millium: Quicumque verò ex eis Officium B. Mariæ Virginis iuxta vsu eiusdem Romanæ Ecclesiæ singulis festiuis, centum, non festiuis autem diebus quinquaginta: Et qui Rosarium eiusdem B. Mariæ Virginis, quinquaginta, non festiuis verò diebus huiusmodi etiam recitauerint, quoties id fecerint, viginti quinque dies, & totidem quadragenas respectiue de iniunctis eis poenitentijs misericorditer in Domino concedimus, & largimur: Nec non Ordinarijs locorum huiusmodi, & quibusuis, & pro fabricæ Basilicæ Principis Apostolorum, ac Sancti Spiritus in Saxia de Vrbe, & alijs Hospitalibus nec nõ Sancti Sebastiani extra Muros eiusdem Urbis, & alijs Monasterijs, ac Sanctissimæ Trinitatis redemptionis Captiuorum,

& alijs Confraternitatibus, nec non pijs locis pro tempore de-
 putatis, ac alijs quibusvis personis in virtute sanctæ obedi-
 tiæ, ac sub indignationis nostræ pæna, ne Superiorem, Or-
 phanos, deseruientes, Protectores, ac Hospitalia, & illorum
 personas præfato, vel eorum aliqua in præmissis molestare,
 seu perturbare quoquomodo audeant, seu præsumant distri-
 ctius inhibentes; quinimo eis sub simili pæna mandantes, vt
 illis auxilium, consilium, & fauorem in præmissis præbeant;
 Nec non præsentis literas sub quibusvis reuocationibus,
 suspensionibus, ac limitationibus, seu alterationibus similium,
 vel dissimilium gratiarum, etiam per nos, aut alios Romanos
 Pontifices successores nostros, ex quibusvis causis quomodo-
 libet pro tempore factis nullatenus comprehensas, sed sem-
 per ab illis exceptas, & quoties illæ emanabunt, toties in pri-
 stinum statum restitutas, & de nouo concessas esse, & censerì,
 & ita in præmissis omnibus, & singulis per quoscunque Iudi-
 ces, & Commissarios, etiam causarum Palatii Apostolici Au-
 ditores, ac eiusdem sanctæ Romanæ Ecclesiæ Cardinales, sub-
 lata eis, & eorum cuilibet quauis aliter iudicandi, & inter-
 pretandi facultate, & authoritate, iudicari, & diffiniri debe-
 re, ac quicquid secus super iis à quoquam quauis authoritate
 scienter, vel ignoranter attentari contigerit, irritum, & inane
 decernimus, & declaramus. Quocirca Venerabili Fratri no-
 stro Episcopo Amerinen. & dilectis filiis Vicariis Venerabi-
 lium fratrum nostrorum Archiepiscopi Mediolanen. ac
 Episcopi Brixien. in spiritualibus generalibus per apostolica
 scripta mandamus, quatenus ipsi, vel duo aut vnus eorum per
 se, vel per alium, seu alios præsentis literas, & in eis contenta
 quæcunque vbi, & quando opus fuerit, ac quoties pro parte
 Superioris, Orphanorum, & deseruientium prædictorum fue-
 rint requisiti, solemniter publicantes, eisque in præmissis effi-
 cacis defensionis præsidio assistentes, faciant authoritate no-
 stra Superiorem, Orphanos, & deseruientes prædictos appro-
 batione,

batione, confirmatione, adiectione, suppletionem, decreto, cō-
 cessione, largitione, & mandato, aliisque præmissis pacificè
 frui, & gaudere, non permittentes eos desuper per quoscunq.
 quomodolibet indebitè molestari, perturbari, vel impediri:
 contradictores quoslibet, & rebelles per sententias, censuras,
 & pænas Ecclesiasticas, aliisque opportuna iuris remedia, ea-
 dem authoritate nostra, appellatione postposita, compescen-
 do, ac legitimis super his habendis seruatis processibus eaf-
 dem sententias, censuras, & pœnas, etiam iteratis vicibus ag-
 grauando, inuocato etiam ad hoc, si opus fuerit, auxilio bra-
 chii sæcularis, non obstantibus præmissis, ac piæ memoriæ
 Bonifacii Papæ VIII. similiter prædecessoris nostri, qua ca-
 uetur, ne quis extra suam Ciuitatem, vel Diocesim nisi in
 certis exceptis casibus, & in illis vltra vnā dietam à fine
 suæ Diæcesi ad iudicium euocetur, seu ne Iudices à Sede A-
 postolica deputati extra Ciuitatem, & Diocesim in quibus de-
 putati fuerint, contra quoscunque procedere, aut alij, vel alijs
 vices suas committere præsumant, ac de duabus Dietis in
 Concilio generali edita, dummodò quispiam vltra dietas ad
 iudicium præsentium vigore non trahatur, aliisque constitu-
 tionibus, & ordinationibus Apostolicis, priuilegijs quoque, In-
 dultis, & literis Apostolicis Hospitalibus, Monasterijs, Con-
 fraternitatibus, aliisque locis præfatis sub quibusque tenori-
 bus, & formis, ac cum quibusvis etiam derogatorijs de-
 rogatorijs, aliisque efficacioribus, & insolitis clausulis irratio-
 nalibusque, & alijs decretis in genere, vel in specie etiam mo-
 tu proprio, etiam Concistoriali, ac alijs quomodolibet con-
 cessis, ac etiam pluries approbatis, & innouatis, quibus om-
 nibus, etiam si pro illorum sufficienti derogatione de illis,
 eorumque totis tenoribus specialis, specifica, & expressa, &
 indiuidua, non autem per clausulas generales idem impor-
 tantes mentio, seu quæuis alia expressio habenda, aut aliqua
 alia exquisita forma ad hoc seruanda foret, illorum veriores

tenores, formas, & datas, ac si de verbo ad verbum præsentibus infererentur pro sufficienter expressis habentes illis aliàs in suo robore permansuris (hac vice duntaxat) specialiter, & expressè derogamus, contrarijs quibuscunque, aut si aliquib. communiter, vel diuisim ab Apostolica sit Sede indultum, quod interdicti, suspendi, vel excommunicari non possint per iiteras Apostolicas non facientes plenam, & expressam, ac de verbo ad verbum de indulto huiusmodi mentionem. Nul. li ergo omnino liceat hanc paginam nostræ absolutionis, approbationis, confirmationis, additionis, suppletionis, concessio- nis, impartitionis, inhibitionis, decretorum, declaratio- nis, mandatorum, & derogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, et Pauli Apostolorum eius se noverit incursum.

Datum Romæ apud Sanctum Petrum Anno Incarnationis Dominicæ Millesimo Quingentesimo Sexagesimo tertio. Sexto kalend. Iunii. Pontificatus Nostri Anno quarto.

I. Romper.



P II

P II Q V I N T I

B R E V E.

S V M M A R I V M.

1. *Quam plures Indulgentia Congregationi conceduntur.*
2. *Vt Præpositus Generalis residere Papiæ minimè teneatur, sed loca Congregationis perlustrat, & ubi opportunum videbitur, immoretur.*
3. *Benedicendi corporalia, & alia ecclesiastica indumenta, eidem Præposito Congregationis, & cæteris Rectoribus sacerdotibus facultas conceditur, excepto si unctio adhibenda sit.*



P I V S P A P A Quintus, ad futuram rei memoriam. Romanus Pontifex fidelium omnium Pastor, licèt in omnes benignitatem suam diffundat; eos tamen, qui Altissimo sub suaui Religionis iugo assiduè famulatū præstant, specialis fauoris, prærogatiua, atq. spiritualibus muneribus, & aliis gratiis libèter prosequitur. Nos igitur erga Cōgregationē Clericorū Regularium de Somascha nuncupatam, in Vineâ Domini vberes fructus assiduè afferentem propensos nos, & benignos exhibere volentes, Vniuersis, & singulis vtriusque sexus personis Congregationis Clericorum Regularium de Somascha huiusmodi, & sub ipsius regimine vbilibet nunc, & pro tempore degentibus, Vt omnibus, & singulis Quadragesimalibus, & aliis totius anni temporibus, & diebus Itationum Almæ Urbis nostræ visitando proprias Ecclesias, & in illis quinque Altaria, vbi extiterint, & vnum Psalmum David

cum

cum, vel quinquies Orationem Dominicam, & toties Salutationem Angelicam ante quodlibet Altare humili, & contrito corde recitando; Vel vbi tot Altaria non fuerint, ante vnum solum Altare septem Psalmos poenitentiales, vel totum Rosarium, videlicet 150. Salutationes Angelicas, & quindecim Dominicas Orationes deuotè pariter dicendo; easdem stationum Indulgentias consequantur, quas consequerentur, si singulis temporibus eisdem singulas dictæ Urbis, & extra illius Muros Basilicas, & Ecclesias à Christi fidelibus pro consequendis stationum Indulgentiis huiusmodi visitari solitas personaliter visitarent, cæteraque ad id necessaria adimplerent, de Omnipotentis Dei misericordia, ac Beatorum Petri, & Pauli Apostolorum eius autoritate confisi tenore præsentium concedimus, et indulgemus. Præterea omnibus sub eiusdem Congregationis Regimine pro tempore existentibus Officium legere nescientibus, qui tertiam partem Rosarii Beatissimæ Virginis Mariæ quotidie deuotè dixerint, toties quinquaginta dies de vera Indulgentia in forma Ecclesiæ consueta eadem autoritate concedimus. Cum autem per Visitationis munus Religiosi in officio contineantur; & ex inde magni fructus quotidie proueniant, volumus, atque decernimus, quòd Præpositus Generalis dictæ Congregationis nunc, & pro tempore existens Papię residere minimè teneatur, sed loca sibi subiecta visitare, ibique, vbi eius præsentia magis necessaria esse sibi videbitur, morari possit. Insuper eidem Præposito, vt Corporalia, ac Paramenta, aliaque omnia Ecclesiastica ab Episcopis benedici solita, exceptis his, in quibus vnctio adhibetur, pro vsu ipsius Congregationis, nec non etiam Rectoribus Sacerdotibus de eadem Congregatione Paramenta Ecclesiastica pro suarum Ecclesiarum vsu, benedicere possint, et valeant, earundem præsentium tenore facultatem impartimur. Non obstantibus quibusuis Apostolicis, & in Prouincialibus, & Synodalibus Conciliis, edictis

gene-

generalibus, vel specialibus, Constitutionibus, et Ordinationibus, nec non dictæ Congregationis statutis, et Consuetudinibus, etiam Iuramento, confirmatione Apostolica, vel quauis firmitate alia roboratis; Priuilegijs quoque, Indultis, et literis Apostolicis in contrarium quomodolibet concessis, et confirmatis. Quibus omnibus eorum tenores, ac si de verbo ad verbum infererentur præsentibus pro expressis habentes ad effectum præsentium specialiter, et expressè derogamus, cæterisque contrarijs quibuscunque. Volumus autem quòd præsentium transumptis manu alicuius Notarii publici subscriptis, et sigillo alicuius personæ in dignitate Ecclesiastica constitutæ munitis eadem fides adhibeatur, quæ præsentibus originalibus literis adhiberetur, si forent exhibitæ, vel ostensæ.

Dat. Romę apud Sanctum Petrum sub Annulo Piscatoris die Quinta Ianuar. MDLXVII. Pontificatus nostri anno sexto.

Cæs. Glorierius,



C

SIXTVS

P I I Q V I N T I

B V L L A .

S V M M A R I V M .

- 1 *Emittendi tria solemnia vota facultas conceditur.*
- 2 *Diui Augustini Regula Somaſchensis Congregatio adſcribitur.*
- 3 *Interdicitur ſecretus locus ad emittenda vota, & ut in communi viuere, bona poſſidere poſſit, uenia datur.*
- 4 *Imponitur nomen Congreg. uidelicet Clericorum Regularium Sancti Maioli Papiæ, ſeu Somaſchæ.*
- 5 *Bonorum relictorum fructus poſſidere licite poteſt Congregatio, etiam non reſquiſita Ordinarij licentia.*
- 6 *Derogationibus, ſuſpenſionibus, &c. ſubiacere non poſſunt hæc Bulla.*
- 7 *Iudices deputantur.*



DIVS PAPA Quintus. Ad perpetuam rei memoriam. Iniunctum nobis deſuper Apoſtolice ſeruitutis officium dignè peragere credimus, ſi ad ea, per quæ Congregationes præſerti in Orphanorum cauſa inſtitutæ faciliùs ſtabiliri, & firmiùs conſeruari valeât, conſiderationis noſtræ aciem extendamus. Sanè exponi nobis nuper fecerunt dilecti filij Sacerdotes, Clerici, & Laici Congregationis loci de Somaſcha Mediolanenſ. Dioceſ. dudum canonicè inſtituti, quod aliàs ſel. record. Paulus Papa III. prædeceſſor noſter Congregationi prædictæ, cui quondam Hieronymus Aemilianus olim patricius Venetus vir e-

ximæ

ximæ pietatis inſignis, Spiritu ſancto, ut piè creditur, aſſatus omnibus ſæculi curis poſthabitis initium antea dederat, quamque multi illius exemplo adducti amplexi fuerant, & à Genuen. Mediolanen. Ferrarienſ. alijsque Italiae Ciuitatibus, & Urbibus acciti illam dilatauerant, Caput ſibi eligendi, Conſtitutiones condendi facultatem conceſſit, eamque ab Ordinariorum ſuperioritate, Iurisdictione, & poteſtate exemiſit, ac tam ille, quam deinde piæ memoriæ Pius Papa Quartus, etiam prædeceſſor noſter dictam Congregationem nonnullis alijs Priuilegijs, & gratis proſecuti fuerint, nec non ſucceſſiuè Dilectus filius noſter Carolus tituli Sanctæ Prædixis Presbyter Cardinalis Borromeus nuncupatus ſufficienti ad id facultate, ut aſſerebat, ſuffultus dictæ Congregationi Eccleſiam Sancti Maioli Papienſ. olim per Monachos Cluniacenſ. Ordinis obtineri ſolitam certis annuis redditibus illi aſſignatis donauit, noſque poſtmodum donationem prædictam Apoſtolica authoritate approbauimus, prout in ſingulis prædeceſſorum, & Caroli Cardinalis prædictorum patentibus, ac noſtris literis deſuper conſectis plenius continetur; quarum litterarum vigore prædicti Sacerdotes, Clerici, ac Laici Eccleſiam prædictam in Domum principalem, & tanquam aliarum Eccleſiarum dictæ Congregationis caput pro futuris Præpoſito, qui inibi reſideat, ac vnà cum alijs deputandis proſeſſis non ſolum illius, ſed etiam aliarum Eccleſiarum eiſdem Congregationis curam, regimen, & adminiſtrationem habeat, nec non proſeſſis, qui dicto Præpoſito reuerentiam, & obedientiam præſtent, ſibi delegerunt. Cum autem ſicut eadem expoſitio ſubiungebat, licet iidem Sacerdotes, Clerici & Laici religioſè admodum uiuant, ac præcipuè inter alia pietatis opera Orphanorum in diſciplina Chriſtiana, bonisque artibus, & literis ſecundum cuiusque ingenii captum erudiendorum, ac nonnullis in locis Semina-

C 2

rio-

riorum Clericorum curam summo cum studio gerant, ac propterea dubium non sit, quin hæc Congregatio perpetuo duratura sit; nihilominus, quia plerique illorum ob professionem non emissam existimantes se non verè Religiosos, ab illa recedunt, & ad aliquam Religionem conuolant; alij pauperes, & non habentes titulum beneficii, & patrimonium, repugnante Concilio Tridentino, ad Ordines promoueri nequeunt, aut alijs rationibus adducti aliud viuendi genus eligunt, multi ipsius Congregationis Sacerdotes, Clerici, & Laici ad firmitus stabiliendum huiusmodi Congregationem, & ad obuiandum hisce, & alijs inconuenientibus tria Vota, videlicet Paupertatis, Castitatis, & Obedientiæ emittere summopere desiderant, si ad id nostra, Sedisque Apostolicæ suffragetur authoritas: Quare eidem Sacerdotes, Clerici, & Laici nobis humiliter supplicari fecerunt, quatenus illis Vota prædicta in manibus alicuius Prælati Ecclesiastici emittendi licentiam concedere, ac aliàs perpetuæ illius Congregationis conseruationi, & Orphanorum prædictorum vtilitati consulere, opporru- neque providere de benignitate Apostolica dignaremur. Nos igitur, qui pijs, honestisque petentium votis gratum solemus præstare assensum, dictorum Sacerdotum, Clericorum, & Laicorum piam vitam, optimumque viuendi, & instituendi propositum plurimum in Domino collaudantes, ipsosque, & eorum singulos à quibusuis excommunicationis, suspensionis, Interdicti, alijsque Ecclesiasticis sententijs, censuris, & pœnis à lure, vel ab homine quauis occasione, vel causa latis, si quibus quomodolibet innodati existunt, ad effectum præsentium duntaxat consequendum absoluentes, & absolutos fore censentes, nec non prædictarum literarum, & inde secutorum quorumcunque tenores præsentibus pro expressis habentes, huiusmodi supplicationibus inclinati prædictis Sacerdotibus, Clericis, &

Lai-

Laicis vot prædicta emittere volentibus illa in manibus Prælati alicuius Ecclesiastici per Congregationem huiusmodi ad id eligendi, donec sex ex ipsis fuerint professi, & sibi Præpositum ipsius Congregationis generalem secundum illorum Constitutiones factas, seu faciendas eligendum, & confirmandum elegerint, & deinde dictis sex professis, & electo Præposito omnibus, & singulis alijs Christi fidelibus etiam in Orphanotrophijs educatis, & eruditis dictam Religionem ingredi volentibus in ipsius Præpositi, seu illius Vicarii manibus emittendi, & profitendi, ac sub Regula Sancti Augustini in habitu tamen clericali, & honesto, ac locis in quibus vixerint, conformi incedendo viuendi, nec non Prælato, & Præposito, Vicarioque prædictis Vota huiusmodi in manibus illorum recipiendi liberam facultate m. Ac quod infra triennium proximè futurum hi, qui per decennium in dicta Congregatione laudabiliter vixerint vota prædicta emittere non expectato anno probationis, triennio verò huiusmodi elapso, alij ipsa vota emittere volentes, non nisi elapso anno probationis, ac completo anno decimo sexto suæ ætatis in Ecclesia prædicta, aut alibi, vbi commodius Præposito, seu Vicario visum fuerit, vota prædicta, ita vt non sit locus tacitæ professioni, emittere, & profiteri; quòdque præfati, & pro tempore existentes Præpositus, Sacerdotes, Clerici, & Laici sub dicta Regula secundum Constitutiones per eos factas, seu faciendas viuere, omniaque, & singula quæcunque, quotque, & qualiacunque bona mobilia, seu immobilia dictæ Congregationis, seu eius locis, vel Ecclesijs ab vniuersitatibus, communitatibus, & alijs etiam priuatis personis cuiusuis status, gradus, ordinis, qualitatis, & præminentie existant, testamento, vel codicillis, aut alia vltima voluntate, seu donatione etiam inter viuos, aut aliàs quomodolibet, nec in oblationes sibi relicta, & relinquenda recipere, exigere, &

re, & in communi tantum possidere libere possint, & valeant, quodque de cætero Congregatio prædicta Clericorum Regularium Sancti Maioli, siue de Somascha appelletur, similiter perpetuò statuimus, & ordinamus, & insuper quomodocunque pro tempore relicta Congregationi prædictæ, & non aliter expresso, vel declarato loco ex nunc, prout ex tunc, & è contra Ecclesiæ Sancti Maioli, ita quòd liceat pro tempore existenti Præposito per se, vel per alium, seu alios dictorum relictorum fructus, & emolumenta in sibi benè visos, & necessarios vsus, & vtilitatem Ecclesiæ Sancti Maioli, & Congregationis prædictorum, libere, & licitè conuertere, Ordinarij loci, vel cuiusuis alterius licentia desuper minimè requisita, autoritate, & tenore præsentium præmissis etiam perpetuò applicamus, & appropriamus, decernentes præsentis literas de subreptionis, vel obreptionis, aut nullitatis, alioue vitio, seu intentionis nostræ defectu notari, argui, & impugnari, ac reuocari, limitari, moderari, suspendi, aut illis derogari, & sub quibusuis similibus gratiarum reuocationibus, derogationibus, limitationibus, moderationibus, suspensionibus, aut alijs contrarijs dispositionibus comprehendi non posse, & quoties illæ emanabunt, toties in pristinum, & validissimum statum restituta, & de nouo concessa, & perpetuò valida, & efficacia esse, & fore, suosque plenarios, & integros effectus sortiri, & ita per quoscunque Iudices, & Commissarios quauis autoritate fungentes, sublata eis, & eorum cuilibet quauis aliter iudicandi, & interpretandi autoritate, & facultate, iudicari, & definiti debere, ac ex nunc irritum, & inane quicquid fecus super his à quoquam quauis autoritate scienter, vel ignoranter contigerit attentari. Quocirca Venerabilibus

7 Fratribus Amerinens. & Papien. ac Cremonens. Episcopis per præsentis mandamus, quatenus ipsi, vel duo, aut vnus eorum per se, vel alium, seu alios Congregationi, & futuro,

turo Præposito huiusmodi, ac illius singulis personis in præmissis efficacis defensionis præsidio assistentis faciant autoritate nostra Congregationem, illiusque Præpositum, & singulas personas concessione, indulto, statuto, ordinatione, applicatione, appropriatione, & decreto huiusmodi pacificè frui, & gaudere, non permittentes eos desuper per quoscunque contra præsentium tenorem quomodolibet molestari, contradictores quoslibet, & rebelles, ac præmissis non parentes per censuras, & pœnas ecclesiasticas, aliaque Iuris remedia appellatione postposita compescendo; nec non legitimis super his habendis seruatis Processibus, illos censuras, & pœnas ipsas incurrisse declarando; nec non eas etiam iteratis vicibus aggrauando, inuocato etiam ad hoc, si opus fuerit, auxilio brachij secularis. Non obstantibus præmissis, ac fel. mem. Bonifacij Papæ VIII. prædecessoris nostri de vna, & Concilij generalis de duabus dietis, dummodo quis vigore præsentium vltra tres dietas, ad Iudicium non trahatur, ac alijs quibusuis Constitutionibus, & Ordinationibus Apostolicis, nec non ipsius Congregationis, ac quorumuis Monasteriorum, & Ordinum etiam iuramento, & confirmatione Apostolica, vel quauis firmitate alia roboratis statutis, & consuetudinibus, Priuilegijs quoque, Indultis, & literis Apostolicis illis, illorumque Superioribus, & personis sub quibuscunque tenoribus, & formis, ac cum quibusuis etiam derogatorijs derogatorijs, aliisque efficacissimis restrictiuis, & insolitis clausulis, irritantibusque, & alijs decretis in genere, vel specie, ac aliàs quomodolibet etiam iteratis vicibus concessis, confirmatis, & inno-uatis, quibus omnibus, & singulis etiam si aliàs pro illorum sufficienti derogatione de illis, illarumque totis tenoribus specialis, specifica, expressa, & indiuidua, non autem per clausulas generales idem importantes mentio, seu quæuis alia expressio habenda, aut aliqua alia exquisita forma ad

hoc

hoc seruanda foret, illorum tenores præsentibus pro u ffif
cienter expressis, & insertis habentes, illis aliàs in suo robore
permanuris hac vice, duntaxat specialiter, & expressè de-
rogamus, contrarijs quibuscunque, aut si aliquibus commu-
niter, vel diuifim ab eadem sit Sede indultum, quod inter-
dici, suspendi, vel excommunicari non possint, per literas A-
postolicas non facientes plenam, et expressam, ac de verbo
ad verbum de indulto huiusmodi mentionem.

Dat. Romæ apud Sanctum Petrum sub Annulo Piscato-
ris die sexta Decembr. MDLXVIII. Pontificatus Anno
Tertio.

Cæs. Glor.



GRE-



GREGORII XIII.

B V L L A.

S V M M A R I V M.

- 1 Refertur Resignatio olim facta Præpositura S. Ma-
ria Magdalena Ianuensis. Eiusdem suppressio, &
extinctio: Atque Congregationi Clericorum Regul.
Theatinorum assignatio.
- 2 Eadem Ecclesia in Parochialem denuo erigitur.
- 3 Presbiteris Congregationis de Somasca assignatur
eisque Animarum Cura demandatur.
- 4 Bullæ executio aliquot Episcopis committitur, atque
ab omnibus contrarijs vindicatur.



Regoritis Episcopus Seruus seruorum Dei.
Ad perpetuam rei memoriam. Cupientes
Ecclesias vniuersas religiosè coli, & ani-
marum curam, qua nullum in terris gra-
uius onus inueniri potest, eiusmodi personis
committi, quas non mercedis cupiditas al-
licitat, sed charitatis ardor accendat; illorum precibus, qui

D

hunc

hunc solum sibi finem proposuerunt, libenter annuimus, ijsq. præsertim tantum munus rectè demandari posse credimus, quos & loci Ordinarius, & populus expetunt, quique proprio quodam, & peculiari vinculo se se sua sponte Religioni obrinxerunt. Aliàs siquidem Præpositura sæcularis, & Collegiata Ecclesiæ Sanctæ Mariæ Magdalænæ Ianuensis tunc per liberam resignationem Venerabilis Fratris nostri Caroli Episcopi Albinganensis de illa, quam tunc ex dispensatione, seu concessione Apostolica in titulum, seu commendam obtinebat, in manibus nostris, spontè factam, & per nos admiffam apud Sedem Apostolicam. Seu commenda huiusmodi ex eo, quod dictus Carolus Episcopus illi tunc in eisdem manibus nostris spontè, & liberè cesserat. Nosque cessionem ipsam duxeramus admittendam, cessante adhuc eo quo ante commendam eandem vacabat, modo vacante. Nos Præposituram prædictam, quæ inibi dignitas principalis tunc existebat, cuique cura parochianorum ipsius Ecclesiæ, quæ etiam parochialis existebat, imminebat animarum, in qua duo Canonicatus, & totidem præbendæ seu duo perpetua simplicia beneficia Ecclesiastica Canonicatus nuncupata esse dignoscebantur, vt præfertur, vacantem, & quatenus per resignationem huiusmodi vacaret, antea dispositioni Apostolicæ reseruatum, ac in dicta Ecclesia nomen, titulum, essentiam, & insignia omnia dignitatis Præposituræ Collegiatae, & Parochialis Ecclesiæ, nec non sine præiudicio illos seu illa tunc obtinentium Canonicatus, & Præbendas, seu beneficia prædicta, ex tunc si vacabant, alioquin cum primùm illos seu illa per Cessum, vel decessum illos, seu illa obtinentium, aut alias quibusuis modis, & ex quorumcunque personis, etiam apud Sedem prædictam, vel in aliquo ex mensibus nobis, & pro tempore existenti Romano Pontifici, & eidem Sedi per quascunque Constitutiones Apostolicas, seu Cancel-

lariæ

lariæ Apostolicæ regulas, reseruatis, & reseruandis, ac etiam Ordinariis collatoribus etiam per easdem, vel alias Constitutiones, seu regulas, aut literas alternatiuarum, vel alia priuilegia, & indulta concessis, eatenus, vel in posterum concedendis, seu aliàs quomodolibet vbiunque simul vel seorsum vacare contingeret, Auctoritate Apostolica perpetuò suppressimus, & extinximus, curamque animarum huiusmodi ab eadem Ecclesia in perpetuum abdicauimus, & separauimus, ac curam eandem in Capellam Corporis Domini Nostri Iesu Christi in angulo ipsius Ecclesiæ constructam, quæ propriâ, & separatam portam haberet, & à corpore ipsius Ecclesiæ cancellis ferreis distingueretur, transtulimus, nec non dictam Capellam in curatam, cuius collatio, & omnimoda dispositio ad loci Ordinarium, ordinario iure spectaret, & in qua vnus Rector præbiter sæcularis, qui curam animarum huiusmodi exerceret, nomen tamen Præpositi, quod suppressum esse censeretur, vsurpare non posset, etiam perpetuò ereximus, & instituimus, omnesque eiusdem Ecclesiæ fructus, redditus, & proventus ab illa in perpetuum dismembrauimus, & separauimus, illosque, ac Præposituræ, nec non Canoniarum, & præbendarum, seu beneficiorum huiusmodi fructus, redditus, & proventus dictæ Capellæ, pro illius dote, & pro tempore existentis Rectoris sustentatione similiter perpetuò applicauimus, & appropriauimus: Ecclesiam verò ipsam ab omni sepulcrorum, & alio quouis onere liberam, & immunem Congregationi Clericorum Regularium Theatinorum nuncupatorum Sancti Siluestri de Vrbe cum illius domibus ædificijs, & adhærentijs vniuersis pro vsu, & habitatione, vnus Præpositi, & Clericorum eorundem, etiam perpetuò concessimus, & assignauimus, ac etiam vniuimus, anneximus, & incorporauimus, nec non in dicta Ecclesia seu domibus, ædificijs, & adhærentijs prædictis vnum Collegium Cle-

D 2

rico-

ricorum Regularium huiusmodi ad instar aliorum eiusdem Congregationis Collegiorum cum omnibus privilegiis, prerogatiuis & gratiis, quibus alia dictæ Congregationis Collegia utebantur, potiebantur, & gaudebant, pariter perpetuò exeximus, & instituimus, prout in nostris inde confectis literis plenius continetur. Cum autem Præpositus, & Clerici prædicti, quibus Nos pridem Ecclesiam Abbatiam, aut alias nuncupatam Sancti Syri Iauensis, ordinis Sancti Benedicti per alias nostras literas concessimus, & assignauimus, vt in ipsis literis latius etiam continetur: Concessionem, & assignationem eiusdem Ecclesiæ Sanctæ Mariæ Magdalænæ celsierint, ac dissolutioni vniionis, annexionis, & incorporationis huiusmodi consenserint hodie in manibus nostris sponte, & libere. Nosque cessionem, & consensum huiusmodi duxerimus admittendos. Et sicut exhibita nobis nuper pro parte Venerabilis fratris nostri Cypriani Archiepiscopi Iauensis, tam suo, quàm dilectorum filiorum parochianorū eiusdem Sanctæ Mariæ Magdalænæ cupientium curam animarum suarum per eos potissimum exerceri, quos verbo, & exemplo sibi maximè profuturos intelligunt: Nec non Congregationis Clericorum Regularium de Somaſca ad curam Orphanorum deputatorum nominibus, petitio continebat, prædicti Præpositus, & Clerici Sancti Siluestri in eandem S. Syri se contulerint; prædictam verò S. Mariæ Magdalænæ Ecclesiam, cum eorum vsui amplius necessaria non sit, vacuam dimiserint, et sicuti eadem petitio subiungebat, si dicta Ecclesia S. Mariæ Magdalænæ Congregationi Clericorum Regularium de Somaſca, vnà cum illius domo, seu domibus, ædificijs, districtu, & adhærentiis vniuersis perpetuò concederetur, & assignaretur, nec non in Capella prædicta nomen, titulus, & insignia omnia parochialis, & curatæ Capellæ supprimerentur, & extinguerentur, ac cura animarum huiusmodi,

quæ

quæ in Capellam prædictam translata fuerat, vt præfertur, rursus ab eadem Capella separaretur, & abdicaretur, ipsaque cura denuo inter eandem Ecclesiam Sanctæ Mariæ Magdalænæ reduceretur, & Ecclesia ipsa iterum in parochialem erigeretur, & institueretur, prædicta verò animarum cura presbyteris Regularibus Congregationis de Somaſca huiusmodi, qui illam exercere deberent, committeretur, nec non fructus, redditus, & proventus prædicti, ab eadem Capella dismembrarentur, & separarentur, ac ipsi Ecclesiæ S. Mariæ Magdalænæ pro illius dote, & presbyterorum eorundem sustentatione applicarentur, & appropriarentur: Spes maxima concipi posset fore, vt ita Diuino cultui optimè prospiceretur, & animarum Cura huiusmodi, qua decet diligentia, & charitatis ardore per ipsos presbyteros exerceretur, ac parochianorum eorundem, tam in diuinis audiendis, quàm in Sacramentis percipiendis commoditati, & spiritali consolationi plurimum consuleretur. Quare idem Cyprianus Archiepiscopus dignis, & idoneis ministris Ecclesias committi cupiens, asserensque fructus, redditus, & proventus prædictos triginta quinque ducatorum auri de Camera secundum communem æstimationem valorem annum non excedere, nominibus prædictis. Nobis humiliter supplicari fecit, quatenus tandem Ecclesiam Sanctæ Mariæ Magdalænæ Clericis, & Presbyteris Congregationis de Somaſca huiusmodi concedere, & assignare, ac in Capella prædicta, nomen, titulum, & insignia omnia Parochialis, & Curatæ Capellæ suppressere, & extinguere, ac curam animarum huiusmodi rursus ab eadem Capella separare, & abdicare, ipsamque Curam denuo in eandem Ecclesiam Sanctæ Mariæ Magdalænæ reducere, ac Ecclesiam ipsam iterum in parochialem erigere, & instituire, prædictam verò animarum Curam Presbyteris Regularibus Congregationis de

Somasca huiusmodi committere, fructusque, redditus, & proventus prædictos ab eadem Capella separare, & dismembrare, ac ipsi Ecclesiæ Sanctæ Mariæ Magdalensæ perpetuò applicare, & appropriare, aliàsque in præmissis opportunè providere de benignitate Apostolica dignemur. Nos igitur, qui dudum inter alia volumus, & ordinavimus, quòd petentes beneficia Ecclesiastica aliis vniri, tenerentur exprimere verum annum valorem secundum æstimationem prædictam, etiam beneficij, cui aliud vniri peteretur, alioquin vnio non valeret, & semper in vnionibus commissio fieret ad partes, vocatis quorum interesset. Cyprianum Archiepiscopum, & parochianos, ac Clericos, & Presbyteros Congregationis de Somasca prædictos, ac eorum singulos, à quibus excommunicationis, suspensionis, & Interdicti, aliisque Ecclesiasticis sententiis, censuris, & pænis à iure, vel ab homine quavis occasione, vel causa latis, si quibus quomodolibet innodati existunt, ad effectum præsentium duntaxat consequendum harum serie absolventes, & absolutos fore censentes; Nec non aliarum vnionum Congregationi ipsi de Somasca quomodolibet factarum tenores, nec non fructuum, reddituum, et proventum Congregationis de Somasca huiusmodi verum annum valorem præsentibus pro expressis habentes, huiusmodi supplicationibus inclinati Ecclesiam Sanctæ Mariæ Magdalensæ prædictam, in qua nihilominus nomen, titulus, essentia, & insignia omnia dignitatis Præposituræ, & collegiatæ Ecclesiæ, nec non sine præiudicio illos, seu illa nunc forsitan obtinentium duo Canonatus, & totidem Præbendæ, seu duo beneficia huiusmodi, ex nunc si vacent, aut cum primùm per cessum, vel decessum illos, seu illa obtinentium eorundem, aut alias quibusvis modis vacare contigerit, in perpetuum suppressa sint, & esse censentur, quouis modo quem, etiam si ex illo quæuis generalis

refer-

reservatio, etiam in corpore iuris clausa, non tamen per obitum apud Sedem prædictam resultet, præsentibus haberi volumus pro expresso, & ex cuiuscunque persona vacet, etiam si tanto tempore vacauerit, quòd eius collatio iuxta Lateranensis statuta Concilii ad Sedem eandem legitimè deuoluta, ipsaque Ecclesia sanctæ Mariæ Magdalensæ dispositioni Apostolicæ specialiter reservata existat, & super ea inter aliquos lis, cuius statum præsentibus haberi volumus pro expresso, pendeat indecisa, dummodo tempore datarum præsentium non sit in ea alicui specialiter ius quæsitum, cum illius domo seu domibus, districtu, ædificijs, adherentiis, iuribus, & pertinentiis vniuersis Clericis, & Presbyteris Congregationis de Somasca huiusmodi pro eorum vsu, & habitatione Auctoritate prædicta tenore præsentium perpetuò concedimus, & assignamus: Nec non in dicta Capella, ab eius primæua erectione in Curatam, vt præfertur, vacante, de qua nullus præter nos pro eo quod nos dudum omnia beneficia Ecclesiastica cum Cura, & sine Cura apud Sedem eandem tunc vacantia, et in antea vacatura Collationi, et dispositioni nostræ reservauimus, Decernentes ex tunc irritum, et inane si secus super his à quoquam quavis auctoritate scienter, vel ignoranter contigerit attentari, hac vice disponere potuerit siue possit, reservatione, & decreto obliuentibus supradictis, nomen, titulum, et insignia omnia parochialis, et Capellæ Curatæ, dicta auctoritate, etiam perpetuò supprimimus, et extinguimus, ac Curam animarum supradictam ab eadem Capella perpetuò abdicamus, et separamus Curamque eandem denuo in dictam Ecclesiam Sanctæ Mariæ Magdalensæ similiter perpetuò reducimus, & Ecclesiam ipsam in parochialem cum omnibus parochialibus insigniis, sine tamen alicuius præiudicio, etiam perpetuò erigimus, et instituimus, prædictamque Curam eisdem Presbyteris Regularibus Con-

sup

D 4 gre-

gregationis de Somaſca pro Superiorum ſuorum arbitrio deputandis, & amouendis, & ab eiſdem ſuperioribus, ac loci Ordinario approbatis, & idoneis repertis, qui Curam exercere, & parochianis huiusmodi Eccleſiaſtica Sacramenta miniſtrare, in ipſa quoque Eccleſia diuina officia celebrare, omniaque parochianorum munera obire debeant, committimus, & demandamus. Nec non ſupradictos fructus, redditus, & proventus ab eadem Capella diſmembrauimus, & ſeparauimus, illoſque dictæ Eccleſiæ Sanctæ Mariæ Magdalænæ pro illius dote, & Presbyterorum Regularium in eadem Eccleſia pro tempore deſeruentium ſuſtentatione. Ita quod liceat ipſis Presbyteris per ſe, vel per alium, ſeu alios, eorum nomine corporalem, realem, & actualeſſimam poſſeſſionem Eccleſiæ Sanctæ Mariæ Magdalænæ, Domus, ſeu domorum, diſtrictus, ædificiorum, & adhærentiarum, iurium, & pertinentiarum prædictorum propria auctoritate liberè apprehendere, ſeu apprehenſam perpetuò retinere Curamque prædictam exercere, & fructus huiusmodi percipere, exigere, & leuare, ac in ſuos, & dictæ Eccleſiæ Sanctæ Mariæ Magdalænæ uſus, et utilitatem conuertere, Diœceſani loci, vel cuiuſuis alterius licentia minimè requiſita, ſimiliter perpetuò applicamus, et appropriamus. Et inſuper ut dicti Clerici, et Presbyteri Congregationis de Somaſca iuxta pium eorum inſtitutum commodiùs, ad Dei laudem conuenire valeant in dictis Domo, ſiue Domibus, ædificiis, diſtrictu, et adhærentiis, vnum Collegium Clericorum dictæ Congregationis de Somaſca pro uſu, et habitatione vnius Præpoſiti, et eorundem Clericorum, ac Presbyterorum per eos perpetuò tenendum, regendum, et adminiſtrandum ad inſtar aliorum ipſius Congregationis Collegiorum, etiam ſine alicuius præiudicio, præſata auctoritate ſimiliter perpetuò erigimus, et inſtituimus, illicque ſic erecto, ac Præpoſito Clericis, et Presbyteris, coeteris-

que

que illius perſonis pro tempore exiſtentibus, vt omnibus, et ſingulis priuilegiis, et facultatibus, libertatibus, immunitatibus, prærogatiuis, fauoribus, cæterisque tam Spiritualibus, quam temporalibus gratis vniuerſis, quibus alia Collegia eiſdem Congregationis de Somaſca, illorumque Præpoſiti, Clerici, et Presbyteri, alięque perſonæ quomodolibet vtuntur, potiuntur, et gaudent, ac vti, potiri, et gaudere poſſint, vel etiam conſueuerunt, aut in futurum poterūt, pariter, et eque principaliter, ac ſine vllò diſcrimine ſimiliter vti, potiri, et gaudere liberè, et licitè valeant, eadem Apoſtolica auctoritate concedimus, & indulgemus. Decernentes quoad Capellam pro vt eſt, & attentatum forſan eſt hætenus; Nec non quoad illam, & Eccleſiam Sanctæ Mariæ Magdalænæ, ac omnia alia præmiſſa, ex nunc irritum, & inane ſi ſecus ſuper his à quoquam quauis auctoritate ſcienter, vel ignoranter contigerit attentari. Quo circa Venerabilibus Fratribus noſtris Papienſi & Terdonenſi, ac Sauonenſi Episcopis per Apoſtolica ſcripta mandamus, quatenus ipſi, vel duo, aut vnus eorum per ſe, vel per alium, ſeu alios præſentes literas, & in illis contenta quæcunque vbi, et quando opus fuerit, ac quoties pro parte Cypriani Archiepiscopi, & Parochianorum, ac Præpoſiti, Clericorum, & Presbyterorum Congregationis de Somaſca prædictorum fuerint requiſiti, ſolemniter publicantes, ac illis in præmiſſis efficaciſſimè deſenſionis præiudicio aſſiſtentes, faciant auctoritate noſtra Præpoſitum pro tempore exiſtentem, ac Clericos, & Presbyteros Congregationis de Somaſca huiusmodi conſeſſione, aſſignatione, ſuppreſſione, extinctione, abdicatione, ſeparatione, reductione, erectionibus, inſtitutionibus, commiſſione, demandatione, diſmembratione, ſeparatione, applicatione, appropriatione, omnibusque, & ſingulis aliis præmiſſis pacificè frui, et gaudere,

D 5 re,

re, ac si opus fuerit Præpositum, et Clericos, ac Presbyteros de Somasca huiusmodi, vel eorum Procuratorem ipsorum nomine in corporalem possessionem Ecclesiæ Sanctæ Mariæ Magdalænæ, ac Domus, seu domorum, districtus, ædificiorum, adhærentiarum, iuriumque, & pertinentiarum prædictorum inducant auctoritate nostra, et defendant inductum, Amoto à Capella quomodolibet, et Ecclesia Sanctæ Mariæ Magdalænæ Domo, seu Domibus, districtu, ædificiis, adhærentiis, iuribus, et pertinentiis prædictis illicito detentore, facientes eisdem Præposito, Clericis, et Presbyteris de Somasca, vel eorum Procuratori huiusmodi de fructibus, redditibus, et prouentibus prædictis integrè responderi: Contradictores quoslibet, et rebelles per censuram Ecclesiasticam, aliaque opportuna iuris remedia appellatione postposita compescendo, Nec non legitimis super his habendis seruatis processibus illos sententias, Censuras, & penas prædictas incurrisse declarando, ac etiam iteratis vicibus aggrauando, Inuocato etiam ad hoc, si opus fuerit, auxilio brachii sæcularis. Non obstantibus priori voluntate nostra prædicta, ac Lateranensis Concilii nouissimè celebrati, Vniones perpetuas nisi in casibus à Iure permissis fieri prohibentis, nec non felicitis recordationis Bonifacij Papæ Octauij prædecessoris nostri, etiam illa, qua cauetur ne quis extra suam Ciuitatem, vel Dioccesim, nisi in certis expressis casibus, & in illis ultra vnam dietam à fine suæ Diocesis ad iudicium euocetur, seu ne Iudices à Sede deputati prædicta extra Ciuitatem, vel Dioccesim in quibus deputati fuerint contra quoscunque procedere, aut alij, vel alijs vices suas committere quoquomodo præsumant, & de duabus dietis in Concilio Generali edita, dummodo ultra tres dietas aliquis auctoritate præsentium

ad

ad iudicium non tranatur, & quibusuis aliis constitutionibus, & ordinationibus Apostolicis, ac dictarum Congregationum, & Ecclesiæ Sanctæ Mariæ Magdalænæ huiusmodi iuramento, confirmatione Apostolica, vel quauis firmitate alia roboratis, statutis, & consuetudinibus contrarijs quibuscunque, aut si aliqui dicta Apostolica, vel alia quauis auctoritate, in eadem Ecclesia Sanctæ Mariæ Magdalænæ in Canonicos sint recepti, vel vt recipiantur insistant, seu si super prouisionibus sibi faciendis de Canonicatibus, & præbendis ipsius Ecclesiæ Sanctæ Mariæ Magdalænæ speciales, vel aliis beneficiis Ecclesiasticis in illis partibus generales dictæ Sedis, vel Legatorum eius literas impetrarint, etiam si per eas ad inhibitionem, reservationem, & decretum, vel alias quomodolibet sit processum. Qua quidem literas, & processus habitos per eandem, ac inde sequuta quæcunque ad Canonicatus, & præbendas, seu beneficia, ac Capellam huiusmodi volumus non extendi, sed nullum per hoc eis quoad asecutionem Canonicatum, & præbendarum, seu beneficiorum aliorum præiudicium generari, & quibuslibet aliis priuilegiis, indulgentiis, & literis Apostolicis generalibus, & specialibus quorumcunque tenorem existant, per quæ præsentibus non expressa, vel totaliter non inserta effectus eorum impediri valeat quomodolibet, vel differri, & de quibus, quorumque totis tenoribus de verbo ad verbum habenda sit in eisdem literis mentio specialis, prouiso quòd dicta Ecclesia Sanctæ Mariæ Magdalænæ debitis propterea non fraudetur obsequiis, & animarum Cura huiusmodi in ea nullatenus negligatur, sed eius congruè supportentur onera consueta. Nulli ergo omnino hominum liceat hanc paginam nostræ absolutionis, concessionis, assignationis, reservationis, decreti, suppressionis, extinctionis, ab-

D 6

dicationis

dicationis, separationis, reductionis, erectionis, institutionis, c ommissionis, demandationis, dismembrationis, applicatio- nis, concessionis, indulti, mandati, & voluntatis infringere, vel ei ausu temerario contraire. Si quis autem hoc atten- tare presumpserit, Indignationem Omnipotentis Dei, ac Beatorum Petri, & Pauli Apostolorum eius se noverit incur- surum. Datum Romę apud Sanctum Petrum Anno Incar- nationis Dominicę Millesimo Quingentesimo Septuagesi- mo sexto, Nono kalendas Iulii, Pontificatus Nostri Anno Quinto.

Cęsar Glorierius.

Pro Reuer. D. Summ. N. Aragonia.

Alexander de Alexijs.

Registrata apud Cęsarem Secretarium.



GRE-



GREGORII XIII.

B V L L A.

S V M M A R I V M.

- 1 Refertur unio, & incorporatio Monasterij Sancti Maioli Papię Ordinis Cisterciensium Collegio Scholarium Borromeo nuncupato facta à Pio Papa Quarto ad instantiam Caroli Card. Borromei.
- 2 Ab eodem Carolo Cardinal. Borromeo dictum Monasterium assignatur Patribus Congrega- tionis Somaschę, ut Ecclesię in Diuinis deser- uiant.
- 3 Dissoluitur predicta unio, & incorporatio quoad Monasterium, Ecclesiam, & coherentia duntaxat, unione quoad fructus, & alias in suo robore perma- nente.
- 4 Suppresso in predicto Monasterio Ordine Cistercien- si instituitur perpetuo in Domum Congregationis Somaschę.
- 5 Patribus eò introductis, eorumque Domui, & Eccle- się omnia priuilegia, & Gratię am spirituales.

quàm temporales, quibus gaudent alia eiusdem Congregationis Domus, & Ecclesia, conceduntur.

6 Capitulo Generali eiusdem Congregationis, seu ab illo pro Tempore Deputatis conceditur facultas eligendi Superiorem, ceterasque personas eò introducendas, amouendi, sufficiens in locum amoturum, &c.

7 Eliguntur Deputati pro præmissorum observationes, & ab omni suspensione, ac derogatione exemptur Bulla.



REGORIVS EPISCOPVS Seruus seruorum Dei ad perpetuam rei memoriam. Sacri Apostolatus ministerio Diuina dispositione præsidentes, vota fidelium quorumlibet præsertim Sanctæ Romanæ Ecclesiæ Cardinalium, per quæ Religio propagationem, & Diuinus cultus augmentum suscipiant, ac Christi fidelium animarum Saluti, eorumque Spirituali consolatione consulatur, benigno Nos decet fauore complecti; eaque ad exauditionis gratiam libenter admittere. Sanè Dilectus Filius Noster Carolus tituli Sanctæ Præxedis Præbiter Cardinalis Borromæus nuncupatus infrascripti Collegij perpetuus Administrator, tam suo, quàm Dilectorum Filiorum Congregationis Clericorum Regul. de Somasca, aliàs Sancti Martini nuncupati Mediolanensis, nominibus, Nobis nuper exposuit, quòd aliàs postquam fel. record. Pius Papa Quartus Prædecessor Noster Monasterium, seu Prioratum S. Maioli Papæ Cisterciens. seu alterius Ordinis, tunc certo modo vacans Collegio Scholarium Borromæo nuncupato in Ciuitate Papien. sub certis modo, & forma tunc erigendo, ex tunc prout ex ea die, & è contra postquam erectum foret

foret perpetuò vniuerat, annexerat, & incorporauerat; quòd liceret eidem Carolo Cardinali quoad viueret, & deinceps eo vita functo ipsius Collegij Rectoribus, seu Gubernatoribus pro tempore existentibus dicti Monasterij, seu Prioratus fructus, redditus, prouentus, iura, obventiones, & emolumenta percipere, exigere, leuare, & in constructionem, aliosque dicti Collegij vsus conuertere. Nec non eidem Monasterio, seu Prioratu per viuum Præbiterum Sæcularem, vel eiusdem Ordinis Regularem ad ipsius Caroli Cardinalis, & pro tempore existentium Rectorum, seu Gubernatorum præfatorum nutum ponendum, & amouendum, in Diuinis deseruire, & animarum curam illi forsitan imminentem exerceri facere, Ordinarij loci, vel cuiusuis alterius licentia desuper minimè requisita, prout in ipsius prædecessoris literis desuper confectis plenius continetur. Idem Carolus Cardinalis ad hoc, vt Ecclesia dicti Monasterij, seu Prioratus debitis propterea non defraudaretur obsequijs, sed in ea Diuinus cultus in dies susciperet incrementum, Ecclesiam ipsam, ac dicti Monasterij, seu Prioratus Aedificia & structuras, quæ non modica reparatione indigebant prædictæ Congregationi Clericorum Regularium, qui eidem Ecclesiæ in diuinis deseruire, & onera ei incumbentia supportare deberent, prout ad id se spontè obtulerunt, sub certis modo, & forma, concessit, & assignauit, prout in publico desuper confecto Instrumèto dicitur plenius contineri. Cum autem sicut eadem expositio subiungebat, Clerici, & Præbiteri eiusdem Congregationis in eodem Monasterio, seu Prioratu introducti circa Missarum, & aliorum Diuinorum officiorum celebrationem a deo intenti, & diligentes fuerint, & sint, vt fere omnes ipsius Ciuitatis Incolæ ex eorundem Clericorum, & Præbiterorum laudabili vita, & doctrina non paruam consolationem spirituale in susceperint; ac propterea si Vnio, Annexio, & Incorporatio huiusmodi,

quoad ipsum Monasterium seu Prioratum, illiusque Ecclesiam, & cohærentia structuras, & ædificia dumtaxat dissoluerentur, Vnionem ipsa quoad fructus dicti Monasterij, seu Prioratus, ac aliàs in omnibus, & per omnia in suo robore permanente; Nec non Monasterium, seu Prioratus huiusmodi, suppresso in eo dicto Ordine, in Domum dictæ Congregationis Reg. pro vno Correctore, & non minùs quàm quatuor Præbiteris ipsius Congregationis, qui in dicta Ecclesia Diuina officia celebrare, & animarum curam, si qua illi immineret, exercere deberent, erigeretur: Nec non Ecclesia præfata eiusdem Correctori, & Præbiteris pro Ecclesia dictæ Domus concederetur; ac pro illorum sustentatione eisdem de alicuius subuentionis auxilio prouideretur: ex hoc profectò in dicta Ecclesia Diuini Cultus augmento, ac Spirituali consolationi illius Parochianorum, si qui sint, nec non instituti dictorum Clericorum Reg. propagationi opportunè consuleretur. Quarè idem Cardin. nominibus prædictis humiliter supplicauit, quatenus in præmissis opportunè prouidere de Benignitate Apostolica dignaremur. Nos igitur, qui dudum inter alia voluimus, quod semper in Vnionibus commissio fieret ad partes, vocatis, quorum interesset, Congregationem huiusmodi, illiusque singulares Personas, à quibusuis excommunicationis, suspensionis, & interdicti, alijsque Ecclesiasticis sententijs, censuris, & pœnis à lure, vel ab Homine quauis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absoluentes, & absolutos fore censentes, huiusmodi supplicationibus inclinati, Vnionem, Annexionem, & Incorporationem prædictas quoad Monasterium, seu Prioratum, illiusque Ecclesiam, & cohærentiam, structuras, & ædificia prædicta iuxta dicti Instrumenti tenorem, dumtaxat vnionem ipsa quoad fructus Monasterij, seu Prioratus huiusmodi, ac alias in omnibus, &

per

per omnia in suo robore permanente, auctoritate Apostolica tenore præsentium dissoluimus, nec non in ipso Monasterio, seu Prioratu, Ordinem prædictum sui primimus, & extingui- 4
guimus, ipsumque Monasterium, seu Prioratum in Domum Congregationis Clericorum Reg. huiusmodi pro vno Correctore, & ad minus quatuor Præbiteris dictæ Congregationis, qui singulis diebus in prædicta Ecclesia omnes Horas Canonicas recitare, & quatuor Missas ad minus celebrare, & quolibet Anno in die Festiuitatis ipsius Sancti Galli Solemnia prout hucusq. consuevit, peragere, ac duos Pueros in habitu Clericali incedentes, qui Diuinorum celebrationi assistant, in dicta earum Domo alere: Nec non, & Dilecto Filio Ioanni ipsius Monasterij Monaco, Ordinem ipsum expressè Professo eius vita durante, alimenta, & vestitum, ac habitationem subministrare teneantur; perpetuò erigimus, & instituimus, ipsamque Ecclesiam Correctori, & Clericis Congregationis huiusmodi pro Ecclesia dictæ Domus sic erectæ, & institutæ concedimus, eis que vt commodius sustentari valeant, de alicuius sustentationis auxilio prouidere volentes, quod idem Carolus Cardinalis, & ipsius Collegij Rectores, seu Governatores pro tempore existentes libras trecentas imperiales eisdem Correctori, & Clericis in Domino præfata pro tempore degentibus, videlicet eorum Procuratori, ad hoc ab eis speciale Mandatum, habenti, ex fructibus, redditibus, & prouentibus Monasterij, seu Prioratus huiusmodi annis singulis, pro vna videlicet in Resurrectionis Domini Nostri Iesu Christi, & altera medietatibus trecentorum librarum huiusmodi in Sancti Martini Festiuitatibus, integrè persoluere teneantur, statuimus, & ordinamus. Decernentes Carolum Cardinalem, & pro tempore existentes ipsius Collegij Rectores seu Governatores prædictos ad integram solutionem ipsarum librarum trecentarum eisdem Correctori, & Clericis faciendam, iuxta statu-

ti, &

ti, & ordinationis prædictorum tenorem fore efficaciter obligatos, & volentes, & eadem auctoritate statuentes, quòd si Carolus Cardinalis, & Rectores, seu Governatores præfati in dictis festiuitatibus, vel saltem infra triginta dies illarum singulas immediatè sequentes, trecentas libras prædictas per eos tunc debitas non persoluerint, cum effectu lapsis diebus eisdem, ipsi Carolo Cardinali ingressus Ecclesiæ interdictus existat; Rectores verò, seu Governatores præfati sententiam excommunicationis incurrant, & donec Correctori, & Clericis, videlicet Procuratori præfatis de dictis trecentis libris integrè satisfactum, aut aliàs secum, videlicet cum dicto Procuratore super hoc amicabiliter concordatum fuerit, præterquam in mortis articulo constituti, Carolus Cardinalis videlicet relaxatione Interdicti; Rectores verò, seu Governatores ab excommunicationis sententia huiusmodi absolutionis beneficium nequeant obtinere. Si verò per sex menses, dictos triginta dies immediatè sequentes Carolus Cardinalis sub interdicto permanserit; Rectores autem, seu Governatores præfati excommunicationis sententiam huiusmodi sustinuerint; Rectores, seu Governatores videlicet animo, quod absit, indurato, ex tunc effluxis mensibus ipsis, vnio, annexio, & incorporatio quoad fructus Monasterij, seu Prioratus huiusmodi, ac aliàs, vt præfertur, dissolutæ sint, ipsæque trecentæ libræ ipsi Ecclesiæ pro dictis Correctori, & Clericis applicatæ, & appropriatæ sint, & esse censeantur, eo ipso. Ac insuper Correctori, & Clericis regul. in dicta Domo, vt præfertur, introductis, & pro tempore degentibus præfatis, quòd tam ipsi, quàm Domus, illiusque Ecclesia huiusmodi omnibus, & singulis priuilegijs, fauoribus, gratijs, indulgentijs, & antelationibus, quibus aliæ eiusdem Congregationis Domus, & Ecclesiæ de iure, vel consuetudine, aut aliàs vtuntur, potiuntur, & gaudent, ac vti, potiri, & gau.

& gaudere poterunt quomodolibet in futurum, pariformiter, & absque vlla penitus differentia, vti frui, & gaudere liberè, & licitè valeant. Quodque eius Congregationis Capitulum Generale, seu ab illo pro tempore Deputati, 6 personas in eadem Domo, & Ecclesia introducendas, earumque Superiorem, qui eas salubriter regat, & dirigat, eligere, & destituere, & ad eius nutum de dicta Domo amouere, aliosque eorum loco sufficere possint, & valeant, concedimus, & indulgemus. Decernentes præsentibus literas nullo vnquam tempore de subreptionis, vel obreptionis, aut nullitatis vitio, seu quopiam alio defectu, & ex eo quod interesse prætendentes vocati non fuerint, notari, impugnari, seu ad terminos iuris reduci, aut in Ius, vel controuersiam vocari nullatenus posse, neque debere; minusque sub quibuscunque reuocationibus, suspensionibus, annullationibus, limitationibus, derogationibus, vel quibusuis alijs contrarijs dispositionibus à Sede Apostolica in fauorem etiam quorumuis emanatis, & emanandis reprehendi posse, seu debere. Et si villo vnquam tempore contigerit Clericos Regulares in dicta Domo degentes, saluo tamen vltimo impedimento alicuius ex ipsis breui tempore duraturo, præmissa omnia, ad quæ tenentur, & ad id per Carolum Cardinalem, seu Rectores, vel Governatores prædictos iteratis vicibus requisitos, non adimplere, seu in eorum aliquo deficere, tunc, & in eo casu, vnionem, annexionem, & incorporationem, vt præfertur, dissolutas prædictas in pristinum statum restitutas esse, ac Carolum Cardinalem, seu Rectores, & Governatores prædictos ad solutionem trecentarum librarum huiusmodi Correctori, & Clericis præfatis, ex tunc, & de cætero faciendam minimè teneri, præsentibus quoque nullius roboris, vel momenti existere, nec in aliquo eiusdem Correctori, & Clericis suffragari posse

posse, aut debere, irritum quoque, & inane quidquid
 secus à quoquam quavis auctoritate contigerit attentari.
 Quocirca, Venerabilibus Fratribus nostris Archiepiscopo
 Medio anens. & Episcopo Papiens. ac dilecto filio Præ-
 posito Sancti Petri ad Vltimum Ordinis Canonorum
 Regulariū Congregationis Lateranens. Mediolanens. Diœ-
 cesis per Apostolica scripta mandamus, quatenus ipsi, vel
 duo, aut vnus eorum per se, vel per alium, seu alios,
 præsentem litteras, & in eis contenta quæcunque vbi, &
 quando expedierit, ac quoties pro parte Caroli Cardina-
 lis, seu Rectorum, vel Gubernatorum, ac Correctoris,
 & Clericorum, seu Congregationis prædictorum, vel a-
 licuius eorum fuerint requisiti, solemniter publicantes,
 eisque in præmissis efficacis Defensionis præsidio assisten-
 tes faciant auctoritate nostra præsentem litteras, & in eis
 contenta quæcunque firmiter obseruari, illisque pacifi-
 cè frui, & gaudere, ac trecentas libras prædictas Corre-
 ctori, & Clericis in prædicta Domo pro tempore de-
 gentibus, vel Procuratori præfatis, annis singulis statuti,
 & ordinationis, ac decreti prædictorum continentium,
 & tenore integrè persolui, non permittentes eos, vel eo-
 rum aliquem desuper per quoscunque quomodolibet inde-
 bitè molestari, & nihilominus quemlibet ex Carolo
 Cardinali, & Rectoribus, seu Administratoribus præfa-
 tis, quem huiusmodi Interdicti, aut excommunicationis
 sententiam eis incurrisse constiterit, quoties super hoc pro
 parte Correctoris, & Clericorum in dicta Domo degen-
 tium prædictorum fuerint requisiti, tamdiu Dominicis,
 & alijs festiuis diebus in Ecclesijs, dum maior inibi po-
 puli multitudo ad Diuina conuenerit, Interdictum, vel
 Excommunicatum publicè enuncient, & faciant ab alijs
 enunciarī, ipsumque excommunicatum ab omnibus ar-
 ctius euitari, donec Correctori, & Clericis in dicta Do-
 mo de-

mō degentibus, vel eorum Procuratori præfatis detrecen-
 tis libris prædictis fuerit integrè satisf. Etum, ac interdi-
 ctus relaxationem interdicti, excommunicatus verò ab
 excommunicationis sententia huiusmodi absolutionis be-
 neficium meruerit obtinere; Contradiutores quoslibet,
 & rebelles, per sententias, censuras, & poenas Ecclesia-
 sticas, ac alia opportuna Iuris remedia, appellatione post-
 posita compescendo, ac vltimis super his habendis serua-
 tis processibus, sententias, censuras, & poenas ipsas incur-
 risse declarando, illasque, & iteratis vicibus aggrauando,
 inuocato ad hoc si opus fuerit, auxilio brachij sæcula-
 ris. Non obstantibus priori voluntate nostra prædicta,
 ac felic. recordat. Bonifacij. Papæ Octauī Prædecessoris
 Nostri, in qua cauetur, ne quis extra suam Ciuitatem,
 vel Diocesim, nisi in certis exceptis casibus, & in illis ul-
 tra una diætā à fine suæ Diocesim ad iudicium euocetur.
 Seu ne Iudices à Sede Apostolica deputati, extra Ciuita-
 tem, vel Diocesim, in quibus deputati fuerint, contra quo-
 scunque procedere, aut alii, uel alijs uices suas commit-
 tere quoquomodo præsumant, & de duabus Diætis
 in Concilio Generali edita, dummodo ultra tres diætās
 aliquis auctoritate præsentium ad iudicium non traha-
 tur; ac Lateranensis Concilii nouissimè celebrati unio-
 nes perpetuas nisi in casibus à Iure permissis fieri prohiben-
 tis, aliisque constitutionibus, & ordinationibus Aposto-
 cis, nec non Monasterii, seu Prioratus, & Ordinis pro
 prædictorum iuramento, confirmatione Apostolica, uel
 quavis firmitate alia roboratis, statutis, & Conuetudi-
 nibus, priuilegijs quoque, indultis, & literis Apostolicis,
 illis sub quibuscunque tenoribus, & formis, ac cum qui-
 busuis, etiam derogatorijs, alijsque efficacioribus, & in-
 solitis clausulis, nec non irritantibus, & alijs decretis,
 & motu proprio, & ex certa scientia, & iteratis vicibus,
 E bus,

bus concessis, probatis, & innouatis. Quibus omnibus, & si pro illorum sufficienti derogatione de illis, de eorumque totis tenoribus, specialis, specifica, indiuidua, & expressa, ac de verbo ad verbum, non autem per clausulas generales idem importantes, mentio, seu quæuis alia expressio habenda, aut aliqua alia exquisita forma ad hoc seruanda foret, illis clausulis in suo robore permanentibus, hac vice dumtaxat specialiter, & expressè derogamus, contrarijs quibuscunque, aut si Carolo Cardinali, & Rectoribus, seu Gubernatoribus præfatis, vel quibusuis alijs communiter, vel diuisim ab Apostolica Sede sit indultum, quod ad præstationem, vel solutionem alicuius responsionis annuæ minimè teneantur, & ad id compelli, aut quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto huiusmodi mentionem, & qualibet alia dictæ Sedis Indulgentia generali, vel speciali, cuiuscunque tenoris existat, per quam præsentibus non expressam, vel totaliter non insertam effectus huiusmodi gratiæ impediri valeat, quomodolibet, vel differri, vt de qua, cuiusque toto tenore habenda sit in nostris literis mentio specialis. Nulli ergo omnino hominum liceat hanc paginam nostræ Absolutionis, dissolutionis, suppressionis, extinctionis, ereptionis, institutionis, concessionis, statuti, Ordinationis, decreti, voluntatis, indulti, mandati, & derogationis infringere, vel ei ausu temerario contraire. Si quis autem hoc attentare præsumserit, indignationem Omnipotentis Dei, ac Beatorum Petri, & Pauli Apostolorum eius se nouerit in cursurum.

Datum Romæ apud Sanctum Petrum, Anno Incarnationis Dominicæ Millesimo Quingentesimo Septuagesimo

mo Quinto, Kalendis Maii, Pontificatus Nostri anno tertio.

Cæsar Glorierius.

Ferd. Card. de Medicis Summator.

Fidem facio, & attestor ego Infra scriptus Vicarius Generalis Congregationis Somaſchæ, & Præpositus Sancti Maioli Papiæ reperiri in archiuo dicti Collegij simile Breue Sanctissimi PP. Gregorii XIII. expeditum, signatum, & cum Sigillo plumbi pendente, ibidemque asseruari. In quorum fidem Papiæ die 10. Iulii 1663.

P. Hieronymus Gallianus Vicar. Generalis Congr. Somaſchæ, & Præpositus S. Maioli.



SIXTI QVINTI

B V L L A .

S V M M A R I V M .

- 1 *Eximuntur bona Congregationis, & omnia ad ipsam pertinentia ab omni iurisdictione, & locorum Ordinariorum potestate.*
- 2 *Conceditur Sacerdotibus eiusdem facultas celebrandi in alienis Ecclesiis, audiendi confessiones quorumcumque fidelium, & sacrum Eucharistia sacramentum ministrandi, excepto die Paschatis.*
- 3 *Vt non possint cogi ad funera, aut ad praestandum personale officium maioribus Ecclesiis, neque etiam Episcopis.*
- 4 *Vt non possint professi Congregationis ad aliam Religionem transire, etiam arctiorem sine Superioris licentia, exceptis tribus, secus facientes Apostasia pena mulentur.*
- 5 *Vt possint ipso professionis die à delecto sibi Confessario ab omnibus casibus, etiam Bulla in cœna Domini absolui, à quacunque irregularitate, excepta bigamia, & homicidij voluntarij.*



SIXTVS EPISCOPVS Seruus Seruorum Dei. Ad perpetuam rei memoriam. Æquum reputamus, & rationi consonum, vt ea, quæ de Romani Pontificis prouidentia, præsertim in personarum Ecclesiasticarum commodum processerunt, licet eius super-

superueniente obitu literæ Apostolicæ desuper confectæ non fuerint, suum Sortiantur effectum. Dudum si quidem fel. record. Gregorio Papa XIII. prædecessore nostro pro parte Dilectorum filiorum Præpositi, & Clericorum, aliarumque personarum Regularium Congregationis Sancti Maioli, alias Somaschæ sub Regula Sancti Augustini canonicè institutæ, - & Apostolica autoritate confirmatæ supplicato, quatenus eos specialibus fauoribus, & gratijs prosequi de benignitate Apostolica dignaretur. Præfatus Prædecessor, qui circa statum personarum quarumlibet diuino cultui emancipatarum salubriter dirigendum paterna sollicitudine libenter prospiciebat, ac earum oppressiones, & grauamina releuabat, vt quibuslibet perturbationibus semotis facilius valerent Altissimo suum exhibere famulatum; eosdem Præpositum, Clericos, & personas Regulares specialis gratiæ fauore prosequi volens, & à quibusuis Excommunicationis, Suspensionis, & Interdicti, alijsque Ecclesiasticis sententijs, censuris, & poenis à lure, vel ab homine, quauis occasione, vel causa latis, si quibus quomodolibet innodati existebant, ad effectum infracriptorum duntaxat consequendum, absoluens, & absolutos fore censens huiusmodi supplicationibus inclinatus sub datum 13. Id. Martij Pont. sui anno 13. omnes, & singulos dictæ Congregationis Præpositum Generalem, Superiores, Officiales, Presbyteros, Clericos, cæterasque personas professas, & non professas, nec non familiares, & ministros, cum omnibus & singulis Ecclesijs, Oratorijs, Cœmeterijs, Capellis, Domibus, Conuentibus, mobilibus, & immobilibus, præsentibus, & futuris bonis, ac iuribus & iurisdictionibus quibuscumque ac rebus tam sacris, & religiosis, quàm profanis ad ipsam Congregationem spectantibus & pertinentibus, & vbicumque existentibus, quæ de præsentem legitime possident, & in posterum Deo iu-

uante canonicè per eos acquiri contigerit, ab omni iurisdictione, dominio, potestate, superioritate, subiectione, uisitatione, correptione quorumcunque locorum Ordinariorum, quacunque dignitate, præ eminentia, & auctoritate fungentibus, & aliorum Iudicum Ecclesiasticorum, & Sæcularium Apostolica auctoritate in perpetuum exemit, & liberavit, & sub sua, & Sedis Apostolicæ, ac Beati Petri protectione immediatè recepit, ipsosque Præposito Generali, Clericis, & personis, ut iidem Ordinarij, vel Vicarii, & Officiales, aut alii quicumque Iudices, etiam ratione criminis, delicti contractus, vel rei de qua ageretur, ubicunque committeretur delictum, iniretur contractus, & res ipsa confisteret, nullam in Præpositum, personas Congregationis, ac res, & bona præfata iurisdictionem, potestatem, superioritatem, & dominium exercere possent; nec non omnes, & singuli ipsius Congregationis Presbyteri Regulares à suis Superioribus ad id specialiter approbati, eorumque licentia, vel consensu desuper requisito, & obtento possent in Ecclesiis propriis ipsius Congregationis, vel etiam in aliis etiam quibuscunque de licentia illorum Superiorum Missas celebrare; Confessiones quorumcunque Christi fidelium, etiam alienæ Parochiæ subditorum audire, & Sanctiss. Eucharistiæ Sacramentum ministrare quibuscunque festiuis, & non festiuis, ac Dominicis diebus, & omnibus temporibus, Paschatis duntaxat exceptis, neque sub prætextu antiquæ consuetudinis, etiam ex eo quod Ecclesiæ in quibus Sacramenta huiusmodi ministrarent, aut munia obirent, aut alio modo deseruirent, subditæ essent alteri Ecclesiæ tanquam Matræ, aut Cathedrali, seu Titulari, vel aliæ, idcirco in aliquibus solemnitatibus, aut temporibus iuxta priscum morem Clericorum deseruientium in talibus Ecclesiis subditis ipsi Presbyteri, & Clerici regulares dictæ Congregationis maioribus huiusmodi Ecclesiis, vel loco-

rum

rum Ordinarijs, etiam Episcopali, vel Archiepiscopali, aut maiori dignitate fungentibus, etiam S. R. E. Cardinalibus quocunque priuilegio, & facultate suffultis assistere, seu inferuire, siue vllum personale seruitium præstare, aut aliquomodo ministrare, neque ad funera defunctorum, nisi eorum, quos in Ecclesiis ipsius Congregationis sepelire contigerit, etiam vocati accedere tenerentur, neque ad id cogi, aut compelli vlllo modo possent, dicta auctoritate concessit, & indulgit. Præterea vniuersis, & singulis, qui in ipsa Congregatione professionem emisserant, vel emitterent, ne in posterum ad quemcunque alium Ordinem, vel Congregationem, etiam si arctior in eo vigeret regularis obseruantia, fratrum Minorum Capucinorum nuncupatorum, & Cartusianorum duntaxat Ordinibus exceptis, nisi obtenta prius à Superiore dictæ Congregationis licentia, transire valerent, & in singulos tam transeuntes Apostasiæ pœnam, quam ipsos, & illorum receptatores, etiam cuiuscunque Priuilegij Apostolici prætextu, cui ad hunc effectum idem Prædecessor specialiter, & expressè derogauit, excommunicationis sententiam, à qua non nisi per Romanum Pontificem pro tempore existentem absolui possent, promulgauit. Postremò omnibus, & quibuscunque personis professionem regularem in dicta Congregatione emissuris, in ipsa Professionis emissionis die, ut aliquem dictæ Congregationis Presbyterum sibi possent eligere confessorem, qui ipsos confessione eorum tunc audita à quibusuis excommunicationibus aliisque Ecclesiasticis sententiis, censuris, & pœnis à iure, vel ab homine, etiam in quibus infor descerent, & declarati, & publicati forent, etiam in casibus Sedi Apostolicæ reseruatis, & in Bulla die Cænæ Domini legi solita contentis, facta prius debita satisfactione, & sine alicuius præiudicio, semel tantum iniuncta salutari pœnitentia absoluerent, facultatem concessit, & indulgit, ac cum eisdem su-

E 4

per

per quacunque Irregularitate ex quacunque causa, præterquam ex homicidio voluntario, ac bigamia quomodolibet contracta, etiam si censuris præfatis ligati Missas, & alia diuina Officia, non tamen in contemptum Clauium celebrarent, vel aliàs diuinis se immiscerent, ita vt ea non obstante nondum promoti, omnes etiam sacros, & Presbyteratus Ordines suscipere, & promoti in susceptis per eos Ordinibus huiusmodi, etiam in Altaris ministerio ministrare liberè, & licitè valerent, eo ipso, quòd professionem emitterent, auctoritate præfata dispensauit; non obstantibus quibusuis Constitutionibus, & Ordinationibus Apostolicis, ac in Prouincialibus, & Synodalibus Conciliis editis generalibus, vel specialibus, nec non quibusuis Decretis, etiam iuramento, confirmatione Apostolica, vel quavis firmitate alia roboratis, Statutis, & Consuetudinibus, cæterisque contrariis quibuscunque. Ne autem de Absolutione, exemptione, liberatione, receptione, singulis concessionibus, Indultis, & dispensatione Gregorii prædecessoris huiusmodi pro eo, quòd super illis, eius superueniente obitu, literæ confectæ non fuerunt, valeat quomodolibet hæsitari, ipsique Præpositus Generalis, Clerici, & aliæ personæ Congregationis huiusmodi illorum frustrarentur effectu, Volumus, & similiter Apostolica auctoritate decernimus, quòd absolutio, exemptio, liberatio, receptio, singulæ concessionnes, Indulta, & dispensatio Gregorii prædecessoris huiusmodi perinde à dicta die Id. Martii suum sortiantur effectum, ac si super illis prædicti Gregorii prædecessoris literæ sub eiusdem diei datum confectæ fuissent, prout superius exaratur. Quodque præsentis litteræ ad probandum plenè absolutionem, exemptionem, liberationem, receptionem, singulas concessionnes, indulta, & dispensationem Gregorii prædecessoris huiusmodi vbique suffi:

sufficiant, nec ad id probationis alterius adminiculum requiratur. Nulli ergo omnino hominum liceat hanc paginam nostræ voluntatis, & decreti infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Datum Romæ apud Sanctum Petrum anno Incarnationis Dominicæ 1585. kalend. Maii. Pontificatus Nostri anno primo.

Locus ✠ Sigilli plumbei.



SIXTI QVINTI

B V L L A .

S V M M A R I V M .

- 1 Refertur vacatio Parochialis Ecclesie Sancte Mariae Secretae Mediolani per resignationem Ioannis Baptistae Bagaroti eiusdem Ecclesiae Rectoris in Sanctitatis Suae manibus sponte factam.
- 2 Ecclesia praedicta cum annexis Iuribus, & pertinentijs quibuscunque Congregationi Somascha in perpetuum assignatur.
- 3 Conceditur Patribus eidem Ecclesiae deservire in Divinis, & in recitatione Horarum Canoniarum more Romano, curamque animarum illi imminente exercere.
- 4 Munitur Bulla firmis clausulis, & ab omni suspensione, ac derogatione liberatur.



SIXTVS EPISCOPVS Seruus ser-
uorum Dei ad perpetuam rei memo-
riam. Romanus Pontifex, in quo po-
testatis plenitudo consistit de statu Pa-
rochialium Ecclesiarum, ac Religio-
forum personarum quarumlibet com-
moditatibus sollicitus, circa ea, per

quae aliarum saluti consuli possit, libenter intendit, prout conspicit in Domino salubriter expedire. Du-
dum

dum liquidem omnia beneficia Ecclesiastica cum
Cura, & sine Cura apud Sedem Apostolicam tunc
vacantia, & in antea vacatura, collationi, & dispo-
sitioni nostrae reservauimus, decernentes ex tunc irritum,
& inane si secus super his a quoquam, quavis autoritate,
& inane si scilicet super his a quoquam, quavis autoritate,
scilicet, vel ignoranter contingeret attentari. Cum itaque
postmodum Parochialis Ecclesia B. Mariae Secretae nuncu-
patae Mediolanen. per liberam resignationem dilecti Filij
Io: Baptistae Bagaroti ipsius Ecclesiae Rectoris, de illa, quam
tunc obtinebat, in manibus nostris sponte factam, & per
Nos admissam, apud Sedem eandem vacauerit, & vacet
ad praesens, nullusque de illa praeter Nos, hac vice dispo-
nere potuerit, & siue possit, reservatione, & decreto obsisten-
tibus supradictis; Et, sicut exhibita Nobis pro parte dilecto-
rum filiorum Praepositi, & Clericorum Regularium Con-
gregationis Sancti Maioli, alias de Somascha nuncupato-
rum, in Ecclesia Sancti Maioli praefati canonicè institutae
petitio continebat, si dicta Ecclesia eidem Congregationi,
cuius laudabile institutum, bonique, & laudabiles fructus in
Domino, in dies, probitate vitae, ac sinceritate morum ac-
cedente, magnam praestat deuotionem, perpetuo conce-
deretur, & assignaretur, ex hoc profecto in dicta Ecclesia
Diuinus cultus augetur, & saluti animarum dilectorum Fi-
liorum Parochianorum ipsius Ecclesiae consuleretur, pro
parte Praepositi, & Clericorum praedictorum, afferentium,
fructus, redditus, & proventus ipsius Ecclesiae, nonaginta
ducatorum auri de Camera secundum veram aestimatio-
nem, valorem annuum non excedere, Nobis fuit humili-
ter supplicatum, vt Ecclesiam ipsam eidem Congregationi
perpetuo concedere, & assignare, ac alias in praemissis op-
portunè providere, de benignitate Apostolica dignaremur.
Nos igitur, qui dudum inter alia volumus, quod petentes,
beneficia Ecclesia alijs vniti, teneantur exprimere verum

valorem secundum æstimationem prædictam, & beneficij, cui aliud vniri peteretur, & semper in vnionibus commissio fieret ad partes, vocatis, quorum interest; eisdem Præposito, & Clericos, ac singulares personas dictæ Congregationis à quibusuis excommunicationis, suspensionis, & interdicti, alijsque Ecclesiasticis sententijs, centuris, & pænis à iure, vel ab homine, quauis occasione, vel causa, latis, si quibus quomodolibet innodati existant, ad effectum præsentium dumtaxat, consequendum, harum serie absoluentes, & absolutos fore censentes, aliarumque vnionum eidem Congregationi hæctenus factarum tenores, nec non fructuum, reddituum, & prouentuum dictæ Congregationis veros annuos valores pro expressis habentes, huiusmodi supplicationibus inclinati, Ecclesiam prædictam, siue præmissa, siue alio quouis modo, aut ex alterius cuiuscunque persona, seu per similem resignationem dicti Io: Baptistæ, vel cuiusuis alterius, de illa in Romana Curia, vel extra eam, etiam coram Notario publico, & testibus sponte factam, aut constitutionem fel. record. Ioannis Papæ XXII. prædecessoris nostri, quæ incipit: Execrabilis, vel affectationem alterius beneficij Ecclesiastici quauis autoritate collati, vacet, etiam si tanto tempore vacauerit, quod eius collatio iuxta Lateranen. statuta Concilij ad Sedem prædictam legitimè deuoluta, ipsaque Ecclesiastica dispositioni Apostolicæ specialiter, vel alias generaliter reseruata existat, & super ea inter aliquos lis, cuius statum præsentibus haberi volumus pro expresso, pendeat indecisa, dummodò eius dispositio ad Nos hac vice pertineat, cum annexis huiusmodi, ac omnibus iuribus, & pertinentiis suis eidem Congregationi, ita quòd liceat Præposito, & Clericis pro tempore existentibus Congregationis huiusmodi per se, vel alium, seu alios, corporalem, realem, & actualem possessionem Ecclesiæ, & annexorum, iuriumque, & pertinentiarum, nec non bono-

bonorum, & aliorum quorumcunque propria autoritate liberè apprehendere, & apprehensa retinere, ac fructus, redditus, & prouentus Ecclesiæ huiusmodi in suos, ac Congregationis, & Ecclesiæ prædictarum vsus, & utilitatem conuertere, nec non eidem Ecclesiæ in diuinis, & in recitatione Horarum canonicarum more Romano quotidie, prout decet, deseruire, & animarum curam illi imminentem exercere, Diocesani loci, vel cuiusuis alterius licentia desuper minimè requisita, Apostolica autoritate, tenore præsentium, perpetuò concedimus, & assignamus, Decernentes, præsentibus literas nullo vnquam tempore de subreptionis, vel obreptionis vitio, aut intentionis nostræ, vel quopiam alio defectu, & ex eo, quod in præmissis interesse habentes, seu prætendentes, vocati non fuerint, notari, impugnari, aut in ius, vel controuersiam, seu ad terminos iuris reduci, & ad quorumcunque instantiam, vel quacunque ratione, seu causa in integrum restitui, aut quoduis iuris, vel gratiæ remedium contra easdem præsentibus impetrari, aut ab alio, vel ab alijs impetratis, seu motu proprio, & ex certa scientia, ac de Apostolicæ potestatis plenitudine concessis uti posse, causamque vel causas, propter quas eadem præsentibus à Nobis emanarunt, coram quocunque, seu quibuscunque iudicibus tam Ordinarijs, quàm delegatis, etiam dicto loci Ordinario, verificare minimè teneri, nec ob id viribus carere; nec non quoad concessionem, & assignationem huiusmodi, prout est, & attentatum forsitan est hæctenus, & quoad illas, & reliqua, ex tunc irritum, & inane, si secus super his à quoquam, quauis autoritate, scienter, vel ignoranter contigerit attentari. Non obstantibus priori voluntate nostra, ac Lateranen. Concilij nouissimè celebrati, vniones perpetuas, nisi in casibus à iure permisis fieri prohibentis, nec non præmemoriæ Bonifacii Papæ Octaui etiam prædecessoris no-

stri, & alijs Apostolicis, ac in Prouincialibus, & Synodalibus Concilijs editis, generalibus, vel specialibus constitutionibus, & Ordinationibus, illis præsertim, quibus inter alia caueri dicitur expressè, ne Regulares viri in posterum in ea loca Monasterijs Monialium vicina migrare, neue areas eisdem Monasterijs proximas ædificandi causa quomodolibet acquirere possint, vnde Monialium ipsarum aspectus fieri valeret; quibus omnibus, etiamsi de illis, coramque totibus tenoribus specialis, specifica, & expressa, non autem per clausulas generales idem importantes mentio habenda esset, illis aliàs in suo robore permansuris, hac vice dumtaxat, specialiter, & expressè derogamus contrarijs quibuscunque. Aut si aliqui super prouisionibus sibi faciendis de huiusmodi, vel alijs beneficijs Ecclesiasticis in illis partibus, speciales, vel generales dictæ Sedis, vel legatorum eius literas impetrarint, etiamsi per eas ad inhibitionem, reservationem, & decretum, vel aliàs quomodolibet sit processum; quas quidem literas, & processus habitos per eosdem, ac inde secuta quæcunque, ad dictam Ecclesiam volumus non extendi; sed nullum per hoc eis quoad affectationem beneficiorum aliorum præiudicium generari; & quibusuis alijs indulgentiis generalibus, vel specialibus, quorumcunque tenoribus existant, per quæ presentibus non expressa, vel totaliter non inserta, effectus earum impediri valeat quomodolibet, vel differri, & de qua, cuiusque toto tenore habenda sit in nostris literis mentio specialis, prouiso quod propter concessionem, & assignationem huiusmodi, dicta Ecclesia debitis non fraudetur obsequiis, & animarum cura in ea nullatenus negligatur, sed eius congruè supportentur onera consueta. Nulli igitur omnino hominum liceat hanc paginam nostræ absolutionis, concessionis, assignationis,

tionis, decreti, & derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Datum Romæ apud Sanctum Marcum anno Incarnationis Dominicæ 1585. 8. Idus Iulii, Pontificatus nostri anno primo.



CLEMENTIS VIII

B V L L A .

S V M M A R I V M .

1. *Omnia Privilegia Sixti Quinti, & Gregorij Decimertij, rata sunt & confirmantur, & Constitutiones, ac Statuta Congregationis approbantur, & roborantur.*
2. *Defectum natalium dispensandi ad omnes Ordines suscipiendos, ad quamcunque Congregationis administrationem, & dignitatem suscipiendam facultas conceditur.*
3. *Vt possint Visitatores Congregationis Orphanotrophia, & loca puerorum, & puellarum eorum cura subiecta ut libuerit inuisere, etiam non obtenta à Gubernatoribus rerum temporalium licentia, impediens anathemate multantur.*
4. *Ab onere audiendi confessiones Monialium præterquam Orphanorum liberantur; nonnisi de consensu duarum ex tribus partibus Capituli Generalis huiusmodi onera suscipere possunt.*
5. *Omnes professiones emissa valida ratæque sunt.*
6. *Ab omnibus derogationibus &c. hæc Bullæ eximuntur.*



CLEMENS EPISCOPVS Seruus seruorum Dei ad perpetuam rei memoriam. Decet ex benignitate Sedis Apostolicæ studio prouenire, & ea, quæ pro Diuini cultus augmento, Religionis propagatione, & animarum salute prouida statione concessa sunt, suæ protectionis munimine conseruare.

Vnde

Vnde nos ad eiusdem apicem diuina disponente clementia assumpti, his quæ propterea facta comperimus, nostræ approbationis robur, cum à nobis petitur, libenter adijcimus, vt eò firmitus subsistant, quò Sedis eiusdem protectione sæpius fuerint circumfulta. Sanè pro parte dilectorum filiorum Præpositi, & Presbyterorum Congregationis Clericorum regularium de Somascha aliàs Sancti Maioli Papien. nuncupatæ exhibita nobis nuper petitio continebat, quòd cum iam ab Anno Domini 1528. ad gloriam omnipotentis Dei, populorumque ædificationem, & salutem, ac pauperum subuentionem vna pia Congregatio Clericorum regularium de Somascha, aliàs Sancti Maioli Papiens. nuncupata, cuius fundator, & primus auctor fuit q. Hieronymus Miani Ciuis Venetus, instituta, & postea à fel. re. Paulo III. cum facultate eligendi Superiorem, & condendi Constitutiones, locaque pro educatione Orphanorum, & alijs operibus pijs exercendis vbicunque accipiendi: Nec non à piæ mem. Pio IV. qui etiam nonnullas Indulgentias, & gratias spirituales ei concessit, approbata; & demum à recolendæ mem. Pio V. Romanis Pontificibus prædecessoribus nostris in Religionem Clericorum regularium huiusmodi cum facultate emittendi tria Vota, redacta, atque erecta, exindeque eadem Religio, cui vnus Præpositus Generalis eius Gubernator, & Rector præest, & cuius ministri pro tempore probati, & magis idonei reperti, simulque vita, moribus, & charitatis feruore commendati ipsorum Orphanorum, nec non etiam aliquorum Seminario- rum, quorum ipsa Congregatio curam suscepit, ac Scholarum, & Academiarum in ea tam ad Orphanorum, quàm aliorum puerorum institutionem erectam, alijsque pijs operibus & exercitijs occupantur diuersimodè, & in quamplurimis Italiae ciuitatibus, ac locis ad maiorem Dei omnipotentis gloriam, & eius fidei propagationem, proximique sub-

G uen-

uentionem aucta, & propagata fuerit, ac in dies propage-
tur, vberesque fructus in Vinea Domini ex eadem prouenire
noscantur, intuituque, & in fauorem tam piorum operum,
similis memoriae Gregorius Papæ XIII. similiter prædecessor
noster eidem Congregationi inter cætera sub datum 13. Id.
Martii Pont. sui anno 13. Præpositum Generalem, aliosque
Superiores, & personas profectas, & non profectas eius-
dem Congregationis, nec non familiares, & ministros
cum omnibus suis Ecclesijs, Oratorijs, Cœmeterijs, Ca-
pellis, Domibus, Conuentibus, mobilibus, & immobilibus,
aliisque bonis, ac iuribus, Iurisdictionibus, & rebus, tam
præsentibus, & futuris, tam sacris, & religiosis, quàm pro-
fanis ad dictam Congregationem spectantibus, vel quæ in
futurum spectarent, ab omni iurisdictione, dominio, po-
testate, superioritate, subiectione, visitatione, & correctione
quorumcunque locorum Ordinariorum quacunque digni-
tate, præminencia, & autoritate fungentium, & alio-
rum Iudicum Ecclesiasticorum, & Sæcularium Apostolica
autoritate in perpetuum exemit, & liberauit, & sub sua,
& Sedis Apostolicæ, ac Beati Petri protectione immediatè
recepit; Nec non Præposito Generali, & alijs præfatis, quòd
ijdem Ordinarii, vel Vicarii, & officiales, aut alij quicun-
que Iudices, etiam ratione criminis, delicti, contractus,
vel rei, de qua agitur, vbicunque committatur delictum,
ineatur contractus, & res ipsa consistat, nullam in Præpo-
situm, personas, res, & bona Congregationis huiusmodi
iurisdictionem exercere possint, præterquam in casibus de-
cretorum Conc. Trid. ipsi verò Presbyteri dictæ Congre-
gationis regulares Missas celebrare, & Confessiones etiam
alienæ Parochiæ subditorum audire, & sacram Eucharistiam
omnibus anni temporibus, Paschatis duntaxat exceptis, mi-
nistrare valeant, concesserit, ac quòd Ecclesiæ dictæ Con-
gregationis non essent subditæ alteri Ecclesiæ, tanquam Ma-

trici,

trici, vel Cathedrali, seu titulari, ipsique Presbyteri, & Cle-
rici regulares maioribus huiusmodi Ecclesijs, vel locorum
Ordinarijs, etiã Cardinalibus assistere, vel seruitium aliquod
præstare, seu ad funera defunctorum, nisi eorum, quorum
Cadauera in Ecclesijs ipsius Congregationis sepelirentur,
accedere minimè tenerentur, etiam concesserit, & indulse-
rit, volueritque, quòd illi, qui in dicta Congregatione pro-
fessionem pro tempore emisissent, ad aliquem alium Ordinem,
& Congregationem, etiam si arctior inibi vigeret Re-
gularis obseruantia, exceptis solùm Ordinibus Capucino-
rum, & Cartusianorum, nisi obtenta prius à Superiore dictæ
Congregationis licentia, transire nullatenus possent sub pœ-
na apostasiæ, ac excommunicationis latæ sententiæ, quam
tam in ipsos transeuntes, quàm eorum receptores, etiam cu-
iuscunque priuilegii Apostolici prætextu, cui ad hunc effe-
ctum specialiter derogauit, à qua non nisi à Romano Pon-
tificè, præterquam in articulo mortis absolui valerent, pro-
mulgavit, & alias, prout in Pauli Tertii, Pii Quarti, & Pii
Quinti, ac pro eo, quòd antequam literæ super exemptione,
& alijs præfatis conficerentur, dictus Gregorius præ-
decessor rebus fuisset humanis exemptus, in similis me-
Sixti Quinti, pariter prædecessoris nostri literis desuper
confectis plenius continetur. Cum autem, sicut eadem
expositio subiungebat, ipsi Præpositus, & Presbyteri cu-
pian præmissa omnia per nos confirmari, & approba-
ri, nobis humiliter supplicari fecerunt, quatenus eorum
desiderio annuere, aliasque in præmissis opportunè pro-
uidere de benignitate Apostolica dignatemur. Nos at-
tendentes ad diligentem, & fructuosam culturam ipsius
Vineæ Domini, quam prædicti Presbyteri, & Clerici Re-
gulares studio indefesso multis pijs, ac laudabilibus exer-
citijs in dies faciunt, ac volentes propterea illos, dictam-
que Congregationem amplioribus fauoribus, & gratis

G 2

pro-

prosequi Prepositum, & singulares personas Congregationis huiusmodi à quibusvis ex communicationis, suspensionis, & Interdicti, alijsq; Ecclesiasticis sententijs, censuris, & poenis à iure, vel ab homine, quavis occasione, vel causa latis, si quib. quomodolibet innodati existunt, ad effectum præsentium duntaxat consequendum harum serie absolventes, & absolutos fore censentes huiusmodi supplicationibus inclinati omnia, & singula præfata, & quæcunq; alia Privilegia, Exemptiones, Immunitates, concessiones, facultates, prærogativas, indulgæ, fautores, & gratias præfatae Congregationi, singulisque illius Domibus, Conuentibus, Collegiis, Ecclesiis, Capellis, Oratoriis, Hospitalibus, & locis, nec non Preposito Generali, aliisque Superioribus, & personis tam professis, quàm non professis, ac familiaribus, domesticis, eisque aliàs quomodolibet inseruientibus, tam per supradictos, quàm alios Romanos Pontifices prædecessores nostros, ac nos, & Sedem Apostolicam, eiusque authoritate quomodolibet concessa, ac desuper confectas literas, omniaque in eis contenta; Nec non etiam omnia, & singula statuta, ordinationes, Regulas, & cõstitutiones in vniuersa Congregatione prædicta hucusque editas, licitas tamen, & honestas, sacrisque Canonibus, & Concilio Tridentin. minimè contrarias authoritate Apostolica tenore præsentium perpetuò approbamus, & confirmamus, illisque omnibus, & singulis Apostolicæ firmitatis robur adiicimus, suppletentes omnes, & singulos, ac quoscunque, & qualescunque Iuris, & facti, ac etiam solemnitarum, & alios quantumuis substantiales etiam de necessitate exprimentos defectus, si qui in eis, aut eorum aliquo quomodolibet interuenerint. Ac insuper eidem Congregationi, eiusque Preposito Generali, quòd ipse Prepositus cum voto eius Consiliariorum à Capitulo generali deputatorum cum quibusvis eiusdem Congregationis professis defectum Natalium patientibus, etiam ad eosdem omnes, etiam

etiam sacros, & presbyteratus Ordines suscipiendum; ac in eisdem in Altaris ministerio etiam ministrandum, necnon ad quamcunque ipsius Congregationis administrationem, officium, & dignitatem recipiendum, ac retinendum, & exercendum dispensare, idemque Prepositus Generalis, & Visitatores eiusdem Congregationis toties, quoties opus esse iudicauerint, Orphanotrophia, & loca tam puerorum, quàm puellarum sub cura, regimine, & administratione, ac disciplina dictæ Congregationis existentia, absque eo, quòd desuper à Gubernatoribus, siue œconomis, & Administratoribus rerum temporalium ipsorum impediatur, sub poena Excommunicationis maioris latæ sententiæ statim per impediens ipso facto incurrenda, si post monitionem ab Episcopo faciendam ab huiusmodi impedimentis non destiterint, à qua non nisi à Sede Apostolica, præterquam in mortis articulo absolui queant, sine præiudicio Iurium Episcopi, visitare, & quæ reformanda fuerint circa disciplinam eorundem Puerorum, & Puellarum, ac regimen spirituale, reformare liberè, & licitè valeant authoritate, & tenore præsentium præfatis licentiam, & facultatem concedimus, & impertimur. Ut autem Congregatio ipsa, ac sub eius instituto militantes personæ Orphanis, ac Seminarijs puerorum liberius, & melius inseruire, & quæ sui instituti sunt, adimplere possint, ipsaque Disciplina Regularis in Domibus, Collegiis, & Locis illius magis vigeat, eandem Congregationem, singulaque illius Collegia, & loca, ac eorum Superiores, & alios ab omni onere audiendi confessiones ordinarias quatumcunque Monialium, præterquam Orphanarum iuxta antiquum ipsius Congregationis institutum; nec non ab omnibus alijs oneribus, & curis, quæ seruituti, & commoditati Orphanorum, Seminariorum, & disciplinæ regularis huiusmodi impedimento, & damno esse quoquomodo possunt, omnino, & de cætero nul-

6 nullus, etiam si sit Præpositus Generalis, aliqua huiusmodi onera, vel curas nisi de consensu duarum ex tribus partibus Capituli Generalis suscipere audeat, neque possit. Postremo omnes Professiones emissas vsque in præsentem diem à quibusvis Clericis, & Laicis dictæ Congregationis, etiam si in manibus Præpositi Generalis, aut eius Vicarij, sed aliorum præbyterorum inibi professorum factæ sint, neque constet illos eo tempore auctoritatem tales professiones recipiendi habuisse, validas, firmasque, & ratas esse, & fore, perinde ac si à Præposito Generali, vel eius Vicario prædicto receptæ essent, dummodo tamen aliàs canonicè factæ fuissent, & tales professi professioni huiusmodi hodie acquiescant, licereque impostero Præposito Generali prædicto huiusmodi facultatem admittendi ad professionem cuiuslibet Præposito, vel Rectori inferiori eiusdem Congregationis demandare, seruata in reliquis forma Constitutionis eiusdem Sixti prædecessoris desuper editæ. Præsentes quoque literas nullo vnquam tempore de subreptionis, vel obreptionis, seu nullitatis vitio, aut intentionis nostræ vel quocunque alio defectu notari, impugnari, seu quomodolibet infringi, vel in lus, aut controuersiam vocari, aut etiam aduersus eas quodcunque iuris, gratiæ, vel facti remedium impetrari, seu etiam motu proprio concedi possit; Neque sub quibusvis similibus, vel dissimilibus gratiarum reuocationibus, limitationibus, suspensionibus, derogationibus, aut alijs contrarijs dispositionibus pro tempore emanatis comprehendere, sed semper, & omni tempore, ac omnino ab illis excipi, & quoties emanabunt, toties in pristinum, & validissimum statum suum restitutas, repositas, & plenariè redintegras, ac de nouo etiam sub quacunque posteriori data per Generalem, & alios Præpositos præfatos pro tempore eligendos concessas, illasque perpetuò validas, & efficaces esse, & censerì, plenamque roboris firmitatem obtinere. Neque

Con-

Congregationem, & Præpositum Generalem, & alios Superiores, ac personas illius super eisdem præmissis, illorumque possessione, vsu, & commodo pacificis per locorum Ordinarios, aut quoscunque alios quomodolibet molestari, perturbari, seu inquietari, vel impediri posse, sicque, & non aliàs per quoscunque Iudices ordinarios, & delegatos, ac etiam causarum Palatij Apostolici Auditores, & Sanctæ Romanæ Ecclesiæ Cardinales, etiam de latere Legatos, Vicelegatos, & alios Ecclesiasticos, & sæculares, sublata eis, & eorum cuiuslibet quauis aliter iudicandi, & interpretandi facultate, & auctoritate iudicari, & definiri debere, nec non quicquid secus super his à quoquam quauis auctoritate scienter, vel ignoranter contigerit attentari, irritum, & inane decernimus, non obstantibus præmissis, ac dicti SIXTI prædecessoris super admittendis Religiosis edita, & quibusvis alijs Apostolicis, nec non in prouincialibus, & Synodalibus Conciliis editis, specialibus, vel generalibus Constitutionibus, & Ordinationibus, ac etiam Iuramento, confirmatione Apostolica, vel quauis firmitate alia roboratis, Statutis, & Consuetudinibus, Legibus, reformationibus, priuilegijs quoque, indultis, ac literis Apostolicis quibusvis Superioribus, & personis sub quibuscunque tenoribus, & formis, ac cum quibusvis, etiam derogatorijs derogatorijs, aliisque efficacioribus, & insolitis clausulis, ac irritantibus, & alijs decretis in genere, vel in specie etiam Motu simili, & aliàs in contrarium quomodolibet, etiam pluries, & literatis vicibus concessis, approbatis, & innouatis. Quibus omnibus, etiam si de illis, eorumque totis tenoribus specialis, specifica, indiuidua, & expressa, ac de verbo ad verbum, non autem per clausulas generales idem importantes mentio, aut quæuis alia expressio habenda, aut aliqua alia exquisita forma ad hoc seruanda foret, illis a-

lias

liàs in suo robore permanens hac vice duntaxat specialiter; & expressè derogamus, cæterisque contrariis quibuscunque. Nulli ergo omnino hominum liceat hanc paginam nostræ absolutionis, approbationis, confirmationis, adiectionis, suppletionis, concessionis, impartitionis, liberationis, derogati, & derogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, & Beatorum Petri, et Pauli Apostolorum eius se noverit incursum.

Datum Romæ apud Sanctum Marcum anno Incarnationis Dominicæ Millesimo Quingentesimo Nonagesimo tertio, Sexto Kalend. Maii. Pontificatus Nostri anno secundo.

Locus  Sigilli Plumbei.



CLEMENTIS

CLEMENTIS VIII.

B V L L A.

S V M M A R I V M.

Declaratur valida professio in manu delegati à Præposito Generali, vel Vicario Generali emissa.



LEMENS PAPA Octauus, Ad perpetuam rei memoriam. Romanus Pontifex debito Pastoralis officij sibi ex alto commisso, ne personarum sub stiaui Religionis iugo Deo famulantium status perturbetur, sed quò magis fieri potest, quietus, & tranquillus manuteneatur, libenter prouidet, & super literis, & gratijs concessis, quæ perturbationis occasionem præbere posse videntur, declarationis remedium adhibet, & alia facit, prout conspicit in Domino salubriter expedire. Cum itaque nos aliàs in literis nostris Priuilegiorum, quæ Congregationi Clericorum Regularium de Somascha, aliàs Sancti Maioli Papiens. nuncupat. sub sexto Kalend. Maii Pontificatus nostri anno secundo concessimus, voluerimus omnes professiones emissas à quibusuis Clericis, & Laicis dictæ Congregationis, etiam si non in manibus Præpositi Generalis, vel eius Vicarij iuxta formam Indulti fel. record. Pij Papæ Quinti prædecessoris nostri, sed aliorum Presbyterorum inibi professorum factæ fuissent, validas, firmasque, & ratas esse, & fore, ac si à Præposito Generali, vel eius Vicario receptæ essent, dummodo tamen alias canonicè factæ extitissent, & tales professi professioni huiusmodi hodie acquiescerent, prout in præfatis nostris literis plenius continetur, & sicut nobis nuper nomine Congregationis prædictæ exposi-

H tum

tum fuit, ex earundem literarum verbis nonnulli dictæ Congregationis, qui ante illarum concessionem numquam reclamauerunt, occasionem reclamandi sumpserint, propterea, quòd non in manibus Præpositi Generalis, vel Vicarij delegatorum professi sunt, intelligentes verba prædicti indulti prædecessoris nostri de Vicario Generali, & non de quolibet delegato à Præposito, vel Vicario Generali; hinc est quòd nos, qui singulorum Christi fidelium, præcipuè verò similium Religiosorum Agri Dominici cultorum quietem sinceris desideramus affectibus, nostrarum literarum præfatarum tenores præsentibus pro expressis habentes, ex sententia Venerabilium Fratrum nostrorum S. Romanæ Ecclesiæ Cardinalium, Episcoporum, & Regularium negotijs præfectorum, autoritate Apostolica tenore præsentium decernimus, & declaramus dispositionem indulti præfati prædecessoris, dum voluit professiones emittendas esse, & fore in manibus Præpositi Generalis, vel eius Vicarij, intelligendam esse nedum de Præposito, & de Vicario Generali, sed etiam de quolibet ab eisdem delegato, & per consequens omnes, & singulas Professiones emissas in manibus quorumcunque Presbyterorum præfate Congregationis ipsius Præpositi Generalis, vel Vicarij etiam Generalis delegatorum, ac eorum nomine à prædictis Presbiteris receptas, licet per se ipsos tantum, & proprio nomine illas recipiendi auctoritatem non habuerint, validas fuisse, & esse, & alia validatione non indiguisse, nec indigere; & propterea omnibus, & singulis in manibus prædictorum, vt supra delegatorum professis Presbyteris, Clericis, & Laicis super præmissis perpetuum silentium imponimus, & imponi mandamus, nec desuper ab aliquo excipi, opponi posse, sicque per quoscunque Iudices, & Commissarios quavis autoritate fungentes iudicari, & definiri debere, ac irritum, & inane esse volumus, & pariter declaramus quicquid secus à quocquam quavis autoritate scienter, vel ignoranter contigerit atten-

atten-

attentari: Non obstantibus præmissis, ac quibusvis Constitutionibus, & Ordinationibus Apostolicis, nec non statutis, & Consuetudinibus, ac Pij prædecessoris præfatis, & alijs literis similiter Apostolicis, nec non illis omnibus, quæ in præfatis nostris literis volumus non obstare, cæterisque contrarijs quibuscunque. Volumus etiam, quòd præsentium Transumptis manu alicuius Notarij publici subscriptis, & Sigillo alicuius personæ in dignitate Ecclesiastica constitutæ munitis eadem fides adhibeatur, quæ præsentibus originalibus literis adhiberetur, si forent exhibitæ, vel ostensæ.

Datum Romæ Apud Sanctum Marcum sub Annulo Piscatoris die sexta Octobris Millesimo Quingentesimo Nonagesimo Quarto Pontificatus nostri Anno tertio.

Locus ✠ Annuli Piscatoris.

M. Vestrius Barbianus.



H 2

CLE-

59
CLEMENTIS VIII.

B V L L A.

S V M M A R I V M.

Declarantur professi omnes emissis denuo votis, de quorum professione scrupulus subesse potest, & privilegia omnia concessa illis communicantur.



CLEMENS PAPA VIII. Ad perpetuam rei memoriam. Decet Romanum Pontificem Religiosorum statui, & conscientiarum securitati opportunè consulere, prout in Domino salubriter conspicit expedire. Nuper siquidem dilecti filii Præpositi Generalis Congregationis Clericorum Regularium Somaſchæ, aliàs Sancti Maioli Papiens. nomine nobis expositum fuit, quòd cum dudum fel. record. Pius Papa Quintus prædecessor noster per suas literas eidem Congregationi, in qua antea Vota, & Professio regularia non emittebantur, vt qui in ipsa Congregatione manere, aut de cætero ingredi vellent, tria Vota, ac professionem regularia huiusmodi emittere valerent, quòdque hi, qui antea per decennium in eadem Congregatione laudabiliter vixerant, in eadem professionem huiusmodi absque probationis anno incontinenti emittere valerent, facultatem ad triennium duraturam concessisset, ipsoque triennio elapso professionem huiusmodi emissuros probationis annum antea complere uoluisset, prout in eiusdem Pii prædecessoris literis plenius continetur. Nuper ortum fuit dubium ex interpretatione dictarum literarum, num aliquorum, qui in dictam Congregationem, non ut Ministri, sed

61
sed vt Scholares, vel partim Ministri, & partim Scholares à pueritia in eadem per decennium continuum laudabiliter permanferant, & aliorum, qui non per decennium continuum, sed interpolatum, ac quandoque intermissum in eadem Congregatione vixerunt, professiones sic incontinenti, absque anno probationis emissæ, & factæ veræ, validæ, & legitimæ essent, præsertim, quia nonnulli istorum Præpositi, & Vicarij Generales extiterunt, ac aliorum professiones receperunt, ac alia multa in ipsa Congregatione egerunt. Nos ad omne dubium remouendum viuæ vocis oraculo dilecto filio nostro Francisco Tituli Sanctæ Mariæ Transpontinæ Presbytero Cardinali Toletano nuncupato facto eidem Congregationi concessimus, vt sic, vt præmittitur in ea professi denuo in manibus Præpositi Generalis, aut alicuius personæ in dignitate Ecclesiastica constitutæ profiteri valerent, & vti sic professi essent, eorum locis, officijs, & dignitatibus fruerentur, ac si ab initio professi essent, ac omnia eorum acta valida, & firma forent. Cum autem, sicut eadem expositio subiungebat, iam nonnulli, qui de eorum professionis validitate dubitabant, coram toto Capitulo generali Cremonæ celebrato in manibus eiusdem Præpositi Generalis, & vnus hic Romæ in manibus dilecti filij nostri in Vrbe Vicarij Vicegerentis ad maiorem eorum Conscientiarum securitatem huiusmodi professionem de nouo emisserint, & alij fortassis simili modo professionem denuo emissuri sint, Nos volentes validitati professionum huiusmodi, ac omnium per ipsos sic de nouo professos, ante nouam huiusmodi professionem in eadem Congregatione gestorum prospicere, & aliàs in præmissis opportunè prouidere, supplicationibus eiusdem Præpositi Generalis nomine nobis super hoc humiliter porrectis inclinati, omnes, & singulas professiones de nouo, vt præfertur, emissas, &

& deinceps infra sex Mensium spatium emittendas à personis quibuscunque in dicta Congregatione iamdudum professis, de quorum professionis validitate præmissorum causa dubitari poterat, auctoritate Apostolica, tenore præsentium confirmamus, & approbamus, ac omnes litteris, & tacti, ac solemnitatam, etiam substantialium defectus, si qui in illis forsan interuenerint, supplemus, ac eisdem sic professis, & deinceps professuris, ut præfertur, ut quæuis officia, dignitates, & munera eiusdem Congregationis, si quæ obtinent, retinere, ac eis deferenda recipere, & exercere, ac omnibus, & singulis gratijs, honoribus, priuilegijs, prærogatiuis, & alijs spiritualibus, & temporalibus Indultis eidem Congregationi, eiusque Religiosis concessis, & in futurum concedendis uti, frui, & gaudere in omnibus, & per omnia possint, & valeant, perinde ac si eorum professiones primò emissæ veræ, validæ, ac legitimæ fuissent, eadem auctoritate concedimus, & indulgemus, & nihilominus omnia, & singula per dictos sic professos, & professionem emissuros ante nouam huiusmodi professionem in eadem Congregatione gesta, ac professiones aliorum per eos receptas validamus, & roboramus, validaque, & firma, ac validas, & firmas esse, & censeri, nec à quoquam de eorum validitate dubitari, aut quoquomodo opponi posse; sicque per quoscunque Iudices ordinarios, & delegatos, & etiam Causarum Palatij Apostolici Auditores, sublata eis, & eorum cuilibet quauis aliter iudicandi, & interpretandi facultate, & auctoritate, iudicari, & definiri debere, ac irritum, & inane quicquid secus super his à quoquam quauis auctoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, eiusdemque Congregationis, etiam iuramento, confirmatione Apostolica, vel quauis fir-

firmitate alia roboratis, Statutis, & Consuetudinibus, cæterisque contrarijs quibuscunque: Volumus autem, ut præsentium Transumptis, etiam impressis, manu alicuius Notarij publici subscriptis, & Sigillo personæ in dignitate Ecclesiastica constitutæ, munitis, eadem, quæ præsentibus ipsis, fides adhibeatur.

Datum Romæ apud Sanctum Petrum sub Annulo Piscatoris Die 23. Nouembris M. D. LXXXVIII. Pontificatus nostri Anno tertio.

Locus ✚ Annuli Piscatoris.

M. Vestrius Barbianus.



CLEMENTIS

62
CLEMENTIS VIII.

B V L L A.

S V M M A R I V M.

- 1 *Spatium emittendi de nouo professionem ad illius validitatem firmandum concessum per sex menses prorogatur ad alios sex menses.*
- 2 *Validae professiones confirmantur, & approbantur, professis priuilegia haecenus concessa conceduntur.*

Dilecto Filio Praeposito Generali Congregationis Clericorum Regularium Sornaschæ, alias Sancti Maioli Papiensis.



CLEMENS PAPA VIII. Dilecte fili salutem, & Apostolicam benedictionem. Cum sicut exponi nobis fecisti post emissam de nouo à nonnullis Clericis istius Congregationis, de quorum antea emissæ professionis validitate dubitabatur, regularem professionem iuxta nostrarum in simili forma Breuis litterarum sub dat. 13. Nouembris 1594. expeditarum, per quas tam eousque emissas, quam deinceps infra sex Menses tunc proximos emittendas huiusmodi professiones validas declarauimus, seriem, nonnulli, alii eiusdem Congregationis Clerici de eorum antea emissæ professionis validitate ob defectus in dictis literis expressos dubitare coeperint, illis verò ob lapsum sex Mensium praedictorum huiusmodi professionem de nouo emittendi

absque

63
absque noua nostra, & Apostolicæ Sedis licentia, et gratia neutiquam licere credatur: Nos eorum statui, et conscientiarum serenitati consulere volentes, ac litterarum nostrarum praedictarum tenorem praesentibus pro expresso habentes, illasque ad alios sex Menses proximos extendentes supplicationibus tuo nomine nobis super hoc humiliter porrectis inclinati, omnibus, & singulis eiusdem Congregationis Clericis, de quorum professionis validitate quoquomodo dubitatur, infra dictos sex Menses à data praesentium computandos, professionem de nouo in tuis, aut Vicarij tui manibus iuxta praedictarum litterarum seriem emitte valeant, autoritate Apostolica tenore praesentium concedimus, & indulgemus, ac huiusmodi per eos de nouo emittendas professiones, si, & postquam emissæ fuerint, nec non etiam omnia, & quaecunque per eos ante nouam huiusmodi professionem in dicta Congregatione gesta, ac Professiones aliorum, aliàs tamen ritè emissas per eos forsitan receptas, autoritate, & tenore praesentis perpetuò confirmamus, approbamus, validamus, & roboramus, suppletes omnes, & singulos etiam substantiales defectus, si qui forsitan interuenerint in eisdem. Decernentesque illas, & illa valida, firma, & efficacia perpetuò fore, & esse, nec à quoquam de cætero de eorum validitate dubitare, aut quoquomodo opponi posse, sicque per quoscunque Iudices ordinarios, & delegatos etiam causarum Palatii Apostolici Auditores sublata eis, & eorum cuilibet quauis aliter iudicandi, & interpretandi facultate, & autoritate iudicari, & definiri debere, ac irritum, & inane quicquid secus super his à quoquam quauis autoritate scienter, vel ignoranter contigerit attentari. Ac eisdem Clericis sic professis, vt praefertur, vt quæuis officia, dignitates, & munerata eiusdem Congregationis, si quæ obtinent, retinere, ac eis differenda recipere, & exercere, ac omnibus, & singuli

I

gra-

tiis, honoribus, privilegiis, prærogatiuis, & aliis spiritualibus, & temporalibus indultis eidem Congregationi, eiusque Religiosis concessis, & in futurum concedendis vti, frui, & gaudere in omnibus, et per omnia possint, et valeant, perinde ac si eorum professiones primò emissæ veræ, et validæ, ac legitimæ fuissent, de speciali gratia indulgemus. Non obstantibus præmissis, ac Constitutionibus, & Ordinationibus Apostolicis, nec non omnibus illis, quæ in nostris literis prædictis volumus non obstare, cæterisque contrariis quibuscunque.

Datum Romæ apud Sanctum Marcum sub Annulo Piscatoris die 14. Septembris M D XCV. Pontificatus nostri Anno quarto.

Locus ✠ Annuli Piscatoris.

M. Vestrius Barbianus.



C. E.

CLEMENTIS VIII

B V L L A

S V M M A R I V M.

Declaratur seruandam esse constitutionem Congregationis, neminem suffragium habere posse, vel in numero Vocalium adscribendum Capituli Generalis, nisi qui fuerit à Capitulo electus, & admissus, reclamantibus silentium imponitur.



CLEMENTIS Papa VIII. Ad perpetuam rei memoriam. Romanus Pontifex ex debito pastoralis Officii sibi ex alto commissi, ne personarum sub suavi Religionis iugo Deo famulantium status perturbetur, sed quò magis fieri potest, quietus, & tranquillus in Dei obsequio perseueret, libenter prouidet, prout in Domino salubriter conspicit expedire. Sanè cum Congregatio Clericorum Regularium de Somascha nuncupata, seu Sancti Maioli Papiensis à fel. recordatio. Pio Quinto prædecessore nostro de sæculari Regularis effecta, & per ipsum, ac alios suos prædecessores fuerit nonnullis privilegiis, & gratiis spiritualibus roborata, ac per nos denique confirmata, & nouis privilegiis, & indultis ampliata, prout in nostris desuper confectis literis sub dat. sexto Kalend. Maii Pontificatus nostri Anno secundo, plenius continetur. In quibus

H 2

qui-

quidem literis inter cætera omnia, & singula Statuta, Ordinationes, Regulas, & Constitutiones in vniuersa Congregatione prædicta eousque editas, licitas tamen, & honestas, sacrisque Canonibus, & Concilio Tridentino minimè contrarias auctoritate Apostolica perpetuò approbauimus, & confirmauimus, illisque omnibus, & singulis Apostolicæ firmitatis robur adiecimus, suppletes omnes, & singulos defectus, prout in dictis literis plenius continetur. Cumque sicut nuper accepimus, inter aliàs Constitutiones prædictæ Congregationis sit quædam Constitutio de ijs, qui numero Vocalium Capituli Generalis sunt adscribendi, disponens, vt non passim, & sine matura consideratione cuiusque conditionis Fratres inter Vocales Capituli Generalis admittantur, à quo omnis utilitas totius Religionis dependet, totumque illius sustinet onus, sed ii solum, qui vita, & moribus cæteros autecellant, quique prudentia, & consilio, & scientia valeant in rebus arduis consulere, qui item per aliquot annos fuerint in Religione probati, elapsumque fuerit ad minus triennium post emissam professionem, quique ætatis suæ saltem trigessimum annum attigerint, & ne Vocalis vnquam sit, vel qui apostatauerit, vel qui in aliquo delicto fuerit deprehensus, vel de quo probabiliter dubitatur ea, quæ in Comitibus tractantur, secretò minimè retenturum ex euidentibus inditijs, & aliàs, prout in dicta Constitutione dicitur contineri: Et quia prædictæ qualitates in eo, qui adscribendus est in numero Vocalium, à nullis alijs possunt ita rectè inquiri, & perpendi, quàm ab eisdem Patribus Vocalibus, qui eum admissuri sunt, propterea eadem Congregatio consuevit non admittere aliquem in numero dicti Capituli Generalis, nisi in eodemmet Capitulo propositus, & per vota secreta ipsorummet Patrum Vocalium suffraganti sibi maiori parte Votorum electus fuerit,

fuerit, vnde Clerici eiusdem Congregationis, tum ad vitæ, & morum integritatem, tum etiam ad bonarum artium, & regularis disciplinæ studium, & obseruantiam excitantur. Verùm; sicut nobis pro parte dictæ Congregationis expositum fuit a Ven. Fratrem nostro Ludouico Episcopo Sabinens. Cardinali Madrutio nuncupato prædictæ Congregationis Protectore, cum nonnulli de eadem Congregatione ex eo solum, quòd sunt professi per aliquot annos, & in Presbyteratus Ordine constituti, prætendant se in eodem Capitulo Generali habere vocem actiuam, & passiuam, & admittendos esse in electionibus Præpositi Generalis, & aliorum quorumcunque Superiorum, contra id, quòd in dicta Congregatione fieri consuevit iuxta prædictas suas Constitutiones à nobis, vt supra approbatas, & confirmatas: Et propterea cum non admittantur, se ipsos, & alios perturbent, & perturbare audeant: Hinc est quòd nos, qui singulorum Christi fidelium, præcipuè verò similibus Religiosorum agri Dominici cultorum quietem sinceris desideramus affectibus, ex sententia dilectorum filiorum Prælatorum negotijs Visitationis Apostolicæ, & Reformationis Præfectorum, auctoritate Apostolica tenore præsentium decernimus, & declaramus nullum de cætero adscribendum fore, & esse in numero Vocalium Capituli Generalis præfatæ Congregationis, nec in eo vocem actiuam habere, nisi seruata in omnibus forma dictarum Constitutionum, & nisi etiam iuxta supradictam consuetudinem à triginta circiter annis hætenus seruari solitam, & obseruatam, fuerit in eodem Capitulo propositus, & per vota secreta à Patribus Vocalibus eiusdem Capituli Generalis electus, & admissus. Omnibusque alijs se vocem actiuam in dicto Capitulo habere prætendentibus, & ab eisdem Patribus Vocalibus Capituli Generalis non electis, & admissis, perpetuum silentium imponimus,

mus, & imponi mandamus, nec desuper ab aliquo excipi, & opponi posse, sicque per quoscunque Iudices, & Commissarios quavis autoritate fungentes iudicari, & definiri debere, ac irritum, & inane quicquid secus à quolibet quavis autoritate scienter, vel ignoranter contigerit attentari decernimus, ac declaramus. Non obstantibus præmissis, ac quibusvis Constitutionibus, Ordinationibus Apostolicis, nec non Statutis, & Consuetudinibus aliarum Regularium Congregationum, cæterisque contrarijs quibuscunque. Volumus etiam quòd præsentium Transumptis manu alicuius Notarij publici subscriptis, & Sigillo alicuius personæ in dignitate Ecclesiastica constitutæ munitis eadem fides adhibeatur, quæ præsentibus originalibus literis adhiberetur, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die 23, Martij 1599. Pontificatus nostri anno octavo.

Locus ✠ Annuli Piscator.

M. Vestrius Barbianus.



CLEMENTIS

CLEMENTIS VIII.

B V L L A.

S V M M A R I V M.

- 1 Refertur Sanctitatis sue Pastoralis sollicitudo erga piam, ac liberalem Iuuentutis institutionem.
- 2 Commendantur Patres Congregationis Somascha Adolescentium educationi ex professo, & peculiari Instituto vacare soliti, binis præsertim Venetiarum Seminarijs; ex quo ad piam Sanctitatis sue mentem implendam peropportuni occurrerunt.
- 3 Assignantur ad id iisdem Patribus ades de Iacobatijs; crescente verò Adolescentium numero Palatium de Pepulis in Platea Nicostæ ad Flumen Tiberim capto operi irrevocabiliter donatur.
- 4 In adibus dicti Palatij instituitur Collegium Clementinum à Sanctitatis sue Nomine nuncupandum; in quo Nobiles pueri ex quibuscunque Christiani Orbis Regionibus Grammaticam, Rhetoricam, Logicam, Physicam, aliasque Humaniores, ac Liberales disciplinas condocentur.
- 5 Vnitur, & incorporatur eidem Collegio pro competenti eius Dote Monasterium S. Angeli de Lamulis Provincia Vrbinaten. Ecclesia S. Cesarei de Vrbe, & Vinea eidem contigua cum perpetua exemptione ab omni Iurisdictione, & Gravamine.
- 6 Immediatè Sedi Apostolicæ prædictum Collegium subijcitur; omnibusque privilegijs, & Gratijs tam spiritualibus, quàm temporalibus, quibus gaudent reliqua Urbis Collegia, condecoratur.

7^o
7 *Constituitur Collegij Protector, eiusque exposita auctoritate consuetis causulis Bulla obfirmatur.*

Bulla Erectionis Collegii Clementini.



Lemens Episcopus Seruus seruorum Dei :
Ad perpetuam rei memoriam. Vbi primum ad summi Apostolatus Apicem diuina Clementia nullis nostris meritis, sed sola misericordiae suae dignatione nos euexit, Eminentiori animi Cura de morum tam Ecclesiasticorum, quam Saecularium personarum reformatione in Vrbe nostra instituenda serio cogitare cepimus; Dilectisque aliquot Romanae Curiae Praelatis morum grauitate rerumque vsu, & experientia praclaris, qui reformationi huiusmodi praesent, eos statim Scholas omnes Adolescentium, & Puerorum dictae Urbis perlustrare, & quae in illis educandis, erudiendisque ratio ibi seruaretur, quaeque disciplina adhiberetur, sedulo inquirere, & ad nos deinde referre praecipimus. Ex quo sane non absque animi merore deprehendimus, eam etatem, quae ad vitia, & uoluptates sequendas prona est, nisi seueriori disciplina cohibeatur, & ad pietatem, & Religionem informetur, in Scholis ipsis sub laxa, immo vero dissoluta disciplina, seposito Domini timore corruptam, nihil ut plurimum, vel sane parum in bonis moribus, & litterariis exercitationibus proficere. Quamobrem illius statum intimo sensu condolentes decreuimus omnino in ipsa Vrbe locum situ, & amplitudine opportunum ad Puerorum, & Adolescentium Nobilium tam Indigenarum, quam exterorum quorumcumque receptione, & educationem primo quoque tempore destinare, illisque spectatae pietatis, & doctrinae, viros, qui,

7^o
qui nullo questu temporali, sed solo Dei obsequio, & animarum beneficio ducti pueros, & adolescentes ipsos aequae in pietatis, & Religionis studijs, ac scientiarum disciplinis erudirent, praeficere. Et nobis attentius animo reuoluentibus quibus ea Prouincia cum fructu, & vtilitate praecipue demandari posset, occurrerunt peropportune Dilecti filij Clerici Regulares Congregationis Somaschae educationi iuuentutis ex professo, & peculiari instituto vacare soliti, multisque experti documentis eos in pluribus Italiae Ciuitatibus, & locis egregiam in eo munere operam multis iam annis, cum laude, & publica commoditate impendisse, & praesertim in Ciuitate Venetiarum binis illius Puerorum Seminarijs, alteri videlicet Ecclesiastici in executione Concilij Tridentini, alteri vero Laici ordinis pia sollicitudine, & impensa Reipublicae Venetae erectis cum summo iuuentutis bono, & ipsius Congregationis commendatione praefuisse, & adhuc praesente, illos idoneos iudicauimus, quos ad hoc onus graue, & arduum assumeremus. Hincque primo inducti institutionem, & foundationem dictae Congregationis sub anno Domini 1594. Apostolica auctoritate approbauimus, & confirmauimus, eamque amplis decretis, & priuilegijs ornauimus, deinde vero de anno eiusdem Domini 1595 dictis Praelatis, ut aedes in Vrbe ad hoc nostrum captum capaces, & opportunas sub pensione annua conducere, ac Puerorum, & Adolescentium in eis recipiendorum curam Clericis dictae Congregationis committere curarent, iniunximus, simulque summam mille scutorum monetae, ex quibus pensio huiusmodi solueretur, & aedes ipsae suppelletilibus ad domesticos vsus necessarijs instituerentur ex Chirographo nostro donauimus fueruntque hoc pacto aedes eorum de Iacobatijs in platea iam dictae Urbis sub pensione annua tercentorum, & octoginta scutorum similium conductae, ac in eis habitatio Cle-

ricorum, et Puerorum prædictorum ad instar Collegii primū cōstituta. Verūm crescente in dies inibi Conuictorum numero necesse fuit etiam numerum Magistrorum, Præfectorum, & famulorum augere, ob quod tūm nec dictæ Aedes eos amplius commodè capere, nec solæ pensiones mensuales ab eisdem Conuictoribus pendi solitè ad graues sumptus tam pro eorum, ac Magistrorum, & Præfectorum prædictorum sustentatione, quàm dictarum Aedium locatione, & alios diuersimode iugiter subeundos sufficere possent. Nos Palatium de Pepulis nuncupatum in Platea Nicosiæ ad flumen Tyberim iuxta suos fines situm, & subhastationi ex decreto Curie suppositum à Dilecto filio Camere nostræ Apostolicæ Commissario Generali eiusdem Camere nostræ pretio vndecim mille scutorum similium via subhastationis huiusmodi emi, & deinde pro instituendo ibidem Collegio Clementino nuncupando pro vsu, & habitatione scholarium, & Conuictorum in eo introducendorum per Dilectum filium nostrum Paulum Aemilium tituli Sancti Marcelli, tunc pro Dilecto & Filio nostro Petro Sancti Nicolai in Carcere Diacono Cardinali Aldobrandino nuncupato S. R. E. Camerario, & nostro secundum carnem ex fratre Nepote, qui sedis Apostolicæ de latere Legiati munere in Regno Franciæ pro grauissimo componendè inter Principes Christianos pacis negotio detinebatur, eiusdem S. R. E. Vicecamerariū nostro simili chirographo ex perpetuò, & irreuocabiliter donari iussimus, & seu donauimus, prout in nostris super confirmatione huiusmodi confectis litteris, ac ipso Chirographo, & publico donationis huiusmodi instrumento plenius continetur, inde sublata aliquantulum ipsius Collegii angustia, compositoque illius statu in meliorem statum, & numerus Conuictorum ibi dietim augeri conspectus, & res dicti Collegii facilius, & prosperius magna animi nostri delectatione

progredi visa fuit. Quapropter non obscuris argumentis Deū Opt. Max. huic nostræ qualiscunque est instituendæ iuuentutis sollicitudini fauere, & captis nostris adesse deprehendentes, ipsi vni operi sedulo nobis insistendum, & vt quantò citius perficiatur indefesso studio elaborandum, illisque de opportunis reddituum, & Prouentuum annuorum subsidiis, quibus eius quotidiana onera facilius perferri possit, prouidendum esse existimauimus fore confidentes, vt qui nobis in eo suscipiendo, promouendoque auctor, factorque existit idem in eo perficiendo conseruandoque propitius adiutor esse debeat. Nos igitur dudum inter alia volumus, statuimus, & ordinauimus quod semper in vnionibus commissio fieret ad partes, vocatis quorum interest omnium, & singulorum Chirographorum, instrumentorum prædictorum, ac earum singulis publicè, vel priuatim aut alijs quomodolibet confectarum, & emanatorum, ac in eis contentorum, & inde secutorum quorumcunque tenore, ac Palatij huiusmodi ueriores situationes, confines, uocabula, denominationes, qualitates, circumstantias, quantitates, & ueros, etiam annuos ualores præsentibus pro expressis habentes, denominationes prædictas, & instrumenta desuper confecta, & omnia in eis contenta perpetuò approbantes, & confirmantes, rataque grata, & accepta habentes, & quatenus opus sit, innouantes, omnesque, & singulos iuris, & facti, & solemnitatum quantumuis substantialium, aliosque defectu s, si qui interuenerint in eisdem etiā si tales sint uel fuerint, qui in generali sermone non comprehendantur, sed nota, & expressione indigeant supplentes, ac singulares personas Congregationis huiusmodi à quibusuis ex cōmunicationibus cēsentes motu proprio non ad alicuius desuper nobis allatæ petitionis instantiam, sed de certa scientia meraquæ deliberatione nostris ac de Apostolicæ potestatis plenitudine in Ædibus dicti Palatii

latii unum Collegium Clementinum nuncupandum cum Cappella, Oratorio, Refectorio, mensa communi, sigillo, Bibliotheca, Archiuo, Coeterisque Collegialibus insigniis, ac membris, & officinis necessariis pro perpetuis receptione, usu, & habitatione quorumcunque Puerorum, & Adolescentium Nobilium, seu de Nobili genere procreatorum tam ex Vrbe & tota reliqua Italia quàm Coeteris quibuscunque Christiani Orbis Regionibus, & Prouincijs Oriundorum, inibi proprijs eorum expensis soluta quolibet mense, aut aliqua alia pro temporum qualitate competenti pensione educandorum sub perpetuis cura, disciplina, gubernio, regimine, & administratione dictorum Clericorum, & aliorum quorumcunque Sæcularium, vel Regularium per Protectorem ipsius Collegij pro tempore existentem pro libero, & absoluto ipsius voluntatis arbitrio ponendorum, & amouendorum, ut Collegiales eiusdem Collegij nostrum solum in bonis moribus, & pietatis Christianæ studiis instituere, sed & Grammaticam, Rhetoricam, Logicam, Physicamque aliasque humaniores, & liberales disciplinas docere teneantur, dicta auctoritate tenore præsentium perpetuò erigimus, & instituimus, illique sic erecto, & instituto pro perpetuis eiusdem Collegij, Rectoris, & Collegialium suorum pro tempore existentium residentia, usu, & habitatione dictum Palatium, cum omnibus, & singulis illius ædificiis, structuris, situ, ambitu, iuribus, pertinentiis, & dependentiis quibuscunque ultra mille scuta ad emptionem suppellectilium à Nobis vt præfertur, donata seu ipsa suppellectilia, & alia mobilia quæcunque ex eis empta, & quoad ipsum Palatium sub omnibus, & singulis decretis, declarationibus subrogationibus, obligationibus, pactis, conditionibus, firmitatibus, cautelis, & clausulis, & aliis in Chirographò, & instrumento huiusmodi consentis, & apposis, et alijs de-

super

super necessariis, & opportunis de nouo pro potiori eaute-
la, auctoritate, et tenore præmissis etiam perpetuò et irreuocabiliter donamus, et concedimus. Præterea eidem Collegio pro congrua, & competenti eius dote, seu dotis subsidio, onerumque illi incumbentium faciliori, & commodiori supportatione Monasterium Sancti Angeli de Lamulis Sancti Benedicti, seu alterius Ordinis nullius dicereſis Prouinciæ Vrbinateſis, quod bonæ memoriæ Hieronymus tituli S. Pancratii presbyter Cardinalis Matheius nuncupatus in Commendam ad sui vitam ex Concessione, & dispositione Apostolica dum viueret obtinebat, & quod conuentu caret, cuiusque, & illi forſan annexus fructus, redditus, & prouentus tercentorum ducatorum aureorum de Camera ſec. com. est va. an. vt accepimus, non excedunt, Commenda ipsa per obitum dicti Hieronymi Cardinalis nuper apud Sedem Apostolicam defuncti cessante adhuc eo quo ante Commendam ipsam vacabat, vel alias quouis modo ex cuiuscunque persona, seu per liberam cessionem cuiusuis de illius Regimine, & administratione in Romana Curia, vel extra eam etiam coram Notario Publico, & testibus sponte facta vacans, etiam si tanto tempore vacauerit, quòd eius prouisio iuxta Lateranensis statuta Concilij, aut alias Canonicas sanctiones ad Sedem prædictam legitimè deuoluta existat, illaque ex quauis causa ad Sedem eandem specialiter, vel generaliter pertineat, ac de illa concistorialiter disponi consueuerit, seu debeat super eo quoque, ac Regimine, & administratione inter aliquos illarum possessores, vel quasi molestia cuius litis statum verum quoque, & vltimum dicti Monasterij vacationis modum etiam si ex illo quæuis, & generalis reseruatio etiã in corpore iuris clam resultet, præsentibus haberi volumus pro expresso, pendeat indecisa dummodo tempore datum præsentium eidem Monasterio de Abbate prouisum, aut illud altero commenda-

tum

tum canonicè non existat, cum annexis huiusmodi, nec non Ecclesiam Sancti Cæsarei de Vrbe in via ad Portam Appiam Sancti Sebastiani nuncupatam tendente sitam, quam nuper in suis structuris, & ædificijs vetustate consumptis, & ruinam minantibus sumptu nostro instauratam, ornatamque, ac quæ dilecto filio nostro Siluestro eiusdem Sancti Cæsarei Diacono Cardinali nostro secundum carnem Pronepoti pro denominatione sui Cardinalatus concessa extitit, cum omnibus, & singulis suis ædificijs, Domibus, Aedibus, Bonis, Proprietatibus, Villis, Terris, Agris, Possessionibus, Fundis, Pratis, Pascuis, Siluis, Cortis, Fructibus, Redditibus, Prouentibus, Iuribus, Obuentibus, Emolumentis, Iurisdictionibus, membris, annexis, pertinentijs, & dependentijs suis vniuersis, quibusuis rebus consistentibus, & vndecumque proueniētibus. Vineam quoque dictæ Ecclesiæ Sancti Cæsarei contiguam, & in via prædicta iuxta alios suos veriores confines sitam, ac per Nos etiam nuper à Dilectis filijs hæredibus Camilli Crescentij Ciuis Romani dum vixit pretiobis mille, & quingentorum scutorum emptam, eadem auctoritate, & tenore vnus annectimus, incorporamus, applicamus assignamus, ita quod liceat Rectori, & Collegialibus dicti Collegij, nunc & pro tempore existentibus Corporalem, realem, & actualem illorum omnium, & singulorum possessionem per se, vel alium, seu alios eorum, ac dicti Collegij nominibus propria auctoritate etiam, absque Iudicis mandato, vel decreto, ac solemnitate spolij, & attentatorum vitio ex nunc apprehendere, & apprehensam perpetuò retinere, fructus quoque, redditus, proventus, Iura, obuentiones, & emolumenta ex eis prouenientia quæcumque percipere, exigere, leuare, recuperare, locareque, & arrendare, ac in communes dicti Collegij vsus, & vtilitatem conuertere, nec non Monasterium Sancti Angeli, & Ecclesiam Sancti Cæsarei prædictam in Spiritualibus & temporalibus regere, & administrare eiusdem Sancti Cæsarei

farei, & ipsius Monasterij Ecclesijs per quoscunque Presbyteros sæculares, vel de Superiorum suorum licentia, cuiusuis Ordinis regulares idoneos inibi iuxta Statuta à Protectore, seu à Rectore dicti Collegij præscribenda ponendos, & amouendos in diuinis prout eis videbitur, & eorum arbitrio, sic tamen vt ad aliquod onus, seu seruitium in dicta Ecclesia Sancti Cæsarei, seu pro illa subeundum, vel præstandum præterque ad dictam Ecclesiam Sancti Cæsarei, illiusque ædificia in debito, & decenti Statu conseruandum, ac facta tecta tenendum minimè teneantur, nec ad id cogi, aut compelli valeant, deseruii facere, & Reliquiarum ibidem pro tempore existentium curam, & administrationem perpetuò habere ipsius Sancti Cæsarei Diaconi, seu Presbyteri Cardinalis, nec non Superiorum dicti Ordinis, & quorumuis aliorum licentia, seu Consensu minimè requisitis, neque deinceps dictus Siluester Cardinalis nec quicumque alius, cui dictam Ecclesiam Sancti Cæsarei pro denominatione, seu titulo sui Cardinalatus pro tempore assignari contigerit, per se, vel alium, seu alios in Regimine, administratione, & gubernio dictæ Ecclesiæ Sancti Cæsarei, ac illius bonorum, fructuum, reddituum, prouentuum, Iurium, actionum, rerum pertinentiarum, Sacrarum Reliquiarum, ornamentorum, & supellectilium quorumcunque quouis prætextu, colore, vel ingenio seseingere, seu intromittere, vel altaria aut quidquam aliud ibidem immutare, aut reliquias ipsas aliò transferre, vel aliquam Iurisdictionem, & superioritatem, seu Iurisdictionis, seu superioritatis actum in ipsam Ecclesiam Sancti Cæsarei, illiusque Presbyteros, & ministros pro tempore existentes exercere, sed tantummodo ipse Diaconus, seu Presbytero Cardinalis Sancti Cæsarei pro tempore existens ad eandem Ecclesiam Sancti Cæsarei in illius festiuitatis, & Stationis, ac aliis quibuscumque diebus accedere, ac Missis, et Vesperis ibi assistere, si ei libuerit, celebrare possit. Præterea omnes,

et

& quascumque alias vniones de dicta Ecclesia Santi Cæsarei, illiusque Iuribus, rebus, bonis, dependentiis, annexis, et pertinentiis prædictis cuicumque alteri Ecclesia uel Capitulo, aut Mensæ Capitulari, ac vel alias quomodocumque, aut qualitercumque forsan factas, ac sub quibuscumque Capitulis, et verborum formis, atque expressionibus conceptas, similiter perpetuò paribus auctoritate, & tenore reuocamus, cassamus, annullamus, & dissoluimus. Insuper ipsum Collegium, illiusque pro tempore existentes Rectorem, Scholares, Cappellanos, Oeconomos, officiales Ministros, & personas, ac tam Collegii, quàm Monasterii, & Ecclesiæ Sancti Cæsarei, aliorumque illis annexorum, et membrorum bona mobilia, et Immobilia, præsentia, et futura, cuiuscumque qualitatis, generis, et speciei existentia ab omni, & quacumque pro tempore existentium eiusdem S. Cæsarei Diaconorum, seu Presbyterorum Cardinalium, ac dictæ Urbis Gubernatoris, Senatoris, Conseruatorum, reformatorum, ac nostri, et Romani Pontificis pro tempore existentis in eadem Vrbe, et illius districtu in Spiritualibus Vicarii, nec non causarum Cameræ Apostolicæ Generalis Auditoris, ac quorūcunquem nostrorum, & dictæ Sedis de Latere Legatorum, vel Vicelegatorum, ac Archiepiscoporum, Episcoporum, etiam tanquam eiusdem Sedis Delegatorum eorumque locatenentium, Vicegerentium, Vicariorum, officialium, Iudicum nec non Superiorum dicti Ordinis, ac quarumcunque aliarum personarum vbilibet constitutorum, et quauis auctoritatem, et dignitate tam Ecclesiastica, quàm mundana, etiā Cardinalatus honore fulgentium visitatione, correctione, Iurisdictione, dominio, superioritate, et potestate, nec non annatarum, Quindenniorum Communium minorum, et aliorum Iurium, et seruitiorum dictæ Cameræ, et quibusuis etiam eiusdem S. R. E. Cardinalibus, et dictæ Curia officialibus, et in annatis, quindenniis Communi-

bus

bus, minutis, ac Iuribus prædictis participantium, eorumque Collegijs ratione prædictarum, & quarumcunque aliarum vnionum, applicationum, & concessionum eidem Collegio, de prædicto, & quibuscumque alijs Monasterijs, Hospitalibus, Ecclesijs, Beneficijs, rebusque, & bonis Ecclesiasticis hætenus, & deinceps quomodolibet debitorum, & tam ipsum Collegium in proprijs suis bonis, & rebus præsentibus, & futuris, quàm illius ratione Rectores, Scholares, Cappellanos, Oeconomos, Officiales, & Ministros prædictos, ac cum eis contrahentes à quorumcunque Pedagogorum, Datorum, Vectigalium, gabellarum, Angariarum, Bullettinorum, talarum, Custodiarum, taxarum equorum, tam viuorum, quàm mortuorum, collectarum, præbendarum, Ponderum, Portarum, Molendinorum farinæ trium pro centenario, ac quatuor Iuliorum pro quolibet vegete vini solui solitorum, ac quorumcunque aliorum similibus, vel dissimilibus generum, & grauaminum tam ordinariarum, quàm extraordinariarum, & realium, Personalium, & mixtorum quibuscumque nominibus, & vocabulis nuncupatorum, etiam hæc de necessitate exprimendorū per nos, & quoscumque alios, quauis auctoritate, & potestate fungentes, & etiam ad instar Cameralium, etiam ratione Ripæ, Ripettæ, Dohanæ terræ, & etiam Grasciæ nuncupat. Urbis prædictæ etiam pro Orthodoxæ fidei defensione, & Status S. R. E. conseruatione, diuini cultus augmento, nec non Basilicæ Principis Apostolorum fabrica, Cruciatæ Sanctæ, & expeditione contra Infideles, & Rebelles, nec non Ecclesiarum, Murorum, Pontium, Viarum, et Sradarum constructione, & restauratione, Aquarum, fontium, & Fluminum deductione, Pauperumque subuentione, nec non Sedis, & Cameræ prædictarum necessitatibus, & quibuscumque alijs cogitatis, inexcogitatis, etiam quantumuis maximis, vrgentissimis, & priuilegiatis cunctis

L

etiam

etiam Sedis, & Cameræ earundem, ac quarumcunque Pro-
 uinciarum conducend. ac etiam ad dicta Urbem conducto-
 rum, & in ea existentium, & pro eodem Collegio in Ma-
 gna, siue parua quantitate tam in Barchis, quàm in Maga-
 zenis, & aliis vbilibet emendorum cuiuscunque generis,
 quantitatis, qualitatis, valoris, & speciei fuerint exactione,
 solemnī præstatione, & contributione, nec non quorum-
 cunque aliorum etiam iuxta Concilii Tridentini decreta
 vbilibet institutorum, & instituendorum Collegiorum, &
 Piorum locorum subuentione: auctoritate, & tenore præsen-
 tis pariter perpetuò eximimus, & liberamus, ac sub B. Pe-
 tri, & dictæ Sedis, atque nostra, & pro tempore existentis
 Romani Pontificis protectione, & inuiolabili conseruatione
 suscipimus, nobisque, & eidem Sedi immediatè subiici-
 mus, & exemptionem, liberationem, susceptionem, &
 subiectionem huiusmodi in quocumque foro, et Tribuna-
 li, ac dicta Camera, & respectu cuiuscunque solutionis
 illi faciendæ semper fauorabiliter censerī debere, et de illis
 in quacunque causa, lite, & controuersia ad interpretationem
 extensiuam habendam esse, quæ pro alia, quantumuis pia,
 et priuilegiata, ac ad pios vsus destinata, et applicata causa,
 fieri posset, declaramus ipsi quoque Collegio, ac illius Re-
 ctori, Scholaribus, Cappellanis, Oeconomis, Officialibus,
 Ministris, et personis, vt omnibus, et singulis priuilegiis,
 exemptionibus, libertatibus, Immunitatibus, prærogatiuis,
 antelationibus, præminentis, concessionibus, Indultis, fa-
 uoribus, cæterisque gratis vniuersis tam Spiritualibus, quàm
 temporalibus, quibus alia Collegia, et pia loca in dicta Vrbe
 instituta, illorumque Rectores, Scholares, Cappellani, Oeco-
 nomi, Officiales, Ministri, et personæ de iure, vsu, consue-
 tudine, priuilegio, vel aliis quomolibet vtuntur fruuntur,
 potiuntur, et gaudent, ac vtī frui, gaudere possunt, et pote-
 runt, quomodolibet in futurum non solum ad eorum instar,

sed

sed æque principaliter, et pariformiter in omnibus, et per om-
 nia vtī, frui, potiri, & gaudere, nec non tam ipsi, quàm
 eorum Coloni, Arrendatarii, Liuellarii, Conductores, et
 Emphiteutæ prædicti vinum, triticum, hordeum, legu-
 mina, blada, frumenta, et cuiusuis generis fruges, et gra-
 na, ex quibuscunque proprietatibus, possessionibus, et bonis
 dicti Collegii, illiusque membrorum, et annexorum quo-
 rumcunque prouenientia de quibuscunque Prouinciis, ter-
 ris, et locis Nobis, et Romanæ Ecclesiæ mediatè, vel im-
 mediatè subiectis, cuiusuis licentia desuper minimè requisita,
 et absque alicuius pecuniæ, vel alterius rei solutione, et præ-
 statione perpetuò faciendā, aut censuræ, vel pœnæ in versu
 extrahere, aut extrahi facere, ad dictum Collegium,
 pro illius vsu conducere, et etiam illa in dicta Vrbe, illiusque
 districtu, nec non vniuerso statu Ecclesiastico vendere, di-
 strahere, et de illis ad eorum libitum disponere libere, et
 licitè valeant, eisdem auctoritate, et tenore similiter perpe-
 tuò indulgemus, districtius quoque in virtute S. Obedientiæ in-
 hibemus Legatis, Archiepiscopis, Episcopis, et aliis Locorum
 Ordinariis, Vicelegatis, Locatenentibus, Vicarijs, Iudici-
 bus, et aliis prædictis eiusdem S. R. E. Camerario, et dictæ
 Cameræ Thesaurario Clericis, Præsidentibus, Commissario,
 nec non Annonæ Præfectis, ac Pædagiorum, Dationum, Ve-
 ctigalium, Gabellarum, Angariarum, Bullettinorum, De-
 cimarum, talearum, taxarum, et aliorum onerum, ac
 subsidiorum prædictorum appaltatoribus, Dohanerijs, Vi-
 cedohanerijs, exactoribus, Datiarijs, et quibusuis alijs per-
 sonis, cuiuscunque status, gradus, ordinis, conditionis,
 & præminentis existentibus, ac quacunque auctoritate,
 & potestate fungentibus in quorumcunque priuilegio-
 rum, Indultorum eis sub quibusuis tenoribus, & formis con-
 cessorum, & Concedendorum, seu etiam Annonæ, seu A-
 bundantiæ, aut cuiusuis necessitatis, vel quouis alio prætex-

7 tu Collegium, illiusque Rectorem, Scholares, Cappellanos, Oeconomos, & Ministros, ac personas huiusmodi, seu eorum aliquem super præmissis, quomodolibet molestare, perturbare, vel inquietare audeant, seu præsumant. Ut autem ipsius Collegii Clementini bono Regimini, gubernio, et conseruationi opportunè consulatur, dictum Petrum Cardinalem, & eo vita functo, alium eiusdem Romanæ Ecclesiæ Cardinalem ex nostra familia, aut parentela, vel in eius defectum quemcunque alium ex eiusdem S.R.E. Cardinalibus, quem Prælatus, si adsit, vel Laicus primogenitus de familia, seu Parentela nostra prædicta, vel ijs omnibus deficientibus, Rector, et Scholares prædicti, seu eorum maior pars duxerit eligendum, eiusdem Collegij Clementini, illiusque Personarum, rerum, bonorum, Iurium, & priuilegiorum, Protectorem, Defensorem, et Conseruatorem, ac Iudicem Ordinarium, cuius consilio, et ope omnia supradicta, et quæcunque alia in eis, et circa ea necessaria, & opportuna statuuntur, & ordinentur, sic tamen, vt cum primùm aliquis de familia, & parentela ad Cardinalatus honorem assumptus fuerit, statim, & eo ipso dicti Collegij Protector sit, & esse censeatur, & alter Cardinalis exterius in Protectorem, vt supra, electus, à munere, & officio Protectoris huiusmodi vacet, constituimus, & deputamus, nec non eidem Petro Cardinali, ac pro tempore existenti Protectori Collegij Clementini huiusmodi illius Rectorem, Cappellanos, Oeconomos, Officiales, Aduocatos, Procuratores, cæterosque Ministros pro libero, & absoluto eius voluntatis arbitrio deputandi, & amouendi, ac loco amouendorum alios suffiendi, nec non quæcunque statuta, ordinationes, Cappellam, & decreta ad eiusdem Collegij Clementini, illiusque personarum, rerum, & bonorum spiritualium, & temporalium curam, regimen, & gubernium, directionem, administrationem, ac Scholarium

præ.

prædictorum receptionem, admissionem, ætatem, qualitatem, vitium, instructionem, disciplinam, ac studij cursum pertinentia, licita tamen, & honesta, ac Sacris Canonibus dicti Concilij decretis non contraria, quæ eo ipso Apostolica auctoritate confirmata, & approbata sint, & esse censeantur, ac ab omnibus, ad quos pro tempore spectabit etiam sub pœnis in contrauenientes statuendis obseruari debeant faciendi, ac edendi, & illa quoties pro eorum, & temporum qualitate, seu aliàs expediens videbitur, immutandi, corrigendi, moderandi, & etiam alia ex integro condendi, & omnes, singulasque lites, causas, & differentias tam Ciuiles, quàm Criminales, & mixtas dictum Collegium Clementinum, illiusque res, & bona, ac personas quomodolibet concernentia, tam actiue, quàm passiuè etiam contra alia Collegia, & pia loca, atque vel magis priuilegiata, eorumque res, bona, personas, vel è conuerso, ac vtrò, citraque ad inuicem, vel aliàs quomodolibet motas, & mouendas, ac etiam per appellationem, & in quacunque instantia, coram quibusuis Iudicibus introductas, indecisas, ac pendentes, etiam illas ab ipsis Iudicibus auocando per se, vel eius Viceprotectorem, aut alium, seu alios, quos ad hoc duxerit deputandos, etiam summarie simpliciter, & de plano, & sine strepitu, ac figura Iudicij, sed sola facti veritate inspecta, & etiam manu regia, cum omnibus, & singulis suis Incidentibus, dependentibus, emergentibus, annexis, & connexis, totoque negotio principali, & priuatiue quoad omnes, & singulos alios Iudices Ordinarios, & Delegatos, eorumque Curias, & Tribunalia Ecclesiastica, vel Secularia, audiendi, cognoscendi, & sine debito terminandi, nec non quoscunque interesse habentes tam in dicta Curia, quàm extra eam, etiam per edictum publicum constituto sibi summarie de non tuto accessu citandi, & quibusuis aliis, eiusdem Curie Iudicibus, ac personis quibus, & quoties opus fuerit sub sententiis, cen-

suris,

suris, & pænis Ecclesiasticis, ac etiam pecuniarijs, de quibus sibi uidebitur, inhæbendi, & in euentum non positionis ad declarationem incurfus sententiarum, censurarum, & pænæ in huiusmodi procedendi, ac sententias de super ferendas debite executioni demandandi; seu demandari faciendi, contradictores quoslibet, & rebelles per similes sententias, censuras, & pœnas, aliaque opportuna Iuris, & facti remedia compefcendi, ac etiam auxilium brachii sæcularis ad hoc inuocando, nec non quæcunque dubia, difficultates, si quæ præmissarum occasione quomodolibet oriri contigerit, declarandi, & interpretandi, omniaque, & singula in eisdem præmissis, ac circa ea quomodolibet necessaria, & opportuna faciendi, dicendi, gerendi, exercendi, ac exequendi, & omnia quæcunque opportuna remota, plenam, liberam, & omnimodam facultatem, & auctoritatem pariter perpetuò tribuimus, & elargimur. Decernentes præsentis literas, ac in eis contenta quæcunque etiam ex eo, quòd Superiores dicti Ordinis, & quicumque alii in præmissis quomodolibet interesse habentes, vel habere prætendentes illis non consenserint, & causæ, propter quas hæc tria facta fuerint coram dicte Urbis Vicario, & locorum Ordinarijs, & tanquam à Sede Apostolica delegatis, yel alibi examinatæ, verificatæ, & iustificatæ non fuerint, neque in eis quæcunque solemnitates, & alia de Iure, vel consuetudine, vel priuilegio, seu iuxta statuta, ordinationes, & constitutiones urbis, & Camere prædictarum, aut aliàs quomodolibet requisita, & in similibus necessaria interuenerint, seu etiam enormis, & enormissimæ læsionis, aut alio quouis prætextu, seu alijs ex quibusuis causis quantumuis legitimis, & Iuridicis de subreptionis, vel obreptionis, aut nullitatis vitio, seu intentionis nostræ, vel quopiam alio defectu notari, impugnari, retractari, in Ius, vel controuersiam vocari, ad terminos Iuris reduci, vel aduersus illas quodcunque Iuris, vel facti remedium impetrari nullatenus

tenus vnquã posse, neque sub quibusuis similibus, vel dissimilibus gratiarum, ac vnionum, applicationu' in etiam effectum suum plenarium, & nondum sortitarum reuocationum suspensionibus, limitationibus, aut alijs contrarijs dispositionibus per nos, vel alios Romanos Pontifices successores nostros etiam in crastinum assumptionis successorum nostrorum ad huiusmodi Apostolatus apicem, sub quibuscunque verborum expressionibus, & formis etiam motu, & potestatis plenitudine similibus pro tempore factis comprehendere, sed tanquam pro fundatione, & seu donatione dicti Collegii Clementini ad bonarum artium cultum instituti concessas semper ab illis excipi, & quoties illæ emanabunt, toties in pristinum, & eum, in quo antea quomodolibet erant, statum restituta, reposita, & plenariè reintegrata, ad de nouo, & sub datum, per Procuratorem, Rectorem, & Scholares pro tempore existentes prædictos quodcunque eligenda de nouo concessa fore, & esse, suumque plenarium effectum sortiri, & obtinere, nec quemquã ad easdem præsentis literas in Camera prædicta iuxta Constitutionem piæ memoriæ Pij Papæ Quarti prædecessoris nostri de super edita, aut aliàs quomodolibet præsentandarum insinuandum, & registrari faciendum teneri, neque illas propterea irritas esse, sed omnino valere, & suffragari, perinde ac si Constitutio prædicta alij contraria minima emanasset, sed iuxta eandem Constitutionem in dicta Camera præsentatæ, insinuatæ, ac registratæ fuissent, sicque per quoscunque Iudices Ordinarios, & Delegatos etiam causarum Palatii Apostolici Auditores, ac eiusdem S.R.E. Cardinales etiam de latere Legatos, sublata eis, & eorum cuiuslibet quauis aliter iudicandi, & interpretandi facultate, & auctoritate, iudicari, & definiri, irritum quoque, & inane si secus super his à quoquam quauis auctoritate scienter, vel ignoranter contigerit attentari. Quocirca Vener. fratribus nostris Ostiensi, & Portuensi Episcopis, ac dilecto filio causarum

Camera Apostolicæ generali Auditori per Apostolica scripta motu simili mandamus, quatenus ipsi, vel duo, aut vnus eorum per se, vel alium, seu alios præsentem literas ubi, & quando opus fuerit, ac quoties pro parte Protectoris, Rectoris, & Collegialium prædictorum, aut aliorum in præmissis interesse habentes fuerint requisiti, solemniter publicantes, eisque in præmissis efficacis defensionis præsidio assistentes faciant auctoritate nostra, eisdem præsentem literas, & in eis contenta quæcumque firmiter obseruari, ac illos præmissis omnibus, & singulis pacificè frui, & gaudere, non permittentes eos desuper per quoscunque quomodolibet indebitè molestari. Contradictores quoslibet rebelles per sententias, censuras, & pœnas Ecclesiasticas, aliaque opportuna Iuris, & facti remedia appellatione postposita compescendo, legitimisque super his habendis seruatis processibus, sententias, censuras, & pœnas ipsas etiam iteratis vicibus aggrauando, inuocato etiam ad hoc, si opus fuerit, auxilio brachii sæcularis. Non obstantibus priorivoluntate, ac ordinatione huiusmodi, ac nostra de non tollendo Iure quæsito, ac Lateranen, & aliorum Generalium Conciliorum nouissimè celebratorum, vniones perpetuas, nisi in Casibus à Iure permissis fieri, & beneficia vnus diocesis cum aliis beneficiis Ecclesiasticis, Collegiis, vel locis alterius diocesis vniri prohibentium, ac prædicti Pii Prædecessoris de gratis interesse Camera prædictæ concernentibus intra certum tunc expressum tempus in dicta Camera registrandis, ac fæl. rec. Bonifacii Papæ VIII. etiam Prædecessoris nostri, qua cauetur, ne quis extra suam Ciuitatem, uel diocesim nisi in certis exceptis casibus, & in illis ultra unam dietam à fine suæ diocesis ad iudicium euocetur, seu ne Iudices à Sede prædicta deputati extra Ciuitatem, uel Diocesibus, in quibus deputati fuerunt contra quoscunque procedere, aut alii, uel aliis uices suas committere quoquo modo audeant, seu præsumant, et de duabus dietis in Conci-

lio

lio generali edita, dum modo ultra tres Dietas aliquis auctoritate præsentium ad iudicium non trahatur, aliisque quibusuis, Apostolicis, ac in Prouincialibus, et Synodalibus, Vniuersalibus, Conciliis editis specialibus, et generalibus constitutionibus, et Ordinationibus, nec non Camera Urbis Ciuitatum, Prouinciarum, Locorum, Monasteriorum, et Ordinis prædictorum etiam Iuramento confirmatæ, Apostolica, uel quauis firmitate alia roboratis, statutis, et consuetudinibus etiam immemorabilibus, legibus etiam municipalibus, priuilegiis quoque, indultis, et literis Apostolicis illis, nec non Sancti Cæsarei Diacono seu Præsbytero Cardinali pro tempore, ac Legatis, Archiepiscopis, Episcopis, Ordinariis, Vicelegatis, loca tenentibus, Vicariis, officialibus, Iudicibus, Camerario, Gubernatori, Auditori, Senatori, Conseruatoribus, Præsidentibus Ecclesiasticis, Thesaurariis, Commissariis, Appaltatoribus, Dohanariis, Datariis, Præfectis, Exactoribus, et aliis prædictis, nec non ipsius Monasteriis, et Ordinis Superioribus, Conuentibus, et d. is filiis Populo Romano, cœterisque personis sub quibuscumque tenoribus, et formis, ac cum quibusuis etiam derogatoriis derogatoriis, aliisque efficacioribus, et insolitis clausulis irritantibus, et aliis decretis in genere, vel in specie per quoscunque Romanos Pontifices prædecessores nostros, ac per Nos, et Sedem huiusmodi etiam motu, ac potestatis plenitudine similibus, et consistorialiter etiam ad Imperatoris, Regum, Regina- rum, Principum instantiam, vel aliorum contemplatione aut intuitu, seu aliis quomodolibet etiam iteratis vicibus, etiam contra exemptos concessis approbatis, et innouatis, etiam si in eis caueatur expressè, quòd illis etiam vigore, et implicite derogationis efficaciores, et insolitas, ac etiam irritantia, et alia decreta sub quacunque verborum expressio- ne in se continentes nullatenus derogari, neque derogatum censi possit, nisi illorum tenor de verbo ad verbo

M nihil

nihil penitus omisso, insertus, ac huiusmodi derogationes consistorialiter, ac de eiusdem S.R.E. Cardinalium consilio, ac cum expressione, causarum in huiusmodi privilegiis, & Indultis, ac desuper confectis literis expressarum factæ, et per trinas literas eundem tenorem in se continentes tribus distinctis vicibus iis, quorum interest, legitimè intimatæ, ac insinuatæ fuerint, ac tunc demum ipsorum interesse habentium ad id expressus accesserit assensus, & aliter factæ derogationes nemini suffragentur. Quibus omnibus, & si pro illorum sufficienti derogatione de illis eorumque totis tenoribus specialis mentio habenda esset, tenores huiusmodi, ac si de verbo ad verbum infereretur præsentibus pro sufficienter expressis habentes illis alias in suo robore permansuris, hac vice specialiter, & expressè derogamus, ac sufficienter derogatum esse decernimus, contrariis quibuscunque. Aut si Camerario Thesaurario, Clericis, Præsidentibus, Dohaneriis, et aliis prædictis, vel quibusvis communiter, & diuisim ab eadem sit Sede indultum, quòd interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto huiusmodi mentionem. Volumus autem quòd propter vnionem, annexionem, et incorporationem huiusmodi dictum Monasterium in spiritualibus non lædatur, et in temporalibus detrimenta non sustineat, sed illius congruè supportentur onera consueta. Nulli ergo omnino hominū liceat hanc paginā nostræ absolutionis, nectionis, Institutionis, donationis, Concessionis, vnionis, annexionis, incorporationis, applicationis, assignationis, reuocationis, cassationis, annullationis, dissolutionis, exemptionis, liberationis, susceptionis, subiectionis, declarationis, Indulti, inhibitionis, cōstitutionis, deputationis, tributionis, elargitionis, mādati, derogationis, decretorū, et volūtatis infringere, vel ei ausu temerario contraire. Si quis &c. Dat. Romæ apud S. Marcum Anno Incarn. Dñicę MDC IV. 9 Iulii Pont. nostri año 3. dec.

PAVLI QVINTI.

B V L L A.

S V M M A R I V M.

- 1 *Confirmantur omnia, quæ hætenus Superiores Pontifices Congregationi concesserunt.*
- 2 *Conceditur, vt quocunque anni tempore de consensu Capituli collegialis recipiantur Nouitij in domibus, vel Collegijs à Capitulo Generali destinatis, vtque in Congregationis Ecclesiis omnium Christi fidelium cadavera sine præiudicio Parochorum sepultura mandentur, & sua cura commissis Sacramentum extrema vnctionis ministrare.*
- 3 *Vt Conseruatorem deligere sibi possit Congregatio veniatur, & eiusdem munus præscribitur.*
- 4 *Ab omnibus derogationibus, limitationibus Bulla vindicatur.*



PAVLVS EPISCOPVS Seruus seruorum Dei. Ad perpetuam rei memoriam. Cùm ad utilitates, & commoda, quæ Reip. Christianæ ex Religiosorum Congregationibus ad animarum salutem, & proximi subuentionem rectè, ac ritè institutis Dei benignitate prouenire noscuntur, aciem nostræ mentis extendimus, non immeritò inducimur ea, quæ à diuersis Romanis Pontificibus prædecessoribus nostris eisdem Congregationibus concessa, ordinata, & approbata fuisse comperimus, vt Religiosi ipsi eò feruentius, ac promptius ad illo-

rum obseruationem excitentur, quò fuerint sæpius Apostolico munimine roborata, confirmanda, & approbanda, ac de nouo concedenda fore censemus, ac, vt Congregationes ipsæ, earumque Religiosi, res, & bona à quibuscunque molestijs, & iniurijs præseruentur, opportunum libenter adhibemus remedium, ac aliàs desuper disponimus, prout ipsorum Religiosorum vota exposcunt, & nos conspiciamus in Domino expedire. Sanè pro parte dilectorum filiorum modernorum Præpositi Generalis, & Presbyterorum Congregationis Clericorum Regularium de Somascha, aliàs Sancti Maioli nuncupatæ Papiens. nobis nuper exhibita petitio continebat, quòd ab anno Domini millesimo quingentesimo vigesimo octauo ad omnipotentis Dei gloriam, populorum ædificationem, animarum salutem, & pauperum subuentionem dicta Congregatio à Q. Hieronymo Miani, dum vixit, nobili Veneto fundata, & instituta, & postea à fel. record. Paulo III. cum facultate eligendi Superiorem, & condendi constitutiones, ac loca pro educatione Orphanorum, & aliorum piorum operum exercitio vbicunque accipiendi; Nec non à piæ mē. Pio IV. qui etiam nonnullas Indulgentias, & gratias speciales eis concessit, approbata: Et demum à recol. mem. Pio Quinto Romanis Pontificibus prædecessoribus nostris in Religionem Clericorum Regularium huiusmodi cum facultate emittendi tria vota redacta, atque erecta, & exinde eadem Religio, cui vnus Præpositus Generalis eius Gubernator, & Rector præest, & cuius Ministri pro tempore probati, ac magis idonei reperti, simulque vita, moribus, & charitatis feruore commendati ipsorum Orphanorum, nec non etiam aliquorum Seminariorum, quorum ipsa Congregatio curam suscepit, ac Scholarum, & Academicarum in ea tam ad Orphanorum, quàm aliorum puerorum institutionem erecta, aliisque pijs operibus, & exercitijs occupata diuersimodè, & in quam plurimis Italiae ciuitatibus,

bus, ac locis ad maiorem Dei omnipotentis gloriam, ac fidei catholicæ propagationem, proximique subuentionem aucta fuit, & in dies augetur, & ex qua vberes fructus in Vineam Domini prouenire noscuntur, ac intuitu, & in fauorem tam piorum operum similis mē. Gregorius Papa XIII. similiter prædecess. noster eidem Congregationi inter cætera illius Præpositum Generalem, aliosque Superiores, & personas professas, & non professas; Nec non dictæ Congregationis familiares, & ministros cum omnibus Ecclesijs, Oratorijs, cœmeterijs, capellis, Domibus, & Conuentibus, mobilibus, & immobilibus, alijsque bonis, & iuribus, iurisdictionibus, ac rebus tunc præsentibus, & futuris, tam sacris, & religiosis, quàm profanis ad dictam Congregationem spectantibus, vel quæ in futurum spectarent, ab omni iurisdictione, dominio, potestate, superioritate, subiectione, visitatione, correctione quorumcunque locorum Ordinariorum quacunque dignitate, præeminentia, & auctoritate fungentium, & aliorum Iudicum Ecclesiasticorum, & Sæcularium in perpetuum exemit, & liberauit, ac sub sua, & Sedis Apostolicæ, ac Beati Petri protectione immediatè recepit; Nec non Præposito Generali, & alijs prædictis, quòd ijdem Ordinarij, vel Vicarii, & Officiales eorum, aut alij quicunque Iudices, etiam ratione criminis, delicti, contractus, vel rei, de qua agitur, vbicunque committatur delictum, in eatur contractus, & res ipsa consistat, nullam in Præpositum, res, & bona Congregationis huiusmodi iurisdictionem exercere possint, ipsi verò Presbyteri dictæ Congregationis Regulares Missas celebrare, & confessiones alienæ parochialis Ecclesiæ subditorum audire, ac Sacramentum Eucharistiæ omnibus anni temporibus, Paschatis duntaxat exceptis, ministrare valerent: Ac quòd Ecclesiæ dictæ Congregationis non essent subditæ alteri Ecclesiæ tanquam Matrivi, vel cathedrali, seu titulari, ipsique presbyter-

byteri, & clerici regulares maioribus huiusmodi Ecclesijs, vel locorum Ordinarijs, etiam S. R. E. Cardinalibus assistere, vel seruitium aliquod præstare, seu ad funera defunctorum nisi eorum, quorū cadauera in Ecclesijs ipsius Congregationis sepelirentur, accedere minimè tenerentur, concessit, & indulgit: Voluitque quòd illi, qui in dicta Congregatione professionem pro tempore emisissent, ad aliquem alium Ordinem, & Congregationem, etiam si arctior inibi vigeret regularis obseruantia, exceptis solū Ordinibus Fratrum Capuccinorum, & Carthusianorum, nisi obtenta prius à Superiore dictæ Congregationis licentia, transire nullatenus possent sub pœna apostasiæ, & excommunicationis latæ sententiæ, quam, tam in ipsos transeuntes, quàm eorum receptores, etiam cuiuscunque Priuilegij Apostolici prætextu, cui ad hunc effectum specialiter derogauit, à qua non nisi à Romano Pontifice, præterquam in articulo mortis absolui valerent, promulgauit: Et postmodum eiusdem mem. Clemens Papa VIII. pariter prædecessor noster omnia, & singula prædicta, & quæcunque alia priuilegia, exemptiones, immunitates, concessionem, facultates, prærogatiuas, indulta, fauores, & gratias prædictæ Congregationi, singulisque illius Domibus, Conuentibus, Collegijs, Ecclesijs, Capellis, Oratorijs, Hospitalibus, & locis, nec non Præposito Generali, aliisque Superioribus, & personis tam professis, quàm non professis, ac familiaribus, domesticis, eiusque alijs quomodolibet inseruientibus, tam per dictos Prædecessores suos, ac se, & dictam Sedem, eiusque auctoritate quomodolibet concessa, ac desuper confectas literas, omniaque in eis contenta, nec non omnia, & singula Statuta, Ordinationes, Regulas, & Constitutiones in vniuersa Congregatione prædicta, illiusque edita, licita tamen, & honesta, sacrisque canonibus, ac Conc. Trid. minimè contraria perpetuò approbavit, & confirmavit, ac eidem Congre-

gre-

gregationi, eiusque Præposito Generali, quòd ipse Præpositus cum voto eius Consiliariorum à Capitulo Generali ipsius Congregationis deputatorum, cum quibusuis eiusdem Congregationis professis defectum natalium patientibus, etiam ad omnes, etiam sacros, & Presbyteratus Ordines suscipiendos, ac in eisdem etiam in Altaris ministerio ministrandum, nec non ad quamcunque ipsius Congregationis administrationem, officium, & dignitatem recipiendum, retinendum, & exercendum dispensare: Idemque Præpositus Generalis, ac Visitatores eiusdem Congregationis, toties, quoties opus esse iudicarent, Orphanotrophia, & loca tam Puerorum, quàm Puellarum sub cura, regimine, administratione, & disciplina dictæ Congregationis existentia, absque eo quòd desuper à Gubernatoribus, siue Oeconomis, & Administratoribus rerum temporalium ipsorum impedirentur sub pœna excommunicationis maioris latæ sententiæ statim per impediens ipso facto incurrenda, si post monitionem ab Episcopo faciendam ab huiusmodi impedimentis non desisterent, à qua non nisi à Sede prædicta, præterquam in mortis articulo, absolui possint, sine præiudicio iurium Episcopi, visitare, & quæ reformanda forent circa disciplinam eorundem Puerorum, & Puellarum, ac regimen spirituale, reformare libere, & licitè valerent, etiam concessit; ac eandem Congregationem, singulaque illius Collegia, & loca, eorum Superiores, & alios ab omni onere audiendi confessiones ordinarias quarumcunque Monialium, præterquam Orphanarum iuxta antiquum ipsius Congregationis institutum, nec non ab omnibus alijs oneribus, & curis, quæ seruituti, ac commoditati Orphanorum, Seminariorum, & disciplinæ regularis huiusmodi impedimento, & damno esse quoquomodo possent, omnino, & in perpetuum absoluit, & penitus liberauit, ita vt ex tunc

nul-

nullus, etiam si esset Præpositus Generalis, aliqua huiusmodi onera, vel curas nisi de consensu duarum ex tribus partibus Capituli Generalis huiusmodi suscipere auderet, neque posset; Nec non omnes Professiones emissas tunc vsque à quibusuis Clericis, & Laicis dictæ Congregationis, etiam si non in manibus Præpositi Generalis, aut eius Vicarij, sed aliorum presbyterorum inibi professorum factæ essent, neque constaret illos eo tempore auctoritatem tales professiones recipiendi habuisse, validas, firmasque, & ratas esse, & fore, perinde ac si à Præposito Generali, vel eius Vicario prædicto receptæ essent, dummodo aliàs canonicè factæ fuissent, & tales professi professioni huiusmodi tunc acquiescerent; licet neque imposterum Præposito Generali prædicto huiusmodi facultatem admittendi ad professionem cuiuslibet Præposito, & Rectori inferiori eiusdem Congregationis demandare, seruata in reliquis forma constitutionis piæ mem. Sixti Papæ Quinti, etiam prædecessoris nostri desuper editæ, decreuit. Cumque nonnulli dictæ Congregationis post huiusmodi decretum, licet antea nunquam reclamassent, occasionem reclamandi sumplissent, eò quòd non in manibus Præpositi Generalis, vel Vicarij huiusmodi professi erant, intelligentes verba dicti Pii Quinti prædecess. de Vicario Generali, & non de quolibet delegato à Præposito, vel Vicario generali huiusmodi, declarauit dispositionem constitutionis dicti Pii Quinti prædecess. dum voluit professiones emittendas esse, & fore in manibus Præpositi Generalis, vel eius Vicarij, intelligendam esse, nedum de Præposito, & Vicario Generali, sed etiam de quolibet ab eisdem delegato, Et per consequens omnes, & singulas professiones in manibus quorumcunque Presbyterorum dictæ Congregationis ipsius Præpositi, vel Vicarij Generalis delegatorum, ac eorum nomine à prædictis presbyteris receptas, licet per se ipsos tantum, et proprio nomine illas recipiendi

piendi auctoritatem non habuissent, validas, & efficaces fuisse, & esse. Et deinde ex interpretatione literarum eiusdem Pii Quinti prædecessoris, quibus eidem Congregationi, vt qui in ea manere, aut ex tunc ingredi vellent, tria vota, ac professionem regularem huiusmodi emittere valerent, quòdque si qui antea per decennium in eadem Congregatione laudabiliter vixerant, in eadem professionem huiusmodi absque probationis anno incontinenti emittere valerent, facultatemque ad triennium duraturam concessisset, ipsoque triennio elapso professionem huiusmodi emissuros probationis annum antea complere voluisset. Orto alio dubio, num aliquorum, qui in dicta Congregatione, non vt Ministri, sed vt Scholares, vel partim Ministri, & partim Scholares à pueritia in eadem per decennium continuum laudabiliter permanferant, & aliorum qui non per decennium continuum, sed interpolatum, ac quandoque intermissum in eadem Congregatione vixerant, professiones sic incontinenti absque anno probationis emissæ, & factæ, veræ, ualidæ, & legitimæ essent, præsertim quia nonnulli ipsorum Præpositi, & Vicarii Generales extiterant, ac aliorum professiones receperant, ac multa alia in ipsa Congregatione egerant, ad omne huiusmodi dubium tollendum concessit, ut sic in ea professi denuo in manibus Præpositi Generalis, aut alicuius personæ dignitate Ecclesiastica constitutæ profiteri ualerent, & ut sic professi essent, eorum locis, & officiis, ac in dignitatibus fruerentur, ac si ab initio legitimè professi essent, ac omnia eorum acta valida, & firma essent. Et quia nonnulli, qui de eorum professionis validitate dubitabant, coram toto Capitulo Generali in Ciuitate Cremonæ celebrato in manibus eiusdem Præpositi Generalis, ut unus hic Romæ in manibus tunc existentis Vicegerentis Vicarij Urbis ad maiorem eorum conscientiarum securitatem huiusmodi professionem denuo emiserant,

rant, & alij fortassis similimodo professionem denuo emissuri erant, omnes, & singulas professiones de nono, vt præfertur, emissas, & deinceps infra sex Mensium spatium, emittendas à personis quibuscunque in dicta Congregatione iamdudum professis, de quorum professionis validitate præmissorum causa dubitari poterat, confirmavit, & approbavit, ac eisdem sic professis, & deinceps professuris, vt præfertur, & quæuis officia, dignitates, & munera eiusdem Congregationis, si quæ obtinebant, retinere, ac eis deferenda recipere, & exercere, ac omnibus, & singulis gratijs, honoribus, priuilegijs, prærogatiuis, & alijs spiritualibus, & temporalibus indulgentijs eidem Congregationi, eiusque Religiosis concessis, & in futurum concedendis vti, frui, & gaudere valerent, perinde ac si professiones primò emissæ veræ, validæ, ac legitimæ fuissent, & successiuè elapsis dictis sex Mensibus alios sex Menses, vt illi de quorum professionis validitate quoquomodo dubitabatur, infra vltimos dictos sex Menses professionem eandem, vt supra, de nouo emittere vellent, respectiuè concessit. Et postremò cum nonnulli de eadem Congregatione, eò quòd solùm essent professi per aliquot annos, & in presbyteratus ordine constituti, prætenderent se in Capitulo Generali habere vocem actiuam, & passiuam, & admittendos esse in electionibus Præpositi Generalis, & aliorum quorumcunque Superiorum contra formam eiusdem Constitutionis dictæ Congregationis, qua disponitur, vt non passim, & sine matura consideratione, cuiuscunque conditionis Fratres inter Vocales Capituli Generalis admittantur, à quo omnis utilitas totius Religionis dependet, totumque illius sustinet onus, sed ij solùm, qui vita, & moribus cæteros antecellant, quique prudentia, consilio, & scientia in rebus arduis consulere, qui item aliquot per annos fuerint in Religione probati, elapsisque

sumque fuerit ad minus triennium post emissam professionem, quique ætatis suæ saltem trigessimum annum attigerit, & ne Vocalis vnquam sit, vel qui apostatauerit, vel in aliquo delicto deprehensus fuerit, vel de quo probabiliter dubitabatur, ea quæ in Comitibus tractantur, secretò minimè retenturus ex euidentibus indicijs, & alias prout in dicta Constitutione dicitur contineri. Et quia dictæ qualitates in eo, qui adscribendus est in numero Vocalium, à nullis alijs possunt ita rectè inquiri, & perpendi, quàm ab eisdem Religiosis Vocalibus, qui eum admissuri sunt, propterea eadem Congregatio consueuerat non admittere aliquem in numero dicti Capituli Generalis nisi in eodemmet Capitulo propositus, & per vota secreta ipsorummet Religiosorum Vocalium suffragante sibi maiori parte Votorum electus fuisset, & inde Clerici eiusdem Congregationis tum ad vitæ, & morum integritatem, tum etiam ad bonarum artium, & regularis disciplinæ studium, & obseruantiam excitabantur, nullum amplius ad scribendum fore, & esse in numero Vocalium Capituli Generalis dictæ Congregationis, nec in eo vocem actiuam habere, nisi seruata in omnibus forma dictæ, & aliarum eiusdem Congregationis Constitutionum, & nisi etiam iuxta supradictam consuetudinem fuerit in eodem Capitulo propositus, & per vota secreta à Religiosis Vocalibus Capituli Generalis eiusdem Congregationis electus, & admissus, decreuit, & declarauit, omnibusque alijs se vocem actiuam in Capitulo prædicto habere prætendentibus, & ab eisdem Religiosis Vocalibus Capituli Generalis huiusmodi electis, & admissis perpetuum silentium imposuit, & imponi mandauit, & aliàs prout in Pauli Tertii, Pii Quarti, & Pii Quinti, ac pro eo quòd literæ super exemptione, & alijs prædictis antequam conficerentur, dictus Gregorius præ-



prædecessor, sicut Domino placuit, rebus fuerat humanis exemptus, in Sixti, ac singulis Clementis prædecessor. prædictorum literis desuper confectis plenius continetur. Cum autem sicut eadem petitio subiungebat, dicti moderni Præpositus, & Præbyteri dictæ Congregationis pro præmissorum firmiori subsistentia cupiant præmissa omnia per nos, & dictam Sedem confirmari, & approbari, pro eorundem modernorum Præpositi, & Præbyterorum parte nobis fuit humiliter supplicatum, quatenus ipsorum pio desiderio huiusmodi annuere, aliàsque in præmissis opportunè providere de benignitate Apostolica dignaremur. Nos qui Religiosorum vota ad exauditionis gratiam libenter admittimus, Modernos dictæ Congregationis Præpositum, & presbiteros, ac eorum quemlibet à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine quavis occasione, vel causa latis, si quibus quomodolibet innodati existunt, ad effectum præsentium duntaxat consequendum, harum serie absolventes, & absolutos fore censentes, ac singularum literarum prædictarum tenores etiam veriores præsentibus pro expressis habentes huiusmodi supplicationibus inclinati omnia, & singula prædicta, nec non quæcunque alia priuilegia, exemptiones, immunitates, concessiones, facultates, prerogatiuas, indulta, et gratias prædictæ Congregationi, singulisque illius Domibus, Conuentibus, Collegiis, Ecclesiis, Capellis, Oratoriis, Hospitalibus, et Locis, nec non Præposito Generali, aliisque Superioribus, et personis tam professis, quàm non professis, ac familiaribus, et domesticis huiusmodi, eisque aliàs quomodolibet inseruentibus, tam per dictos, quàm alios quoscunque Romanos Pontifices, etiam prædecess. nostros, ac Nos, & Sedem eandem quomodolibet concessa, ac singulas desuper confectas lite-

ras,

ras, & omnia in eis contenta, Nec non omnia, & singula Statuta, Ordinationes, Regulas, & constitutiones in vniuersa Congregatione prædicta hucusque edita, licita tamen, & honesta, sacrisque Canonibus, & Concilij Tridentini decretis minimè contraria, nec reuocata, nec sub vllis reuocationibus comprehensa, citra tamen facultatem dispensandi super irregularitatibus, ex delictis tam publicis, quàm occultis prouenientibus, & dummodo Confessarius Regularis, qui pro tempore confessiones poenitentium alienæ Parochiæ huiusmodi audiat, ab Ordinario loci ad eas audiendas prius fuerit approbatus, nullumque propter Cadauerum eorum, quæ in Ecclesijs, vel Cœmeteriis, aut aliis locis dictæ Congregationis sepulturam elegerint, iuribus quorumcunque parochorum præiudicium inferatur, Apostolica auctoritate, tenore præsentium perpetuò approbamus, & confirmamus, illisque omnibus singulis perpetuæ, & inuiolabilis Apostolicæ firmitatis robur adiicimus: Nec non omnes, & singulos tam iuris, quàm facti, ac solemnitatum forsitan omissarum, & quoscunque alios etiam quantumuis substantiales defectus, si qui desuper quomodolibet interuenerint, supplemus. Ac insuper, vt Nouitii habitum dictæ Congregationis pro tempore suscipere volentes in omnibus, & singulis dictæ Congregationis Domibus, Collegiis, & locis ad hoc per illius Capitulum generale pro tempore celebrandum destinandis, de consensu tamen Capituli Collegialis, quocunque anni tempore recipi, & admitti. Præterea, vt in quibuscunque eiusdem Congregationis Ecclesijs, Capellis, Oratoriis, Hospitalibus, Cœmeteriis, & locis omnes, & quicunque Christi fideles tam Ecclesiastici, quàm Seculares, qui in eorum testamentis, vel ore tenus, seu aliàs quomodolibet sepulturas in eis sibi elegerint, sine tamen præiudicio iurum quorumcunque Parocho-

chorum, sepeliri, & recondi. Ac vt singuli Presbyteri professi dictæ Congregationis omnibus, & quibuscunque personis degentibus, & commorantibus in Orphanotrophiis, Seminarijs, Academijs, & Conuictorum Collegijs, sub cura, regimine, & administratione dictæ Congregationis existentibus, Extremæ Vnctionis, nec non etiam tempore Paschatis Resurrectionis Dominicæ Festiuitatis, Sanctissimæ Eucharistiæ Sacramenta, absque aliquo censurarum, vel pœnarum incurſu ministrare. Postremò eidem Congregationi, illiusque Præposito Generali, vt vnum Conseruatore, qui iuxta Decreta Concilii Tridentini per se, vel alium, seu alios, etiam si sit extra loca, in quibus deputatus fuerit Conseruator, etiam Iudex dictæ Congregationi, illiusque Præposito, & Presbyteris prædictis efficacis defensionis præsidio assistens, non permittat eosdem, Præpositum, & Presbyteros super quibuslibet bonis, & iuribus ad dictam Congregationem legitimè spectantibus à quibusuis indebitè molestari, vel grauamina, damna, siue iniurias irrogari, facturus Præposito, & Presbyteris prædictis cum ab eis, vel Procuratoribus suis, aut eorum aliquo fuerit requisitus, de personis quibuslibet super restitutione Castorum, Villarum, Terrarum, ac aliorum locorum, iurisdictionum, rurium, & bonorum mobilium, & immobilium, reddituum quoque, & prouentuum, ac aliorum quorumcunque bonorum ad dictam Congregationem legitimè spectantium, nec non de quibuslibet iniurijs, molestijs, atque damnis præsentibus, & futuris, in illis videlicet, quæ iudicalem requirunt indaginem, summarè, simpliciter, & de plano sine strepitu, & figura iudicij, in alijs verò prout qualitas negotiorum exegerit, iustitiæ complementum, occupatores, seu detentores, præsumptores, molestatores, & iniuriatores huiusmodi, nec non contradictores quoslibet, & rebelles cuiuscunque

di-

dignitatis, status, gradus, ordinis, & conditionis extiterint, quandocunque, & quotiescunque expedierit, autoritate nostra per censuras Ecclesiasticas, appellatione postposita, compescendo, inuocato etiam ad hoc, si opus fuerit, auxilio brachii secularis, eligere liberè, & licitè possint, & valeant, eisdem autoritate, & tenore, etiam perpetuò concedimus, & indulgemus, ac licentiam, & facultatem desuper impartimur. Decernentes præsentis literas sub quibusuis similibus, vel dissimilibus gratiarum reuocationibus, limitationibus, suspensionibus, derogationibus, aut alijs contrariis dispositionibus pro tempore emanatis, & emanandis minimè comprehendi, sed semper, & omni tempore, ac omnino ab illis excipi, & quoties illæ emanabunt, toties in pristinum, & validissimum statum suum restitutas, repositas, & plenariè redintegratas, ac de nouo etiam sub quacunque posteriori data per Generalem, & alios Præpositos prædictos pro tempore eligendos concessas, illasque perpetuò validas, & efficaces esse, & censeri, plenamque roboris firmitatem obtinere, neque Congregationem, ac Præpositum Generalem, & alios Superiores, ac personas illius super eisdem præmissis, illorumque possessione, vsu, & commodo pacificis per locorum Ordinarios, aut quoscunque alios quomodolibet molestari, perturbari, seu inquietari, vel impediri posse, sicque, & non aliter per quoscunque Iudices, & Commissarios quauis autoritate fungentes, etiam causarum Palatii Apostolici Auditores, ac Sanctæ Romanæ Ecclesiæ Cardinales, etiam de Latere Legatos, Vicelegatos, & alios quoscunque, iudicari, ac definiri debere; Irritum quoque, & inane, si secus super his à quoquam, quauis autoritate scienter, vel ignoranter contigerit attentari. Non obstante similis memor. Bonifacij Papæ VIII. etiam prædecessoris nostri, qua cauetur ne quis extra Ciuitatem, & Diocesim suam,

nisi

fini in certis expressis casibus, & illis non nisi ultra vnam dietam à fine suæ Diœcesis ad iudicium euocetur; seu ne Iudices, & Conseruatores à Sede prædicta deputati extra Ciuitatem, & Diœcesim, in quibus deputati fuerint, contra quoscunque procedere, vel alij, seu alijs vices suas committere, aut aliquos ultra vnam Dietam à fine Ciuitatis, & Diœcesis earundem trahere præsumant, dummodo ultra tres Dietas aliquis autoritate præsentium ad iudicium non trahatur, sed quòd de alijs quàm manifestis iniurijs, molestijs, violentijs, & alijs, quæ iudicalem requirunt indaginem, pœnis in eos, si secus egerint, & in illis procurantes dicti Conseruatores nullatenus se intromittant, ac tam de Iudicibus delegatis, & Conseruatoribus, quàm personis ultra certum numerum ad iudicium non euocandis, à quibusuis alijs Apostolicis, nec non in Vniuersalibus, Prouincialibus, & Synodalibus Concilijs editis specialibus, vel generalibus Constitutionibus, & Ordinationibus, etiam iuramento, confirmatione Apostolica, vel quauis firmitate alia roboratis, Statutis, Consuetudinibus, Legibus, & Reformationibus, priuilegijs quoque, indultis, & literis Apostolicis quibusuis Superioribus, & personis, sub quibuscunque tenoribus, & formis, ac cum quibusuis, etiam derogatorijs derogatorijs, aliisque efficacioribus efficacissimis, & insolitis clausulis, irritantibusque, & alijs decretis in genere, vel in specie, etiam motu proprio, & alijs in contrarium quomodolibet, etiam pluries, & iteratis vicibus concessis, approbatis, & innouatis, quibus omnibus, etiamsi de illis, eorumque totis tenoribus specialis, specifica, expressa, & indiuidua mentio habenda, aut aliqua alia exquisita forma ad hoc seruanda foret, illis alijs in suo robore permansuris, hac vice duntaxat harum serie specialiter, & expressè, ac sufficienter derogamus, contrarijs quibuscunque, aut si aliquibus communiter, aut diuisim

à præ-

à prædicta sit Sede indultum, quòd interdici, suspendi, vel excommunicari, aut extra, vel ultra certa loca ad iudicium euocari non possint per literas Apostolicas non facientes plenam, & expressam, ac de verbo ad verbum de indulto huiusmodi, ac eorum personis, locis, Ordinibus, & Nominibus proprijs mentionem, & qualibet alia dictæ Sedis indulgentia generali, vel speciali cuiuscunque tenoris existat, per quam præsentibus non expressa, vel totaliter non inserta dicti Conseruatoris iurisdictionis explicatio hac in parte valeat quomodolibet impediri, & de qua, eiusque toto tenore habenda sit in nostris literis mentio specialis. Nulli ergo omnino hominum liceat hanc paginam nostræ absolutionis, approbationis, confirmationis, roboris, adiectionis, suppletionis, concessionis, indulti, impartitionis, decreti, & derogationis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri, & Pauli Apostolorum eius se nouerit incursum.

Datum Romæ apud Sanctum Petrum Anno Incarnationis Dominicæ Millesimo Sexcentesimo Quinto, sexto Idus Martij. Pontificatus nostri Anno primo.

Locus ✚ Sigilli Plumbei.

C. Beruic.



○

PAVLI

PAVLI QVINTI

B V L L A

S V M M A R I V M.

Omnia Priuilegia Mendicantium Ordinibus concessa ad Somaschensem Congregationem extenduntur, eidem communicantur,

DAVLVS PAPA QVINTVS Ad perpetuam rei memoriam. Ex quo diuina Maiestas ad Pastorale fastigium nos quam immeritos euexit, illud quantum in nobis semper fuit, superno auxilio freti agere conati sumus, vt piorum hominum Congregationes, quæ ad Diuini cultus augmentum, & animarum salutem institutæ sunt, & in obseruatione institutorum suorum piè, & religiosè persistunt, magis quotidie in huiusmodi suo pio proposito confirmetur. Cùm itaque, sicut accepimus, dilectorum filiorum Congregationis, & Clericorum Regularium Somaschæ, aliàs Sancti Maioli Papiensis nuncupatorum fortiores quotidie vires coadiuuante Domino in militantis Ecclesiæ castris appareant, vt Clerici Congregationis huiusmodi eò feruentius adhuc pugnare studeant, quò maioribus se viderint spiritualibus gratiis fore munitos: ipsos, & eorum quemlibet à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine quauis occasione, vel causa latis, si quibus quomodolibet innodati existunt, ad effectum præsentium duntaxat

con-

consequendum harum serie absoluentes, & absolutos fore censentes, præter alia quæcunque Priuilegia, & gratias ipsdem Congregationi, & Clericis hactenus quomodolibet concessa, omnia, & singula Priuilegia, prærogatiuas, concessionem, fauores, facultates, declarationes, immunitates, exemptiones, libertates, cæterasque gratias, præeminencias, & indulta cuiusvis generis existentia spiritua- lia, & temporalia, qualiacunque illa sint, excepta tamen exemptione à Iurisdictione Ordinariorum, quibusvis Mendicantium Ordinum Congregationibus, eorumque Professoribus, ac eorum Monasterijs, Ecclesijs, Domibus, & Regularibus locis, nec non dilectis filijs earundem Religionum, & Congregationum Generalibus Præpositis, Superioribus, Prælati, & Capitulis tam Generalibus, quam Prouincialibus, Fratibus, Nouitijs, Conuersis, Donatis, ac quibusvis eorum, & earum personis in quibuscunque Mundi partibus existentibus, & illorum intuitu, & per viam communicationis, vel extensionis, aut aliàs quomodolibet per quoscunque Romanos Pontifices prædecessores nostros, seu per nos, & successores nostros, aut alios auctoritatem habentes concessa sunt, & concedentur, ac quibus singulæ Congregationes prædictæ, eorumque Monasteria, Ecclesiæ, Domus, & loca, ac Superiores, Fratres, & personæ huiusmodi de iure, vsu, consuetudine, vel priuilegio, aut concessione Apostolica, vel alia quauis auctoritate in genere, vel specie, ac tam coniunctim, quam diuisim, aut aliàs quomodolibet vtuntur, fruuntur, potiuntur, & gaudent, ac vti, frui, potiri, & gaudere possunt, vel poterunt quomodolibet in futurum, quarum concessionum tenores præsentibus pro expressis habentes, ac si de verbo ad verbum inferentur, etiam si talia sint, & forent, quæ specialem, & indiuiduam requirerent mentionem, seu particularem insertionem, quatenus sint in vsu, & non sint reuocata,

O

2

neque

neque sub vllis reuocationibus comprehensa, ac sacris Canonibus, & Concilij Tridentini decretis non aduersentur, ad eandem Congregationem Somaſcham, seu Sancti Maioli, ac singulos illius Conuentus, illorumque Superiores, Præpositos, Prælatos, & quascunque personas, auctoritate, & tenore præsentis perpetuò extendimus, illaque eis communicamus, & de nouo concedimus, ac suffragari volumus, & declaramus. Non obstante tam fel. record. Bonifacii Pape VIII. Prædecessoris nostri de vna, & in Concilio Generali edita de duabus dietis, dummodo vltra tres dietas aliquis auctoritate præsentium ad iudicium non trahatur, quàm alijs quibuscunque Constitutionibus, & Ordinationibus Apostolicis tam de Iudicibus delegatis, & Conseruatoribus, quàm personis vltra certum numerum ad iudicium non vocandis; Nec non quibusuis priuilegijs, & indultis Apostolicis quibusuis Secularibus vel Regularibus, Militijs, Communitatibus, Vniuersitatibus Capitulis, Castris, Villis, Terris, & quibusuis Cathedralibus, & Metropolitanis, vel Collegiatis, aut alijs Ecclesijs, Capitulis, Conuentibus Monasterijs, Hospitalibus, & alijs pijs locis, etiam motu, & scientia similibus, & de non trahendis eorum subditis, vel personis ipsarum Ecclesiarum, Ciuitatum, Vniuersitatum, Castrorum, Villarum, & Locorum respectiuè extra eas, aut coram illis iudicibus, & personis, quàm etiam vigore quarumcunque literarum Apostolicarum, aut aliàs quibusuis modis, & qualitercunque à quibusuis verborum formis, & tenoribus, de quibus etiam plena, & expressa, specialis, specifica, & indiuidua, ac de verbo ad verbum non autem per clausulas generales idem importantes mentio, seu quæuis alia expressio habenda, tenores huiusmodi præsentibus pro sufficienter expressis habentes, illis aliàs in suo robore permansuris, specialiter, & expressè derogamus, seu aliquibus communiter, aut diuisim ab eadem sit

Sede

Sede indultum, quòd interdicti, suspendi, vel excommunicari non possint per literas Apostolicas non facientes plenam & expressam de verbo ad verbum de indulto huiusmodi mentionem, cæterisque contrarijs quibuscunque. Cæterum volumus, & dicta auctoritate decernimus, quòd earundem præsentium Transumptis, & manu alicuius Notarij publici subscriptis, & Sigillo alicuius personæ in dignitate Ecclesiastica constitutæ, aut manu Præpositi Generalis, & Sigillo eiusdem Congregationis Somaſchæ munitis eadem prorsus fides adhibeatur in Iudicio, & alibi vbi opus fuerit, quæ adhiberetur eisdem præsentibus, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die 9. Nouembr. 1607. Pontificatus nostri Anno tertio.

Scipio Cobellutius.



PAVLI

110
PAVLI QVINTI.

B V L L A.

S V M M A R I V M.

Bulla Clementis Octavi de Vocalibus confirmatur, etiam si consuetudo eligendi Vocales à viginti annis data Bulla vigeret.



PAVLVS PAPA QVINTVS Ad perpetuam rei memoriam. His, quæ pro Congregationum quarumlibet ad fidei Catholice propagationem institutarum, & personarum in illis degentium prospero statu, & felici progressu per Romanos Pontifices prædecess. nostros prouidè statuta, & ordinata sunt, vt sublatis quibuscunque impedimentis effectum sortiantur, libenter prospicimus. Aliàs si quidem à felic. record. Clemente Papa VIII. prædecessore nostro emanarunt literæ tenoris subsequentis. Clemens Papa VIII. ad perpetuam rei memoriam. Romanus Pontifex ex debito pastoralis officii sibi ex alto commissi, ne personarum sub suavi Religionis iugo Deo famulantium status perturbetur, sed quò magis fieri potest, quietus, et tranquillus in Dei obsequio perseueret, libenter prouidet, prout in Domino conspicit salubriter expedire. Sanè cum Congregatio Clericorum Regularium de Somascha nuncupata, seu S. Maioli Papiens. à fel. record. Pio V. prædecessore nostro de seculari regularis effecta, et per ipsum, ac alios suos prædecessores fuerit nonnullis priuilegiis, et gratiis specialibus roborata, ac per nos denique confirmata, et nouis

Prui-

Priuilegiis, et indultis ampliata, prout in nostris desuper cõfessis literis sub dat. sexto kalen. Maii Pontificatus nostri anno secundo plenius continetur. In quibus quidem literis inter cætera omnia, et singula Statuta, Ordinationes, Regulas, et Constitutiones in vniuersa Congregatione prædicta conscriptas, licitas tamen, et honestas, sacrisque Canonibus, et Concilio Tridentino minimè contrarias auctoritate Apostolica perpetuò approbauimus, et confirmauimus, illisque omnibus, et singulis Apostolicæ firmitatis robur adiecimus, suppletentes omnes, et singulos defectus, prout in dictis literis plenius continetur. Cumque sicut nuper accepimus inter alias Constitutiones prædictæ Congregationis sit quædam Constitutio de iis, qui numero Vocalium Capituli Generalis sunt adscribendi disponens, vt non passim, et sine matura consideratione cuiusque conditiones Fratres inter Vocales Capituli Generalis admittantur, à quo omnis vtilitas totius Religionis dependet, totumque illius sustinet onus, sed ij solum, qui vita, & moribus cæteros antecellant, quique prudentia, & consilio, & scientia valeant in rebus arduis consulere, qui item per aliquot annos fuerint in Religione probati, elapsumque fuerit ad minus triennium post emissam professionem, quique ætatis suæ saltem trigesimum annum attigerit, & ne Vocalis vnquam sit, vel qui apostatauerit, vel qui in aliquo delicto fuerit deprehensus, vel de quo probabiliter dubitatur ea, quæ in Comitibus tractantur, secretò minimè retenturum ex euidentiis indiciis, & aliàs prout in dicta Constitutione dicitur, Et quia prædictæ qualitates in eo, qui adscribendus est in numero Vocalis à nullis aliis possunt ita rectè inquiri, & perpendi, quàm ab eisdem Patribus Vocalibus, qui eum admissuri sunt, propterea eadem Congregatio consuevit non admittere aliquem in numero dicti Capituli Generalis, nisi in eodemmet Capitulo propositus, & per Vota secreta ipsorummet Patrum Vocalium suffraganti sibi maiori parte Votorum electus

lectus fuerit; Vnde Clerici eiusdem Congregationis tum ad vitam, & morum integritatem, tum etiam ad bonarum artium, & regularis disciplinae studium, & obseruantiam excitantur. Verum sicut nobis pro parte dictae Congregationis expositum fuit à Venerabili Fratre nostro Ludouico Episcopo Sabinens. Cardinali Madrutio nuncupato praedictae Congregationis Protectore, cum nonnulli de eadem Congregatione, ex eo solùm, quòd sunt professi per aliquot annos, & in presbiteratus ordine constituti praetendant se in eodem Capitulo Generali habere vocem actiuam, & passiuam, & admittendos esse in electionibus Praepositi Generalis, & aliorum quorumcunque Superiorum contra id, quòd in dicta Congregatione fieri consuevit iuxta praedictas suas Constitutiones à nobis, vt supra, approbatas, & confirmatas; Et propterea cum non admittantur, seipsos, & alios perturbent, & perturbare audeant. Hinc est quòd nos, qui singulorum Christi fidelium, praecipue verò similium Religiosorum agri Dominici cultorum quietem sinceris desideramus affectibus, ex sententia dilectorum filiorum Praelatorum negotiis visitationis Apostolicae, & reformationis Praefectorum, auctoritate Apostolica, tenore praesentium decernimus, & declaramus nullum de caetero adscribendum fore, & esse numero Vocalium Capituli Generalis praedictae Congregationis, nec in eo vocem actiuam habere, nisi seruata in omnibus forma dictarum Constitutionum, & nisi etiam iuxta supradictam Consuetudinem à triginta circiter annis haecenus seruari solitam, & obseruatam, fuerit in eodem Capitulo propositus, & per vota secreta à Patribus Vocalibus eiusdem Capituli Generalis electus, & admissus, omnibusque aliis se vocem actiuam in dicto Capitulo habere praetendentibus, & ab eisdem Patribus Vocalibus Capituli Generalis non electis, & admissis perpetuum silentium imponimus, & imponi mandamus, nec desuper ab aliquo excipi, & opponi posse, sicque

per

per quoscunque Iudices, & Commissarios quauis auctoritate fungentes iudicari, & definiri debere, ac irritum, & inane quicquid secus super his à quoquam quauis auctoritate scienter, vel ignoranter contigerit attentari, decernimus, & declaramus, Non obstantibus praemissis, ac quibusuis Constitutionibus, & Ordinationibus Apostolicis, nec non statutis, & consuetudinibus aliarum Regularium Congregationum, caeterisque contrariis quibuscunque. Volumus autem, quòd praesentium Transumptis manu alicuius Notarii publici subscriptis, & Sigillo personae in dignitate Ecclesiastica constitutae munitis eadem prorsus fides adhibeatur, quae praesentibus originalibus literis adhiberetur, si forent exhibitae, vel ostensae. Datum Romae apud Sanctum Petrum sub Annulo Piscatoris die 23. Martii 1599. Pontificatus nostri anno octauo. Cum autem sicut pro parte Praepositi Generalis, & Clericorum Regularium nobis nuper expositum fuit, praedicta Consuetudo non admittendi aliquem in numerum dicti Capituli Generalis nisi in eodem Capitulo propositus, & per vota secreta ipsorummet Vocalium suffragante sibi maiori parte votorum electus fuerit, tempore datae dictarum litterarum non à triginta, vt in eisdem literis expressum fuit, sed à viginti annis duntaxat seruari solita, & obseruata fuerat, & propterea Praepositus, & Clerici praedicti dubitent literas praedictas sibi minus vtilis reddi, seque desuper ab inquietis dictae Congregationis molestari posse, Nobis idcirco humiliter supplicari fecerunt, vt in praemissis opportunè prouidere de benignitate Apostolica dignaremur. Nos igitur dictos Praepositum, & Clericos specialis gratiae fauore prosequi volentes, & eorum quemlibet quibusuis excommunicationis, suspensionis, & interdicti, aliisque Ecclesiasticis sententiis, censuris, et poenis à iure, vel ab homine, quauis occasione, vel causa latis, si quibus quomodolibet innodati existunt, ad effectum praesentium duntaxat consequendum, harum serie

-VAI

P

absol-

absoluentes, & absolutos fore censentes, huiusmodi supplicationibus inclinati, Decretum, & declarationem, dictasque literas Clementis prædecessoris, ac in eis contenta quæcunque valere, suumque effectum sortiri, & ab omnibus dictæ Congregationis Religiosis exactè obseruari debere, etiam si dicta consuetudo tempore datæ dictarum literarum à viginti annis tantùm vigeret, Apostolica auctoritate tenore præsentium similiter decernimus, ac volumus, & præcipimus; Non obstantibus omnibus, quæ dictus Clemens prædecessor in prædictis suis literis voluit non obstare.

Datum Romæ apud Sanctum Marcum sub Annulo Piscatoris, Die 14. Martij 1611. Pontificatus nostri anno sexto.

Locus ✠ Sigilli

Scipio Cobellutius.



PAV-

PAVLI QVINTI

B V L L A

S V M M A R I V M.

Statuta, & decreta de comitijs generalibus celebrandis, eligendo definitorio, Præposito generali, de socijs, & discretis, &c. confirmantur.



PAVLVS PAPA QVINTVS, Ad perpetuam rei memoriam. Vt ea, quæ pro Religiosorum bono regimine, & quiete per ipsorum Superiores præsertim in Capitulis Generalibus statuta, & ordinata sunt, firma, & illibata persistant, libenter cum à nobis petitur, Apostolicæ nostræ confirmationis robur adiicimus, prout conspiciamus salubriter in Domino expedire. Sanè dilecti filii Præpositus Generalis, et Presbyteri Congregationis de Somascha, aliàs Sancti Maioli Papiens. nobis nuper exponi fecerunt, quòd in Capitulis Generalibus dictæ Congregationis proximè præterito, & præsentis annis respectiuè celebratis statutum, et decretum fuit, quòd ad effugiendos immoderatos sumptus in frequenti Capitulorum Generalium celebratione fieri solitis, et ad maiorem disciplinæ regularis obseruantiam Capitulum Generale dictæ Congregationis, quod hæcenus quotannis celebratum fuit, impostèrum singulis triennijs, & in Dominica tertia post Festum Paschatis Resurrectionis, vel quoties nouum Generalem eligere oportebit, celebrari debeat; et ad illud singuli Vocales conuenire studeant, si verò statuto tempore non omnes aduenisse compertum fuerit, illi, qui præsentès erunt, dummodo antea

P. 2. absen-

absentes legitimè, vocati fuerint, totum Capitulum representent, & quicquid ab eis factum fuerit, ab omnibus factum censeatur. Capitulo autem Generali præter Vocales vocem actiuam, & passiuam in eo habentes electos ad præscriptum Constitutionum dictæ Congregationis à Sede Apostolica confirmatarum, nonnulli Socij, seu Discreti à quibusdam Collegiorum, & locorum Capitulis creati intersint, qui voce tantum actiua gaudentes omnibus maiorum dignitatum, seu officialium (videlicet eorum, qui totum Definitorium constituunt) electionibus se tantum immiscere, & illis factis, Capitulo egredi debeant, nec aliarum rerum tractationi, vel definitioni adesse possint, ipsorum autem Sociorum eligendi ratio sit, & obseruari debeat, quæ Iuri Canonico conformis est, excepto duntaxat, quòd cum votis, etiam infra medietatem eligi possint; hoc autem Discreti munere nemo fungi valeat, qui ætatis trigesimum tertium, professionis verò decimum annum non compleuerit, & qui legitimis natalibus ortus non fuerit, nisi legitimam dispensationem super hoc impedimento obtinerit, aut ab obedientia adeo se subtraxerit, vt extra Claustra nulla habita facultate ad Mensam vixerit, aut graue aliquod, atque enorme delictum perpetrasse conuictus, vel denique Saeræ Inquisitionis iudicio, ac pœna canonica mulctatus fuerit. Quòd si contingat Capitulum generale celebrari in aliquo loco, vbi sint plures regulares Domus dictæ Congregationis, & aliquem hora ad conueniendum præscripta abesse à Capitulo, id electionibus factis nihil obsit, dummodo fuerit antea legitimè vocatus. Insuper quòd in Capitulo generali congregato nouis semper eligatur Præpositus Generalis, & reliquæ Definitorij dignitates, quæ de cætero absque vlla confirmatione triennales sint, nec vltra trium annorum huiusmodi spatium villo modo produci possint, excepto Procuratore Generali

nerali, qui, si ita videbitur expedire, triennio expleto confirmari possit. Præterea in electione Præpositi Generalis Præses, & maior Consiliarius, seu ipso maiori Consiliario absente, aut functo, minor, Cancellariusque, qui minoris locum eo casu tenebit, scrutatorum munere fungantur, & singulorum eligentium Votis receptis illum, in quem electorum omnium partes duas consensisse animaduertent, Præpositum generalem electum ponunt, & in Votorum paritate professione senior, & inter professione pares ætate maior censeatur electus. In cæteris verò maiorum Officialium electionibus, quæ cum Votis supra dimidiam eligentium partem erunt celebrandæ, scrutatores sint Præpositus Generalis, Vicarius, & Cancellarius, si quis eorum aberit, in eius locum sufficiatur Consiliarius maior, si adsit, alioquin minor. Adhæc quia ab vno ad aliud Capitulum Generale grauissima negotia interuenire solent, ne Congregatio damnum aliquod patiatur, Præpositus Generalis singulis annis intermedijs Dominica tertia post Festum Paschatis Resurrectionis debeat Definitorium cogere, quod tredecim Vocalibus constabit, Nempe Præposito Generali, Vicario, vtroque Consiliario, tribus Visitatoribus, quatuor Definitoribus, Procuratore Generali, si vltra triennium confirmatus non fuerit; quòd si fuerit confirmatus, eius loco quintus Definitor eligi debeat, ac demum Cancellario. Quoties autem aliquis ex prædictis deerit, dummodo legitimè fuerit vocatus, Præpositus ipse Generalis, vel eo impedito, is, cuius erit Definitorium conuocare, & cæteri ex Definitorio prædicto, dummodo senarium numerum expleant, cum maiori votorum parte tot Vocales eligant, quot ad præscriptum numerum tredecim implendum deerit, & illi, qui sic electi fuerint, in eo tantum Definitorio authoritatem habeant, interim autem si qui ex eis, qui antea Definitorio adscripti erant, superuenerit, superelecti officio cedant, &

& si ex Definitorio quisquam perpetuò, aut diuturno aliquo impedimento detineatur, Definitorium duabus ex tribus concurrentibus partibus eligat Vocalem alium loco defuncti, aut aliàs impediti, prout in scripturis desuper confectis plenius dicitur contineri. Cum autem sicut eadem expositio subiungebat, Præpositus Generalis, & Presbyteri prædicti plurimum cupiant Statuta, & Decreta huiusmodi pro eorum firmiori validitate, & subsistentia Apostolicæ nostræ confirmationis robore communiri, nobis propterea humiliter supplicari fecerunt, vt super præmissis opportunè prouidere de benignitate Apostolica dignaremur. Nos igitur prospectum Religiosorum quorumcunque statum, quietem, & tranquillitatem sincero desiderantes affectu, ipsosque Præpositum Generalem, & Presbyteros specialibus fauoribus, & gratiis prosequi volentes, & eorum singulares personas à quibusuis excommunicationis, suspensionis, et Interdicti, aliisque Ecclesiasticis sententiis, censuris, et poenis à iure, vel ab homine quauis occasione, vel causa latis, si quibus quomodolibet innodati existunt, ad effectum præsentium duntaxat consequendum, harum serie absoluentes, et absolutos fore censentes, huiusmodi supplicationibus inclinati, Statuta, et Decreta prædicta Apostolica autoritate tenore præsentium confirmamus, et approbamus, illisque inuiolabilis Apostolicæ firmitatis robur adiicimus, ac omnes, et singulos tam iuris, quàm facti defectus, si qui desuper quomodolibet interuenerint, supplemus. Decernentes Statuta, et Decreta prædicta ab omnibus, et singulis, ad quos spectat, & spectabit in futurum, inuiolabiliter obseruari debere, Non obstantibus quibusuis constitutionibus, & ordinationibus Apostolicis, ac dictæ Congregationis, etiam iuramento, confirmatione Apostolica, vel quauis firmitate alia roboratis, Statutis, et Consuetudinibus, priuilegiis quoque, indulgentiis, et literis Apostolicis eidem Congregationi, eiusque Præposito.

posito Generali, & alijs quibusuis personis sub quibuscunque tenoribus, & formis, ac cum quibusuis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis etiam per nos, & quoscunque Romanos Pontifices prædecessores nostros in contrarium præmissorum quomodolibet concessis, confirmatis, & approbatis. Quibus omnibus, & singulis eorum omnium tenores præsentibus pro plenè, & sufficienter expressis, & ad verbum insertis habentes, illis aliàs in suo robore permanens, hac vice duntaxat specialiter, & expressè derogamus, cæterisque contrariis quibuscunque. Volumus autem, vt præsentium Transumptis, etiam impressis manu Præpositi Generalis dictæ Congregationis subscriptis, & Sigillo eiusdem Congregationis munitis eadem prorsus fides vbique adhibeatur, quæ præsentibus adhiberetur, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris, Die 5. Decembris M DC XIII. Pontificatus nostri Anno nono.

Locus ✠ Annuli Piscatoris.

Scipio Cobellutius.



PAVLI

PAVLI QVINTI

B V L L A.

S V M M A R I V M.

- 1 *Dissoluitur unio, & incorporatio Monasterij S. Angeli de Gamulis Prouincia Vrbinatensis cum Collegio Clementino de Vrbe facta à Clemente VIII.*
- 2 *Eius loco vnitur, & incorporatur prædicto Collegio Parochialis Ecclesia S. Aegidij Ciuitatis Castell.*
- 3 *Constituitur in eadem Ecclesia perpetua Vicaria pro vno Presbytero per Superiorem Clericorum Regularium Congregationis Somaſchæ, ex gremio ipsorum eligendo, qui curam animarum, & alia eiusdem Ecclesie incumbentia exercere teneatur.*
- 4 *Ab omni suspensione, derogatione &c. Bulla vindicatur.*



DAulus Episcopus Seruus seruorum Dei Dilecto filio Vicario Ven. fratris nostri Episcopi Ciuitatis Castell in Spiritualibus generali, salutem, & Apost. Bened. Ex iniuncto Nobis desuper Apostolicæ seruitutis officio ad ea libenter intendimus, per quæ Parochialibus Ecclesiis, & curam Animarum habentibus commoditas, & utilitas procuratur, & in his Pastoralis officii nostri partes nunc per suppressionem, quandoque verò per vnionem beneficiorum Ecclesiasticorum, fauorabiliter interponi mandamus, prout terrarum, locorum, & Personarum qualitatibus debite pensatis conspiciamus in Domino salubriter expedire. Cum itaque Dilecti filii Rector, & Collegiale

Col-

Collegij Clementini nuncupati de Vrbe sub perpetuis cura, disciplina, regimine, & administratione Clericorum Regularium Congregationis Somaſchæ, Apostolica authoritate erecti, ac instituti, ac Leander Fabrius Rector Prior nuncupatus Parochialis Ecclesie Prioratus nuncupatæ S. Aegidij Ciuitatis Castell nobis nuper exponi fecerunt, quòd alias Monasterium S. Angeli de Lamulis S. Benedicti, seu alterius Ordinis nullius Diocesis Prouinciæ Vrbinatensis illius Commenda, in quam bonæ memoriæ Hieronymus tituli Sancti Pancratij presbiter Cardinalis Mattheius nuncupatus illud dum viueret obtinebat, per obitum eiusdem Hieronymi Cardinalis apud Sedem Apostolicam defuncti cessante adhuc eo, quo ante Commendam ipsam vacabat, modo tunc vacans in actu erectionis dicti Collegij pro illius dote, seu in subuentionem dotis, ac pro Rectoris, & Collegialium in eo pro tempore existentium sustentatione, onerumque illi incumbentium supportatione, perpetuò simili auctoritate vnitum extitit. Desiderantes illa, vt asserbant, inuicem permutare, ex causa permutationis huiusmodi in manibus nostris spontè, & liberè Rector, & Collegiales videlicet dissolutioni vnionis huiusmodi consenserunt, ac omni, & cuiusque Iuri ipsis, & Collegio huiusmodi in dicto Monasterio, illiusque Regimine, & administratione, vel ad illa quomodolibet competenti cesserunt. Leander verò prædictus Parochialem Ecclesiam huiusmodi, quam à sexennio, & ultra obtinebat, resignauerit. Cum autem sicut exhibita Nobis nuper pro parte Rectoris, & Collegialium, ac Leandri prædictorum petitio continebat; Si vnio prædicta perpetuò dissolueretur, & illa dissoluta eiusdem Monasterij loco dicta Parochialis Ecclesia ipsi Collegio cuius Rector, & Collegiales prædicti regimini, & administrationi Monasterij huiusmodi ob locorum distantiam, non ea, qua opus esset diligentia, incumbere possunt, exiguos fructus percipiunt

Q

piunt

piunt perpetuò vniretur, annecteretur, & incorporaretur, ac in ipsa Parochiali Ecclesia vna perpetua Vicaria pro vno perpetuo Vicario, qui curam Animarum eidem Ecclesie incumbendum exercere, & alia illi etiam incumbenda onera supportare teneatur, similiter perpetuò erigeretur, & institueretur, aliaque infra scripta fierent, ex hoc profectò eidem Collegio de commodiori subuentionis auxilio absque Animarum Curæ eidem Ecclesie incumbendum detrimento satis opportuna ratione consuleretur. Quare pro parte Rectoris, & Collegialium, ac Leandri prædictorum Nobis fuit humiliter supplicatum, quatenus cessionem, & resignationem prædictas respectuè admittere, nec non præmissis, & infra scriptis annuere, ac aliàs desuper opportunè prouidere de benignitate Apostolica dignaremur. Nos igitur, qui honestis petentium votis libenter annuimus, & fauoribus prosequimur opportunis, ac dudum inter alia volumus, quòd petentes beneficia Ecclesiastica alijs vniri, teneantur exprimere verum annuum valorem secundum communem æstimationem etiam beneficij, cui aliud vniri peteretur, alioquin vnio ipsa non valeret, & semper in vnionibus commissio fieret ad partes, vocatis, quorum interest, Rectorem, & Collegiales, ac Leandrum, nec non singulares personas Collegij huiusmodi à quibusuis excommunicationis, suspensionis, & Interdicti, alijsque ecclesiasticis sententijs, censuris, & pœnis à Iure, vel ab homine quauis occasione vel causa latis, si quibus quomodolibet innodati existunt ad effectum præsentium duntaxat consequendum, harum serie absoluentes, & absolutos fore censentes, ac certam de præmissis notitiam non habentes, huiusmodi supplicationibus inclinati, discretionis tue per Apostolica scripta mandamus, quatenus vocatis, qui fuerint vocandi, de præmissis te diligenter informes, & si per informationem huiusmodi ita esse repereris, super quo conscientiam tuam oneramus, vnionem, annexio-

nem,

nem, & incorporationem de Monasterio huiusmodi dicto Collegio, vt præfertur, factas de consensu Rectoris, & Collegialium prædictorum perpetuò, & sine alicuius præiudicio auctoritate nostra dissolvas, illisque sic dissolutis Parochialem Ecclesiam prædictam, cuius, & illi forsan annexorum fructus, redditus, & prouentus super quibus pensio annua dicta scutorum monete Romanæ dilecto filio Dominico Brucchi Clerico Ciuitatis Castelli Apostolica auctoritate reseruata reperitur, 200 ducatorum au: de Camera secundum æstimationem prædictam valorem annuū, vt dicti Rector, & Collegiales afferunt, non excedunt, siue præmissis, siue alio quouis modo, aut ex alterius cuiuscunque persona, seu per similem resignationem eiusdem Leandri, vel cuiusuis alterius de illa in Romana Curia, vel extra eam etiam coram Notario publico, & testibus sponte factam, aut Constitutionem fel. rec. Ioannis Papæ XXII. Prædecessoris nostri, quæ incipit. Execrabilis, vacet, etiam si tanto tempore vacauerit, quod eius collatio iuxta Lateranensis statuta Concilij ad Sedem Apostolicam legitimè deuoluta, ipsaque Parochialis Ecclesia dispositioni Apostolicæ specialiter, vel aliàs generaliter reseruata existat, super ea quoque inter aliquos lis, cuius statum præsentibus haberi volumus pro expresso pendeat indecisa, dummodo tempore Dat. præsentium non sit in ea alicui specialiter lus quæsitum cum annexis huiusmodi, ac omnibus iuribus, & pertinentiis suis vnuerfis eidem Collegio loco dicti Monasterii pro illius dote, seu in subuentionem dotis, ac pro illius Rectoris, & Collegialium in eo pro tempore existentium sustentatione, onerumque illi incumbendum supportatione. Ita quod liceat Rectori, & Collegialibus prædictis dictæ Ecclesie illiusque bonorum quorumcunque veram, realem, & actualē, ac corporalem possessionē per se, vel alium, seu alios eorū, dicti Collegii nomine propria auctoritate apprehensā perpetuò

Q 2

reti-

retinere, fructus quoque redditus, & proventus, Iura, obventiones, et emolumenta percipere, exigere, leuare, recuperare, locare dislocare, & arrendare, ac in suos, & dicti Collegii communes vsus, & vtilitatem conuertere, dioecelani loci, vel cuiusuis alterius licentia minimè requisita, auctoritate nostra etiam perpetuò vnias, connectas, & incorpores, præterea in dicta Parochiali Ecclesia ad laudem, & gloriam omnipotentis Dei, ac Beatissimæ, & gloriosissimæ semper Virginis Dei Genitricis Mariæ, nec non omnium sanctorum vniam perpetuam Vicariam pro vno Presbytero inibi perpetuò Vicario per superiorem Clericorum Regularium Congregationis Somaeschæ huiusmodi etiam ex gremio ipsorum Clericorum Regularium eligendo, qui postquam ad id ab Ordinario seruatis seruandis approbatus fuerit, curam animarum, & alia eidem Ecclesiæ incumbentia onera debitè supportare, ac Sacramenta Ecclesiastica dilectis filijs Parochianis illius administrare, illique in diuinis deseruire teneatur, ibidem perpetuò, & sine alicuius præiudicio dicta auctoritate nostra erigas, & instituas, illique sic erectæ, & institutæ pro eius dote, ac Vicarii pro tempore existentis sustentatione, onerumque illi incumbentium supportatione tot proprietates, & bona quot fructus, redditus, & proventus ad valorem annuum 50 scutorum monetæ Romanæ ascendant præuia illorum dismembratione ab alijs eiusdem Ecclesiæ bonis, & proprietatibus vltra emolumenta incerta etiam ratione exercitii Curæ animarum prouenientia, ita tamen quod quando eidem Vicariæ per vnum, vt præfertur, approbatum presbyterum de gremio dictæ Congregationis tamquam illius Vicarium deseruiri contigerit, tunc & eo casu omnes fructus, & redditus dictæ Vicariæ in Paramentorum, aliarumque rerum necessariorum tam pro exercitio curæ animarum huiusmodi, quam pro prædicta Ecclesia, & illius sacristia, emptione, ac alijs vsus ipsius Ecclesia

clesia necessarios conuerti omnino debeant eadem auctoritate etiam perpetuò applices, & appropries, præsentis quoque literas etiã ex eo quod in præmissis interesse habentes seu herè prætendentes ad hoc vocati, & audiri nõ fuerint causæ & propter quas illæ fiant, aut factæ sint coram te etiam tamquam Sedis Apostolicæ delegato examinatæ, & verificatæ non fuerint, aut præmissis non consenserint, seu aliàs ex quocunque capite, vel causa, quantumuis legitima, & Iuridica de subreptionis, vel obreptionis, seu nullitatis, aut intentionis nostræ, vel alio quopiam defectu notari, impugnari, retractari, annullari, vel inuvalidari, aut in Ius, vel controuersiam reuocari, seu aduersus illas quodcumque Iuris, gratiæ, vel facti remedium impetrari nullatenus vnquam posse, sed illas semper, & perpetuò validas, & efficaces esse, & fore, suosque plenarios, & integros effectus sortiri, & obtinere, sicque per quoscunque Iudices Ordinarios, & delegatos quauis auctoritate fungentes etiam Causarum Palatii Apostolici Auditores, ac S.R.E. Cardinales, etiam de Latere legatos, & dictæ Sedis Nuntios iudicari, & diffiniri debere, ac irritum, & inane si secus super his à quoque quauis auctoritate scienter, vel ignoranter contigerit attentari, eadem auctoritate nostra decernas, inducens per te, vel alium, seu alios Rectorem, & Collegiales prædictos, vel eorum Procuratores ipsorum nomine, in corporalem possessionem Parochialis Ecclesiæ, ac annexorū, Iuriumque, & pertinentiarum prædictorum, & defensores inductos, amoto exinde quolibet illicito detentore, ac faciens præsentis literas, & in eis contenta quecunque, vbi & quando opus fuerit, ac quoties pro parte Rectoris, & Collegialium prædictorum fueris requisitus, solemniter publicare, eisque in præmissis efficacis defensionis præsidio assistere, ac ab omnibus, ad quos spectat, & pro tempore spectabit inuiolabiliter obseruari, ipsosque Rectorem, & Collegiales illa pacificè frui, & gaudere non permittens, eos desuper per quoscunque quo-

quomodolibet indebitè molestari, contradictores quoslibet, & rebelles per sententias, censuras, & pœnas Ecclesiasticas, aliaque opportuna Iuris, & facti remedia appellatione postposita compescendo, legitimisque super his habendis, seruatis processibus sententias, censuras, & pœnas ipsas etiam iteratis vicibus aggrauando, inuocato etiam ad hoc, si opus fuerit, auxilio brachij sæcularis, non obstantibus priori voluntate nostra, ac piæ memor. Bonif. PP. VIII. similiter prædecessoris nostri, nec non Lateranen. Concilij nouissimè celebrati vniones perpetuas nisi in casibus à Iure permissis fieri, ac beneficia vnus diocesis beneficijs Ecclesiasticis, vel locis pijs alterius diocesis vniri prohibentis, alijsque quibuscunque, ac in Vniuersalibus, Prouincialibus, ac Synodalibus Concilijs editis, specialibus, vel generalibus constitutionibus, & ordinationibus Apostolicis, nec non Collegii, & Congregationis prædictorum Iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoque, Indultis, & literis Apostolicis Collegio, & Congregationi prædictis, illorumque Superioribus, & Personis sub quibuscunque tenoribus, & formis, ac cum quibusuis etiam derogatorijs derogatorijs, alijsque efficacioribus, & insolitis clausulis, ac etiam irritantibus decretis in genere, vel specie, aut alijs quomodolibet concessis, approbatis, & inuatis, quibus omnibus, etiam si de illis, illorumque totis tenoribus specialis, specifica, expressa, & indiuidua, non autem per clausulas generales idem importantes mentio, seu quauis alia expressio habenda foret, illis alias in suo robore permanfuris, hac vice dumtaxat specialiter, & expressè derogamus, quibuscunque. Aut si aliquis super prouisionibus sibi faciendis de huiusmodi, vel alijs beneficijs Ecclesiasticis in illis partibus speciales, vel generales dictæ Sedis, vel legatorum eius literas impetrarent, etiã si per eas ad inhibitionem, reservationem, & decretum, vel alias quomodolibet sit processum,

quas

quas quidem literas, & processus habitos per easdem, ac inde secuta quæcumque ad dictam Parochialem Ecclesiam volumus non extendi, sed nullum per hoc eis, quoad affecutionem beneficiorum aliquorum præiudiciũ generari, seu si Venerabili Fratre nostro Episcopo Ciuitatis Castelli, vel quibusuis aliis communiter, vel diuifim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto huiusmodi mentionem, & quibuslibet alijs priuilegijs, Indultis, & literis Apostolicis quorumcunque tenorum existant, per quæ præsentibus non expressa, vel totaliter non inserta effectus earum impediri valeat quomodolibet, vel differri, & de quibus quorumcunque totis tenoribus habenda sit de verbo ad verbum in nostris literis mentio specialis. Volumus autem, quòd propter dismembrationem, separationem, seu dissolutionem, & vnionem, annexionem, incorporationem, ac Ereccionem, Institutionem, aliaque præmissa huiusmodi dicta Parochialis Ecclesia debitis non fraudetur obsequijs, & Animarum Cura huiusmodi nullatenus negligatur, sed eius congruè supportentur onera consueta. Datum Romæ apud S. Petrum anno Incarnationis Cominixæ millesimo sexcentesimo tertio decimo. 3. Kal. Ianuarii Pontificatus nostri anno 9.

Loco * plumbi pendentis.



PAVLI

128
IN CONGREGATIONE
CONCILII

Fuit propositus iste Casus.

Die XIV. Mensis Decembris MDCXIII.



VIDAM N. emisit professionem in manibus auctoritatem habentis sub infra scripta verborum formula. Quæritur à Sacra Congregatione Concilii, An talis professio sit valida, ita vt N. dicendus sit verè professus.

Ego N. voueo, profiteor, & promitto Deo omnipotenti, & tibi N. specialiter electo obedientiam, Castitatem, & in cōmuni viuere sub Regula S. Augustini Patris Nostri, & quòd absque licentia Præpositi Generalis, vel eius auctoritate fungentis aliquod cum cura, uel sine cura beneficium non accipiam, uel retinebo intra, aut extra Ordinem Nostrum Clericorum Regularium: Idque secundum constitutiones factas, aut faciendas per Congregationem prædictam auctoritate Apostolica sibi concessa, reseruata mihi testandi potestate de patrimonio meo, si opus fuerit, cum Præpositi auctoritate.

Sacra Congregatio Cardinalium Concilii Tridentini interpretum, hoc negotio maturè perpenso, atque accuratè discusso censuit, nisi aliud obstiterit, ualidam omninò esse professionem sub formula supra scripta emissam.

Horatius Cardinalis Lancellotus.

Locus Sigilli Illustrissimi Cardinalis Arigonii huius
Sacrae Congregationis Præfecti.

PAVLI

129
PAVLI QVINTI

B V L L A.

S V M M A R I V M.

Electio Præpositi Generalis, & Definitorum iuxta præcedentis Bullæ formulam præscripta, & recentia Statuta celebrata stabilitur, & confirmatur.



D Futuram rei memoriam. Nuper pro parte dilectorum filiorum Præpositi Generalis, & Præbiterorum Congregationis Somaschæ, aliàs S. Maioli Papiens. nobis exposito, quòd in Capitulis Generalibus de proximè præterito, & 1612. Annis respectiuè celebratis inter alia tunc per eos condita Statuta decreuerant, & statuerant, quòd in electione Præpositi Generalis, Præsidentis Capituli, & maior Consiliarius, seu ipso maiori Consiliario absente, aut vita functo minor, Cancellariusque, qui minoris locum, eo casu, teneret; In cæteris verò maiorum Officialium electionibus Scrutatores essent Præpositus Generalis, Vicarius, & Cancellarius, & si quis eorum abesset, in eius locum, sufficeretur Consiliarius maior, si adesset, alioquin minor. Nos Præpositi, & Præbiterorum prædictorum Supplicationibus nobis humiliter porrectis inclinati, prædicta Statuta, & decreta Apostolica auctoritate confirmauimus, & approbauimus, prout in nostris desuper in simili, forma Breuis sub Die quinta Decembris proximè præteriti, desuper expeditis literis, quarum tenores præsentibus pro expressis haberi volumus, plenius continetur. Cum autem sicut Præpositi prædicti, & Dilectorum filiorum Definitorum dictæ Congregationis

R nomi-

nomine nobis iterum expositum fuit in altero ex dictis Capitulis Generalibus dictæ Congregationis, videlicet de Mense Maij proximè præterito celebrato, antequam dicta Statuta, & decreta à nobis, vt præfertur, confirmarentur, ad Præpositi Generalis, & aliorum Officialium Definitorii dictæ Congregationis electionem, seruata dictorum Statutorum forma deuentum fuerit, ipsumque Definitorium subinde alios Officiales particulares similiter iuxta eorundem Statutorum formam elegerit, antiqua verò dictæ Congregationis Statuta pridem à Sede Apostolica confirmata aliam eligendi formam, quæ in electionibus prædictis minimè seruata fuit, præscriberent: Idcirco nos, qui electiones in Capitulo Generali huiusmodi, & subinde à Definitorio factas eidem Congregationi plurimùm in Domino profuturas speramus, ne de illarum validitate, & subsistentia de aliquibus dubitetur, opportunè prouidere, ipsumque Præpositum Generalem, & alios electos huiusmodi specialibus fauoribus, & gratijs prosequi volentes, & eorum singulares personas à quibusuis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine quauis occasione, vel causa latis, si quibus quomodolibet innodatae existunt, ad effectum præsentium duntaxat consequendum harum serie absoluētes, & absolutos fore censentes supplicationibus Præpositi, & Definitorum prædictorum nomine nobis denuo humiliter porrectis inclinati, electiones Præpositi Generalis, & quorumcunque aliorum Officialium, tam à dicto Capitulo Generali, quam à Definitorio seruata forma dictorum recentiorum Statutorum à nobis, vt supra postea confirmatorum factas, & inde secuta quæcunque, Apostolica autoritate tenore præsentium confirmamus, & approbamus, illisque omnibus, & singulis inuiolabilis Apostolicæ firmitatis robur adiicimus, ac prædictos defectus, qui in præmissis, vel eorum aliquo interuenerunt, aut interuenisse dici, vel censi possunt, supple-

mus.

mus. Decernentes electiones, vt supra factas validas, firmas, & efficaces fore, & esse, ac ab omnibus, quos illa concernunt inuiolabiliter obseruari debere, ac irritum, & inane, si secus super his à quoquam quauis autoritate scienter, vel ignorantèr contigerit attentari. Non obstantibus Statutis prædictis, nec non quibusuis constitutionibus, & ordinationibus Apostolicis, nec non aliis dictæ Congregationis, etiam iuramento, confirmatione Apostolica, vel quauis firmitate alia roboratis, statutis, & consuetudinibus, priuilegijs quoque, indultis, & literis Apostolicis eidem Congregationi, illiusq. Superioribus, & quibusuis aliis personis sub quibuscunque tenoribus, & formis, ac cum quibusuis clausulis, decretis in contrarium præmissorum quomodolibet concessis, & confirmatis, & innouatis. Quibus omnibus, & singulis illorum omnium tenores præsentibus plenè, & sufficienter expressis habentes illis aliàs in suo robore permansuris, hac vice duntaxat specialiter, & expressè derogamus, cæterisque contrarijs quibuscunque. Datum Romæ apud Sanctum Petrum sub Annulo Piscatoris die 16. Ianuarii 1614. Pontificatus Nostri Anno 9.

Locus ✠ Annuli Piscatoris.

Scipio Cobellutius.



R 2

IN-

132
INSTRUMENTVM
TRANSUMPTI

Bullæ Pauli Quinti.

SVMMA RIVM.

*Conceditur facultas humandi cadauera decedentium in
Academijs, Collegijs, orphanotrophijs, Seminarijs Con-
gregationis curæ commissis, in eiusdem Congregationis
Ecclesijs.*

IN Nomine Sanctissimæ, & Indiuiduæ Trinitatis
Patris, & Filii, & Spiritus Sæcti Amen. Nouerint
vniuersi hoc præsens publicum Transumpti In-
strumentum inspecturi, lecturi pariter, & audi-
turi, quòd nos Io. Dom. Spinula Prothonotarius Apostoli-
cus, ytriusque Signaturæ Sanctissimi Domini Nostri Papæ
Referendarius, nec non Curiaë causarum Camera Apostoli-
cæ Generalis Auditor, Romanæque Curiaë Iudex ordinarius,
sententiarum quoq. censurarum tam in eadem Romana Curia
quam extra eam latorum, ac literarum Apostolicarum qua-
rumcunq. vniuersalis, & merus executor, ab eodem Sanctiss.
Domino Nostro Papa specialiter deputatus, Ad Venerabilis
Viri Præpositi Generalis Congregationis Clericorum Regu-
larium Somaschæ, aliàs S. Maioli Papiens. principalis instan-
tiam omnes, & singulos sua communiter, vel diuissim interes-
te putantes, eorumq. procuratores, si qui tunc erant in Roma-
na Curia pro eisdem ad videndum, & audiendum, & dicen-
dum, & excipiendum quidquid verbo, ac in scriptis volunt, &
posunt contra literas Apostolicas Sanctissimi Domini No-
stri Papæ sub Annulo Piscatoris, & aliàs onere solito expeditas

133
ditas sub datum Romæ apud S. Mariam Maiorem die 27.
Mensis Octobris præsentis anni MDCXIII. concessionis,
licentiæ, & facultatis ad fauorem dicti Adm. R. Præpositi Ge-
neralis, & Clericorum dictæ Congregationis absque Paro-
chorum iuteruentu Scholarium, Clericorum, & Conuictor-
um in Collegijs, Seminarijs, & Academijs dictæ Congre-
gationis Ecclesiasticæ sepulturæ tradendi, illasque videndum
transumi, & exemplari, & in publicam transumpti formam
redigi mandari per audientiam publicam, litterarum Con-
tradictarum Sanctissimi D. N. Papæ citari fecimus, & man-
dauimus ad certum peremptorium terminum competentem,
videlicet ad diem, & horam infrascriptos, quibus aduenien-
tibus comparuit coram nobis dictus M. R. D. Alexander Bog-
colus dictæ Congregationis Generalis Procurator, & certas
litteras citatorias in dicta Audientia nostro de mandato exe-
cutas facto reportauit, citatorumque in ea contentorum non
comparentium contumaciam accusauit, & in eorum contu-
maciam prædictas literas Apostolicas sanas, & illæsas, ac om-
ni prorsus vitio, & suspicione carentes facto realiter, & in scri-
ptis exhibuit, atque produxit, quas transumi, & exemplari,
ac in publicam formam redigi, mandari, nostramque, & no-
stræ Curiaë authoritatem pariter, & decretum interponi per
instanter postulauit, Nos tunc Io. Dom. Spinula Auditor
præfatus in contumaciam dictorum citatorum non compa-
rentium dictas literas Apostolicas, ea qua decuit, reueren-
tia ad manus nostras recepimus, illasque vidimus, tenuimus,
legimus, diligenter inspeximus, & quia huiusmodi literas
Apostolicas sanas, integras, & illæsas, ac omni prorsus vitio,
& suspicione carentes inuenimus, idcirco ad Admodum R.
D. Alexandri Procuratoris Generalis prædicti instantiam
per nostrum, & dictæ Curiaë nostræ Notarium infrascriptum
transumi, & exemplari, ac in publicam transumpti formam
redigi fecimus, & mandauimus tenoris infrascripti, vide-
licet.

licet. Paulus Papa Quintus ad perpetuam rei memoriam . Romanus Pontifex Christi fidelium quorumlibet, præsertim sub suavi vitæ regularis iugo Altissimo famulantium vota , per quæ litibus , & controuersis inter eos , & alias personas Ecclesiasticas obuiatur, ad exauditionis gratiam libenter admittit , prout in Domino conspicit salubriter expedire . Exponi siquidem nobis nuper fecit dilectus filius Præpositus Generalis Congregationis Clericorum Regularium Somaſchæ, aliàs S. Maioli Papiensis, quòd inter Rectores Collegiorum, ac Seminariorum, & Academiarum curæ , & administrationi dictorum Clericorum commissorum exvna, & Parochos ex altera parte nonnullæ lites , seu controuersia super iure sepeliendi in Ecclesiis Collegiorum, ac Seminariorum, & Academiarum Clericorum , & Conuictorum, qui pro tempore in Seminariis, Collegiis, & Academiis huiusmodi decedunt, sæpius oriuntur , ad quas quidem lites, seu controuersias de cætero euitandas dictus Præpositus Generalis plurimum desiderat Rectoribus, & Clericis prædictis per nos , vt infra indulgeri , & aliàs opportunè de benignitate Apostolica prouideri . Nos pacem , & quietem inter Regulares , & Ecclesiasticas personas huiusmodi conseruari cupientes , ac Præpositum , & Rectores , nec non Clericos prædictos specialibus fauoribus, & gratiis prosequi volentes, & eorum singulares personas, à quibusuis excommunicationis, suspensionis, & interdicti, aliisue Ecclesiasticis sententiis, censuris, & pœnis à iure, vel ab homine quauis occasione, vel causa latis, si quibus quomodolibet innodatae existunt ad effectum præsentium duntaxat consequendum harum serie absoluentes, & absolutos fore censentes, supplicationibus eorum nomine nobis super hoc humiliter porrectis inclinati de consilio Venerabilium Fratrum nostrorum S. R. E. Cardinalium negotiis Regularium Præpositorum, Amerin. ac Gallii nuncupatorum, Comens. & Burgilogani Comen. Diocesis, nec

non

non Oppidi Triultij Mediolanensis Diocesis, Collegiorum, ac Rauennaten. ac Patriarchalis Venetiarum, Seminariorum, nec non Terræ Salodij Brixienſis Diocesis, ac Sancti Spiritus propè, & extra portam Cumanam Mediolanensem, & Sancti Maioli Papiensis Academiarum Rectoribus respectiuè, vt in Sancti Angeli, Sanctæ Mariæ de Rondineto nuncupatae, Sancti Antonij, & Sanctæ Crucis, nec non Sanctæ Catherinæ, & Sanctæ Trinitatis, & Sancti Benedicti, Sancti Spiritus, & Sancti Maioli eorum Ecclesijs respectiuè absque Parochorum interuentu, Scholarium, Clericorum, & Conuictorum prædictorum in Collegiis, Seminariis, & Academiis huiusmodi pro tempore decedentium cadauera, sine tamen quorumcunque iurium Parochialium præiudicio, Ecclesiasticæ sepulturæ tradere liberè, & licitè valeant, ita tamen, vt antequam sepulturæ tradantur, Rectores prædicti Parochos certiores facere teneantur, Apostolica autoritate tenore præsentium concedimus, & indulgemus, non obstantibus constitutionibus, & ordinationibus Apostolicis, cæterisque contrariis quibuscunque . Datum Romæ apud Sanctam Mariam Maiorem sub Annulo Piscatoris, die vigesima septima Octobris; Millesimo Sexcentesimo decimo quarto, Pontificatus nostri Anno decimo . Scipio Cobellutius . loco ✝ Annuli piscatoris . Volentes, & autoritatæ dictæ Curia, decernentes, quòd præsentis nostro Transumpto de cætero, & in antea tam Romana Curia, quàm extra vbicunque locorum in Iudicio, & extra plena, & tanta fides adhibeatur talis, & tanta, qualis, & quanta dictis originalibus literis Apostolicis præinsertis, & cum præsentis transumpto collationatis data fuit, & habita, daturque, & adhibetur, seu daretur, & adhiberetur, si de originalibus literæ in medium exhibitæ, aut ostensæ fuissent . Quibus omnibus, & singulis tanquam ritè, & legitimè factis autoritatem, & decretum dictæ Curia, atque nostram duximus interponendam, & in-

ter-

terposuimus, prout interponimus præsentium per tenorem. In quorum omnium, & singulorum præmissorum fidem has præsentibus fieri, & per infra scriptum Guria nostræ Notarium subscribi, sigillique R. C. Apostolicæ, quo in talibus utimur, iussimus, & fecimus appensione muniri. Datum Romæ, ex Aedibus nostris Anno Domini Millesimo Sexcentesimo Decimo Quarto, Die verò vigesima nona Mensis Octobris, Pontificatus verò Sanctissimi in Christo Patris, & Domini Nostri Domini Pauli Diuina prouidentia Papæ Quinti Anno decimo, præsentibus D. D. Dominico Amodeo, & Laureto Persico Connotariis testibus ad præmissa omnia vocatis, habitis specialiter, atque rogatis &c.

Ego Iulius Pennazolus Curie Casarum Camerae Apostolicæ Notarius de præmissis rogatus hoc Transumpti Instrumentum subscripsi, & signaui requisitus.



BEA-

BEATISSIME

P A T E R.



CONGREGATIO Clericorum Regularium de Somascha aliàs obtinuit à Sanctitate Vestra facultatem, vt singuli eiusdem Congregationis Presbyteri professi omnibus, & quibuscunque personis degentibus, & commorantibus in Orphanotrophijs, Seminarijs, Academijs, & Conuictorum Collegijs sub cura, regimine, administratione dictæ Congregationis existentibus extremæ Vnctionis, nec non etiam tempore Paschatis Resurrectionis Dominicæ Festiuitatis Sanctissimæ Eucharistiæ Sacramenta absque aliquo censurarum, vel poenarum incurfu ministrare valerent, prout in litteris Apostolicis sub plumbo expeditis sexto idus Martii Anno 1605. plenius continetur. Cum autem eadem Congregatio summopere cupiat iisdem personis in præfatis locis vitam agentibus Sanctissimæ Eucharistiæ Sacramentum, etiam per modum Viatici præbere posse absque eo quòd in poenam aliquam, vel censuram incidat, idcirco humiliter petit à Sanctitate Vestra, vt in præmissis benigne prouidere, & secum indulgere dignetur. Sanctissimus Dominus Noster ex sententia Congregationis Concilij concessit Oratoribus, vt impunè possint supradictis personis Sanctissimum Eucharistiæ Sacramentum ministrare, etiam per modum Viatici: citra tamen præiudicium iurium Parochialium.

Horatius Cardinalis Lancellotus.

Locus Sigilli Illustrissimi Cardinalis Arigonii
Præfecti Congregationis Concilii.

S

M E-

138
**MEMORIALE
SANCTISSIMO**

D. N. Paulo V. pro Clericis Regularibus
Congregationis Somaſchæ

E X H I B I T V M

*In Congregatione Concilij habita Romæ Die
xxij. Mensis Februarij MDCXIV.*



Nomine Sanctissimæ, & Individuæ Tri-
nitatis Patris, & Filij, & Spiritus Sancti, A-
men. Nouerint vniuersi, & singuli præſens
publicum literarum Apostolicarum, & de-
cretorum Transumptum, & exemplum, si-
ue Transumpti, & exempli instrumentum
visuri, lecturi, inspecturi pariter, & audituri: Quod Nos Ioã-
nes Dominicus Spinula Prothonotarius Apostolicus, vtriuf-
que Signaturæ Sanctissimi Domini Nostri Papæ Referenda-
rius, nec non Curiaë Cauſarum Cameraë Apostolicæ gene-
ralis Auditor, Romanæque Curiaë Iudex ordinarius, senten-
tiarum quoque, & censurarum, tam in eadem Romana Cu-
ria, quam extra eam latarum, ac literarum Apostolicarum
quarumcunque vniuersalis, & merus executor ab eodem
Sanctissimo Domino Nostro Papa specialiter deputatus. Ad
Venerabilis Congregationis, ac R. R. D. D. Præpositi, &
Clericorum Regularium de Somaſcha, aliàs Sancti Maioli
Papæ nuncupatorum principalium, siue admodum Reue-
rendi Patris Alexandri Boccoli Cremonensis eorundem
Procu-

139
Procuratoris Generalis instantiam, & requisitionem om-
nes, & singulos sua communiter, aut diuisim interesse pu-
tantes, seu habere quomodolibet prætendentes, eorumque
Procuratores, si qui tunc erant in Romana Curia pro eisdem
ad videndum, & audiendum nonnullas literas Apostolicas,
partim sub plumbis, & Annulo Piscatoris respectiue, vt mo-
ris est legitimè expeditas, partim verò in formam Transump-
ti publici, & authentici validè, & legitimè fidem facien-
tis, nec non duo decretain publicam, & authenticam formam
assumpta, plenamque fidem facientia Sacraë Congregatio-
nis Illustrissimorum D. D. Cardinalium Sacri Concilii Tri-
dentini Interpretum manu Illustrissimi Domini Cardinalis
Lancellotti, vt apparet, subscripta, ac Sigillo Illustrissimi, &
Reuerendissimi Domini Cardinalis Arigonij eiusdem Con-
gregationis præfecti munita, & roborata transumi, & exem-
plari, ac in publicam, & authenticam transumpti, & exem-
pli formam redigi, & registrari, vel dicendum, & oppo-
nendum, & causam, si quam habeant rationabilem, quare
præmissa fieri minimè debeant, allegandum per audientiam
publicam literarum contradictarum Sanctissimi Domini
nostri Papæ citari fecimus, & mandauimus ad certum pe-
rèptorium terminum cõpetentem, videlicet ad diem, & ho-
ram infrascriptos, quibus aduenientibus comparuit in iu-
dicio legitimè coram nobis idem admodum Reuerendus
Pater Alexander Boccolus Procurator, & quædam literas
citorias in eadem audientia Contradictarum modo de
mandato executas factò reportauit, citatorumque in eadem
contentorum non comparentium contumaciã accusauit,
& in eorum contumaciã prædictas literas Apostolicas,
Transumpta, & decreta omnia sana, integra, & illæsa,
non cancellata, neque abraſa, seu alio quouis modo lace-
rata, & viciata, sed omni prorsus vitio, & suspitione ca-
rentia, factò realiter, & in scriptis exhibuit, atque pro-
duxit,

duxit, quæ transumi, & exemplati, ac in publicam, & authenticam formam transumpti redigi, & registrari mandari, namque, & dictæ Curie nostræ autoritatem pariter, & decretum interponi per nos instanter, & debite postulauit, Nos tunc Ioannes Dominicus Auditor, & Iudex prædictus, attendentes requisitionem huiusmodi fore iustam, & rationi consonam, quodque iusta petenti non est denegandus assensus, in contumaciam dictorum citatorum non comparentium dictas literas Apostolicas, Transumpta, & decreta, vt supra, ad manus nostras recepimus, illa omnia vidimus, tenuimus, legimus, & diligenter inspeximus, & quia huiusmodi literas Apostolicas, transumpta, & decreta, sana, integra, & illæsa, ac omni prorsus vitio, & suspicione carere inuenimus; Idcirco ad dicti R. P. Alexandri Boccoli Procuratoris generalis instantiam, & requisitionem, per nostrum, & Curie nostræ Notarium infra scriptum transumi, & exemplari, ac in publicam, & authenticam Transumpti formam redigi, & registrari fecimus, & mandauimus tenorum superius insertorum, & expressorum. Volentes, & autoritate nostri Officij, ac dictæ Curie decernentes, quod huic præsentis nostro Transumpto, siue exemplo de cætero, & in antea, tam in Romana Curia, quam extra eam vbicunque locorum in iudicio, & extra, plena, & talis, et tanta fides adhibeatur, qualis, et quanta dictis originalibus literis Apostolicis, transumptis, et decretis superius insertis, et cum præsentis transumpto collationatis data foret, et exhibita, daturque, et adhibetur, seu daretur, et adhiberetur, si ipsæ originales literæ in medium exhibite, aut ostense fuissent. Quibus omnibus, et singulis, tanquam rite, recte, ac legitime gestis, et factis, nostram, dicteque nostræ Curie, et Officij, quo fungimur autoritatem ordinariam pariter, et decretum duximus interponendam, prout interponimus per præsentium tenorem. In quorum

omnium, & singulorum fidem has præsentis fieri, & per infra scriptum Curie nostræ Notarium subscribi, & publicari, Sigillique Reuerendæ Camere Apostolicæ, quo in talibus vtimur, iussimus, & fecimus appensione muniri.

Datum, & actum Romæ ex Ædibus nostris Anno Domini Millesimo, sexcentesimo decimo quarto, Indictione duodecima; Die verò vigesima prima Mensis Aprilis; Pontificatus Sanctissimi in Christo Patris, & Domini Nostri Domini Pauli, diuina prouidentia Papæ V. Anno nono; Præsentibus ibidem, audientibus, & intelligentibus D. D. Laureto Perfico, & Antimo Palmerio, eiusdem Curie Notariis Testibus ad præmissa omnia vocatis, habitis, atque rogatis.

L. A. Virilis Lñs.

Ego Iulius Pennazolus Curie Causarum Camere Apostolicæ Notarius de præmissis rogatus hoc Transumpti Instrumentum subscripsi, & signaui requisitus.



142
PAVLI QVINTI

B R E V E.

S V M M A R I V M.

- 1 *Vnitur Congregatio Clericorum Doctrinae Christiana in Ciuitate Auenionis instituta Congregationi Clericorum Regularium Somaſchæ.*
- 2 *Referuntur Capitula inter eaſdem Congregationes inita, & approbantur.*



AVLVVS PAPA QVINTVS . Ad perpetuam rei memoriam . Ex iniuncto nobis deſuper Apoſtolice ſeruitutis officio, ad ea per quæ piorum hominum Congregationes, in militante Eccleſia præſertim ad legem Chriſtianam rudibus exponendam, provide, ſanctæque inſtitutæ, maioribus in dies proficiant incrementis, ſedulò intendimus .

§. 1. Exponi ſi quidem nobis nuper fecerunt dilecti filij Antonius Vigerius Præpoſitus, ac Clerici ſæculares Congregationis Doctrinæ Chriſtianæ in Ciuitate Auiſionen. canonicè inſtitutæ, quòd ipſi feliciori eiſdem Congregationis ſtatui, & augmento conſulere volentes, eamdem Congregationem, Congregationi Clericorum Regularium Congregationis Somaſchæ, alias S. Maioli Papien. per nos vniri, & incorporari deſiderant, & propterea inſcripſita Capitula cum dilectis etiam filijs Præpoſito, & Clericis Regularibus dictæ Congregationis Somaſchæ ſtatuerunt, quæ à Venerabilibus fratribus noſtris Sanctæ Romanæ Eccleſiæ Cardinalibus ne-

gotijs

143
gotijs Regularium Præpoſitis recognita, & approbata fuerunt, tenoris ſequentis videlicet.

§. 2. Conuentiones firmatæ, ac ſtabilitæ inter Clericos Regulares Congregationis de Somaſcha, & Patres Congregationis Doctrinæ Chriſtianæ in Regno Galliæ, pro vnione faciendâ vtriuſque Congregationis. Quod quidem negotium à Sanctiſſimo D. N. fuit commiſſum Sacræ Congregationi Illuſtriſſimorum DD. Cardinalium negotijs Epiſcoporum, & Regularium Præpoſitorum.

Caput I.

In primis igitur Doctrinæ Chriſtianæ Patres, eorumque ſucceſſores in perpetuum ſecum retinebunt inſtitutum docendi Doctrinam Chriſtianam parua, mediocrem, & magna iuxta laudabilem conſuetudinem, quam inuolabiler ſeruabunt, & in ijs Domibus, quas nunc poſſident, & in ijs, quas in poſterum poſſidebunt in toto Regno Galliæ.

Caput II.

Reuerend. Pater Cæſar de Bus, vir pietatis eximiæ, Congregationisque Patrum Doctrinæ Chriſtianæ in Regno Galliæ primus parens, & inſtitutor, habeatur in religione pro auctore, vt reuera fuit, huius Sanctiſſimi inſtituti Doctrinam Chriſtianam in dicto Regno Galliæ Populos edocendi.

Caput III.

Patres Doctrinæ Chriſtianæ in Gallia vocari deinceps poſt factam vnionem debebunt Patres Doctrinæ Chriſtianæ Congregationis Somaſchæ, ſeu S. Maioli Papiæ, & priuilegia omnia erunt communia.

Caput

Caput IV.

Sub obedientia viuent Præpositi Generalis de Somascha, qui semel singulis triennijs per se, vel per alium ab eo destinandum eos visitabit. Cæterum eorum regimen, & gubernatio in toto Regno Gallix, in domibus tam acquisitis, quam acquirendis, sit penes Superiores Gallos, & Prouincialis similiter Gallus eligendus per Capitulum Generale de Somascha eis instituat. Qui quidem erit vnus ex duobus, vel tribus Patribus nominatis, siue propositis à Capitulo Prouinciali ipsius Prouinciæ Gallix tempore debito congregato.

Caput V.

Cuius Prouincialis auctoritas erit, de loco ad locum personas mutare. Nouitios per se, vel per locorum Superiores ad professionem admittere. Concionatoribus concionandi facultatem concedere, dummodo ab Episcopis locorum licentiam, seu benedictionem ad formam Concilij Tridentini obtineant, & alia facere, quæ Visitatoribus dictæ Congregationis Somaschæ conceduntur. In reliquis autem tanta sit eius auctoritas, quanta à Capitulo Prouinciali conceditur eidemet. Debebit tamen Præpositum Generalem, vbi commodè poterit, consulere, vel saltem de singulis magni momenti rebus certiore facere. Prouincialis statim atque erit electus, censeatur esse, & sit ipso facto de gremio Capituli Generalis, in quo vocem actiuam, & passiuam habeat. Eius officium per triennium durabit. Ad Capitulum Generale cum accedet, socium vnum seu discretum, antea à Capitulo Prouinciali electum deducet, qui quidem socius in Capitulo Generali interueniet cum vtraque voce.

Caput

Caput VI.

Quòd si contingat Prouincialis obitus, eo casu Superior professione senior censeatur electus.

Caput VII.

Ad Capitulum Prouinciale spectabit, cum maiori parte votorum noua loca, præuio tamen Episcoporum consensu, & seruata forma Clementis VIII. recipere, recepta deferere, Superiores locales eligere, vel deponere, reos, si qui erunt, punire, aut innocentes absoluerè, curam Monialium ordinariam pro Confessionibus audiendis de consensu, & licentia eorundem Episcoporum recipere, bona in vniuersum in toto Regno Gallix ipsi Congregationi relicta, alicui loco particulari assignare, Nouitios quadragesimum annum excedentes, vel qui alterius Religionis habitum habuerint, & debitam transeundi facultatem à Sede Apostolica obtinuerint, ad probationem admittere, exèptiones diuturnas maximè senibus, & Studentibus ad tempus, non autem perpetuò, & ex causa impertiri, locum pro Capitulo Prouinciali proximè congregando determinare.

Caput VIII.

Insuper Capitulo Prouinciali, quod mense Septembris præcedente Capitulum generale, conuocandum erit, præter Prouincialem, interesse debebit quilibet Superior localis vnà cum socio seu Discreto a Capitulo Conuentali eiusdem loci, dummodo sex saltem ibi resideant, eligendo.

§. 3. Quare pro parte primodictæ Congregationis fuit nobis humiliter supplicatum, quatenus vnionem, & incorpora-

T

tionem

tionem huiusmodi facere, & in eis præmissis opportunè providere de benignitate Apostolica dignarcmur. Nos pijs Clericorum prædictorum votis quantum cum Domino possumus, annuere, illosq. specialibus favoribus, & gratijs prosequi volentes, & eorum singulares personas à quibusvis excommunicationis, suspensionis, & Interdicti poenis absoluētes, & absolutos fore cēsentēs, huiusmodi supplicationibus inclinati, de eorundem Cardinalium consilio dictā Congregationē Doctrinæ Christianæ in prædicta ciuitate Auin. institutam Congregationi Somaſchæ prædictæ ita vt vnum corpus Congregationis efficiant, ac Clerici dictæ Congregationis Doctrinæ Christianæ, regulas & constitutiones secundo dictæ Congregationis Somaſchæ ab Apostolica Sede approbatas seruent, & profiteantur, nec non Capitula prædicta adimpleantur, & etiam seruentur, saluis tamen limitationibus, & modificationibus infraſcriptis, videlicet, quòd Prouincialis prædictus exemptiones diuturnas huiusmodi, non nisi ex causa alicuius impedimenti concedere possit aut debeat, Apostolica auctoritate tenore præsentium perpetuò vnimus, & incorporamus,

§. 4. Nec non cum dicto Antonio, vt infra quatuor menses à die cæptæ probationis numerandos, integro non expectato probationis anno, professionem per dictos Clericos Congregationis Somaſchæ huiusmodi emitti solitā expressè emitte re liberè, & licitè valeat, auctoritate, & tenore prædictis indulgemus, ac cum eodem desuper dispensamus. Cæteros verò primo dictæ Congreg. Clericos Congregationis Somaſchæ, antequam professionem huiusmodi emittant, annum probationis integrè complere debere.

§. 5. Ac Clericos secundo dictæ Congregationis in Galliam pro instructione dictorum præbyterorum mittendos, in statu Ecclesiastico Regni Galliæ locorum Superiores, etiam si non sint Galli, eligi posse statuimus,

§. 6. Decernentes præsentēs literas validas, firmas, & efficaces.

caces existere, & fore, suosque plenarios, & integros effectus sortiri, & obtinere, ac ab omnibus ad quos spectat inuiolabiliter obseruari debere, ac irritum, & inane si secus super his à quoquam quauis auctoritate, scienter vel ignoranter contigerit attentari.

§. 7. Non obstantibus Constitutionibus, & ordinationibus Apostolicis, ac vtriusque Congregationis huiusmodi, etiam iuramento, confirmatione Apostolica, vel quauis firmitate alia roboratis statutis, & cōsuetudinibus, privilegijs quoque indultis, & literis Apostolicis in contrarium præmissorum quomodolibet concessis, confirmatis, & innouatis. Quibus omnibus, & singulis eorum omnium tenores præsentibus pro expressis habentes, hac vice duntaxat specialiter & expressè derogamus, cæterisque contrariis quibuscunque.

§. 8. Volumus etiam, vt præsentium transumptis manu Notarii publici subscriptis, & sigillo alicuius personæ in dignitate Ecclesiastica constitutæ munitis eadem prorsus fides vbique adhibeatur, quæ præsentibus adhiberetur, si forent exhibitæ, vel ostensæ.

Datum Romæ apud S. Mariam Maiorem die 11. Aprilis 1616. Anno vndecimo.



GREGORII XV.

B R E V E.

S V M M A R I V M.

Confirmatur pium Congregationis Somaſchæ Institutum docendi in Seminarjs, Academjs, & Scholis publicis Grammaticam, Rhetoricam, Logicam, Philoſophiam, Mathematicam, S. Theologiam, Casus conſcientiæ Doctrinam Chriſtianam, & Sacram Scripturam.



REGORIVS PAPA XV. Ad futuram rei memoriam. Expositum Nobis nuper fuit pro parte dilecti filij Augustini Froſconij Procuratoris Generalis Presbiterorum Congregationis Somaſchæ, aliàs S. Maioli Papiens. quod Presbyteri eiusdem Congregationis iuxta pium, & particulare illius institutum in multis Seminarjs, Academjs, & Scholis publicis, Grammaticam, Rhetoricam, Logicam, Philoſophiam, Mathematicam, Sacram Theologiam, Casus Conſcientiæ, Doctrinam Chriſtianam, & Sacram Scripturam docere conſueverunt. Cum autem, sicut eadem expositio subiungat, dictus Procurator plurimum cupiat institutum huiusmodi Apostolicæ confirmationis robore, vt infra, communiri. Nobis propterea totius Congregationis prædictæ nomine humiliter supplicari fecit, vt in præmissis opportunè providere de benignitate Apostolica dignaremur. Nos igitur dictæ Congregationis votis, quantum cum Domino possumus, annuere volentes, huiusmodi supplicationibus inclinati, de Venerabilium fratrum nostrorum Sanctæ Romanæ Ecclesiæ Cardinalium Concilij Tri-

den-

dentini interpretum consilio, institutum prædictum pro vniuersis dictæ Congregationis locis, ac domibus, maximè in Regno Galliæ existentibus, Apostolica auctoritate, tenore præsentium approbamus, & confirmamus, illique inuiolabilis Apostolicæ firmitatis robur adiicimus, Decernentes præsentem literas validas, firmas, ac efficaces existere, & fore, dictisque Presbyteris in omnibus, & per omnia plenissimè suffragari, ac irritum, & inane, si secus super his à quoque, quauis auctoritate scienter, vel ignoranter contigerit attentari. Non obstantibus constitutionibus, & ordinationibus Apostolicis, cæterisque contrariis quibuscunque Volumus autem, vt præsentium transumptis etiam impressis, & manu alicuius Notarii publici subscriptis, ac Sigillo alicuius personæ in dignitate Ecclesiastica constitutæ munitis eadem prorsus fides in iudicio, & extra illud adhibeatur, quæ præsentibus adhiberetur, si forent exhibitæ, vel ostensæ. Datum Romæ apud Sanctum Petrum sub Anulo Piscatoris Die 2. Iunii M D C XXII. Pontificatus Nostri Anno Primo.

S. Car. S. Suf.



VRBA-

VRBANI VIII

B V L L A

S V M M A R I V M.

- 1 *Instituitur in Ciuitate Casalensi Collegium pro duobus ex dicta Ciuitate, decem è statu Montisferrati, & duobus ex partibus Belgij oriundis Adolescentibus ex pia Andrea Treuisi voluntate.*
- 2 *Eius regimen, & administratio Patribus Congregationis Somaschæ demandatur.*



AD perpetuam rei memoriam. Inscrutabilis Diuinæ sapientiæ providentia ea suorum fidelium mentibus frequenter suggerit, quæ ad Collegiorum, & aliorum piorum locorum propagationem, pauperumque studiis literarum incumbere volentium, manutationem, & instructionem noscuntur pertinere. Vnde Nos, quibus eadem providentia, Dominici gregis cura commissa est, pia eorundem fidelium desideria ad id tendentia, vt optatos fortiantur effectus, libenter cum à nobis petitur, Apostolici fauoris patrocínio prosequimur, prout conspicimus in Domino salubriter expedire. Exponi si quidem nobis nuper fecit dilectus filius Alexander Boccolus, Clericorum Regularium Congregationis Somaschæ, aliàs Sancti Maioli Papiensis, Procurator Generalis, quòd dilectus pariter filius Andreas Treuisius Casalensis diocesis salubri iuuentutis status Montisferrati educationi, atque faciliiori in bonarum literarum studiis instructioni consulere volens, vnum Collegium in Ciuitate Casalensi, in quo duo è dicta

dicta Ciuitate, decem è statu prædicto, ac reliqui duo ex partibus Belgij oriundi iuuenes recipiantur, & manuteneantur, per Nos erigi, curamque, regimen, & administrationem pii operis huiusmodi Clericis Regularibus prædictis demandari summopere desiderat: pro dicti verò Collegii erectione, ipsiusque Alumnorum, ac Clericorum regularium illius regimen, & curam gerentium huiusmodi manutatione, onerumque eis incumbentium supportatione, vnum, seu plures redditus annuos ad summam octingentorum, & quinquaginta scutorum monetæ, assignauit, prout in instrumento desuper confecto dicitur contineri. Quare tam Alexander, quàm Andreas prædicti nobis humiliter supplicari fecerunt, vt in præmissis opportunè providere de benignitate Apostolica dignaremur. Nos igitur laudabile ipsius Andreae desiderium plurimum in Domino commendantes, ipsosque Andream, & Alexandrum specialibus fauoribus, & gratis prosequi volentes, & à quibusuis excommunicationis, suspensionis, & interdicti, aliisque Ecclesiasticis sèntentijs, censuris, & pænis à iure, vel ab homine, quauis occasione, vel causa latis, si quibus quomodolibet innodati existant, ad effectum præsentium duntaxat consequendum harum serie, absoluentes, & absolutos fore censentes; huiusmodi supplicationibus inclinati, in Ciuitate Casalensi prædicta, ac ædibus ad hunc effectum per eundem Andream acquisitis, seu acquirendis vnum Collegium cū Capella, seu Oratorio Refectorio communi, Sigillo, Bibliotheca, archiuio, cæterisque Collegialibus insignibus, & membris, ac officinis necessarijs, & opportunis pro perpetuis receptione, vsu, & habitatione, ac quatuordecim Alumnorum siue Scholarium huiusmodi, nec non sufficienti Regularium prædictorum numero, qui pii operis huiusmodi curam gerant, dictosque alumnos bonis literis, ac Ecclesiastica disciplina imbuant, Apostolica autoritate, tenore præsentium, sine tamen alicuius præ-


præiudicio erigimus, & instituimus, illique sic erecto, & instituto pro eius dote, ac Alumnorum, siue scholarium, nec non Regularium prædictorum sustentatione, onerumque illis incumbentium supportatione redditum, seu redditus octingentorum, & quinquaginta scutorum huiusmodi, omniaque, & singula alia bona per ipsum Andream, & quoscumque alios Christi fideles eidem Collegio donanda, & assignanda, ex nunc, prout postque donata, & assignata fuerint, ita quod liceat Clericis regularibus prædictis eorundem bonorum omnium corporalem, realem, & actualem possessionem suo, & dicti Collegii nominibus propria auctoritate libere apprehendere, & apprehensam perpetuò retinere, fructus quoque, redditus, prouetus, iura, obventiones, & emolumenta quæcunque ex eis quomodolibet prouenientia percipere, exigere, leuare, recuperare, locare, arrendare, ac in communes dicti Collegii vsus, & utilitatem conuertere, cuiusuis licentia desuper minimè requisita, auctoritate, & tenore prædictis perpetuò applicamus, & appropriamus. Decernentes præsentem literas validas, firmas, & efficaces existere, & fore, suosque plenarios, & integros effectus sortiri, & obtinere, sicque per quoscunque Iudices ordinarios, & Delegatos, etiam Causarum Palatii Apostolici Auditores vbique iudicari, & definiri debere, ac irritum, & inane, si secus super his à quoque quauis auctoritate, scienter, vel ignoranter contigerit attentari. Non obstantibus Constitutionibus, & ordinationibus Apostolicis, coeterisque contrariis quibuscunque. Datum Romæ apud Sanctum Petrum sub Annulo Piscatoris Die 23. Februarii M DC XXIII. Pontificatus Nostri Anno Primo.

V. Theatin.

Fidem

Fidem facio, & attestor ego infra scriptus Vicarius Generalis, Congregationis Soma schæ, & Præpositus Sancti Maioli Papiæ reperiri in Archiuo nostræ Congregationis existente in dicto Collegio Breue tenoris retroscripti in forma expeditum, signatum, & cum sigillo, & aliis requisitis. In quorum fidem die 10. Iulii 1663.

D. Hieronymus Gallianus Vicarius Generalibus Congregationis Soma schæ, & Præpositus Sancti Maioli Papiæ.



V VRBA

154
VRBANI VIII

B R E V E

S V M M A R I V M.

Constitutiones Clericorum Regularium Congregationis Somaſchæ per S. R. E. Cardinales Regularium negotijs præpositos recognita, & in unum volumen compilata, perpetuò approbantur, & auctoritate Apostolica confirmantur.



VRBANVS PAPA VIII. Ad perpetuam rei memoriam. Sacrosanctum Apostolatus officiũ humilitati nostræ per ineffabilem Diuinæ sapientiæ providentiam commissum iugiter Nos admonet, vt inter grauissimas, multiplicesq. Apostolicæ seruitutis curas, illam peculiari studio amplectamur, per quam Christi fideles sub suaui religionis iugo virtutum Domino famulantes sub certis, & providè ordinatis statutis, atque Constitutionibus in sanctitate, & iustitia, felicioribus in dies proficiant incrementis, ac proinde iis, quæ propterea statuta, & ordinata sunt, vt ab omnibus, ad quos spectat, inuiolabiliter obseruentur, perpetuaque roboris firmitate subsistant, Apostolicæ confirmationis patrocinio communimus, prout conspiciamus in Domino salubriter expedire. Sanè dilectus filius Ioannes Antonius Palinus Procurator Generalis Congregationis Somaſchæ, aliàs Sancti Maioli Papiensis, & Doctrinæ Christianæ Regni Franciæ suo, & dictæ Congregationis nomine nobis nuper exponi fecit, quòd pro felici, & prospero eiusdem Congregationis regimine, atque gubernio, nonnullæ Constitutiones di-

uersis

155
uersis temporibus factæ, nouissimè verò per Venerabiles fratres nostros sanctæ Romanæ Ecclesiæ Cardinales negotijs Regularium præpositos recognita, & in vnum volumen compilatæ fuerunt tenoris subsequētis, videlicet. *Omittuntur libri quatuor Constitutionum separatim impressi.* Cum autem sicut eadem expositio subiūgebat, dictus Io: Antonius Procurator Generalis nominibus prædictis, præinsertis Constitutionibus pro perpetua illarum subsistentia, & inuiolabili obseruantia Apostolici nostri muniminis firmitatem per Nos adiici summo opere desideret, Nobis que propterea humiliter supplicari fecerit, vt in præmissis opportunè provide- re de benignitate Apostolica dignaremur; Nos inuiolabili earundem Constitutionum obseruationi, quantum nobis ex alto conceditur, consulere, nec non dictum Procuratorem Generalem, ac totam Congregationem prædictam speciali- bus fauoribus, & gratijs prosequi volentes, & illorum singula- res personas à quibusuis excommunicationis, suspensionis, & interdicti, aliisque Ecclesiasticis sententijs, censuris, & poenis à iure, vel ab homine quauis occasione, vel causa latis, si quibus quomodolibet iunodata existunt, ad effectum præsentium duntaxat consequendum harum serie absoluentes, & absolutos fore censentes, huiusmodi supplicationibus inclinati, de eorundem Fratrum consilio præinsertas Constitutio- nes Apostolica auctoritate tenore præsentium perpetuò approbamus, & confirmamus, illisque inuiolabilis Apostolicæ firmitatis robur adiicimus, omnesque, & singulos tam iuris, quàm facti quantumlibet substantialis defectus, si qui in illis interuenerint, supplemus: Decernentes eadem Constitutio- nes, nec non præsentis literas semper, & perpetuò validas, firmas, & efficaces existere, & fore, nec non in dicta Congrega- tione ab omnibus, ad quos spectat, & in futurum quomodolibet spectabit, inuiolabiliter sub poenis in eiusdem statutis cõ- minatis obseruari, & adimpleri debere, ac quoscunque eius-

V 2

dem

dom Congregationes Superiores, Presbyteros, & personàs, ad plenariam illorum obseruantiam omnibus iuris, & facti remedijs cogi, & compelli posse, sicque per quoscumque iudices ordinarios, & delegatos etiam causarum Palatii Apostolici Auditores iudicari, & definiri debere, ac irritum, & inane, si secus super his à quoquam quauis auctoritate scienter, vel ignoranter contigerit attentari. Non obstantibus constitutionibus, & ordinationibus Apostolicis, ac quibusuis alijs dictæ Congregationis etiam iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoque, indultis, & literis quibusuis ipsius Congregationis Superioribus, Presbyteris, & personis huiusmodi, sub quibuscunque tenoribus, & formis, ac cum quibusuis etiam derogatorijs derogatorijs, aliisque efficacioribus, & insolitis clausulis, irritantibusque, & alijs decretis in genere, vel in specie, ac alijs in contrarium præmissorum quomodolibet concessis, confirmatis, & innouatis. Quibus omnibus, & singulis eorum omnium tenores præsentibus pro plenè, & sufficienter expressis habentes, illis alias in suo robore permanentibus, hac vice duntaxat specialiter, & expressè derogamus, cœterisque contrarijs quibuscunque. Datum Romæ apud Sanctam Mariam Maiorem sub Annulo Piscatoris die 7. Maij M DC XXVI. Pontificatus Nostri Anno tertio.

Locus ✠ Sigilli.

V. Theatin.



VRBANI VIII

B R E V E .

S V M M A R I V M .

- 1 Refertur tenor Constitutionum Congregationis Somaſche, quibus tenentur Sacerdotes tres Missas Defunctorum pro anima cuiuslibet eiusdem Congregationis Professoris statim atque ex hac vita migrauerit, celebrare.
- 2 Conceditur Sacerdotibus eiusdem Congregationis pro tempore existentibus, quòd celebrata per eos una Missa Defunctorum pro anima cuiuslibet dictæ Congregationis Professoris ex hac vita migrantis, quoad reliquas duas Missas, quas iuxta dictas Constitutiones celebrare tenentur, faciendo commemorationem pro Defuncto in Missis de Sancto, vel de die occurrente supplere possint, & valeant.



VRBANVS PAPA VIII. Ad futuram rei memoriam. Exponi Nobis nuper fecit Dilectus Filius Procurator Generalis Cleric. Regularium de Somaſcha aliàs S. Maioli, quòd quilibet Sacerdos ipsius Congregationis iuxta illius Constitutiones Apostolica auctoritate confirmatas tres Missas Defunctorum pro anima cuiuslibet eiusdem Congregationis Professoris statim atque ex hac Vita migrauerit, celebrare tenetur, quo fit, vt ij, qui Missarum quotidianarum onera supportare tenentur, impediuntur. Quare cum ipsa Congregatio ob illius reddituum tenuitatem eisdem Constitutionibus

hac

hac in parte vlllo modo satisfacere nequeat, Dicitur Procurator Generalis nobis humiliter supplicari fecit, quatenus sibi desuper, vt infra, opportunè providere de benignitate Apostolica dignaremur. Nos igitur dictum Procuratorem Generalem specialibus huiusmodi supplicationibus inclinati, eiusdem Congregationis Sacerdotibus nunc, & pro tempore existentibus, quòd celebrata per eos vna Missa Defunctorum pro anima cuiuslibet dictæ Congregationis Professoris ex hac Vita migrantis, vt præfertur, quoad reliquas duas Missas, quas iuxta dictas Constitutiones celebrare tenentur, faciendo commemorationem pro defuncto in Missis de Sancto, vel de Die occurrenti, supplere possint, & valeant, Apostolica auctoritate prædicta tenore præsentium concedimus, & indulgemus. Decernentes præsentis literas validas, & firmas, & efficaces existere, & fore, suosque plenarios, & integros effectus sortiri, & obtinere, ac eidem Congregationi in omnibus, & per omnia plenissimè suffragari. Non obstantibus Constitutionibus, & Ordinationibus Apostolicis, ac dictæ Congregationis, etiam iuramento, Confirmatione Apostolica, vel quavis firmitate alia roboratis, statutis, & consuetudinibus, cæterisque contrarijs quibuscunque.

Dat. Romæ apud S. Mariam Maiorem sub annulo Piscatoris die 20. Nouembris M. DC. XXVIII. Pontificatus Nostri Anno sexto.

M. A. Maraldus.



BRE-

B R E V E S. D. N. V R B A N I

P A P Æ V I I I.

S V M M A R I V M.

- 1 Refertur tenor literarum Pauli Papæ V. in fauorem Congregationis concessarum.
- 2 Declaratur ex vi illarum concessam fuisse implicite licentiam nostris Patribus habendi priuata Oratoria in Orphanotrophijs, Seminarijs, Academijs, & Conuictorum Collegijs, etiam nostra Congregationis non proprijs, in usque Sacrosanctum Missæ Sacrificium etiam extra tempus Paschatis in personarum dictis in locis degentium, & commorantium presentia.
- 3 Quatenus opus sit, huiusmodi priuilegium nostra Congregationi de nouo conceditur.



VRBANVS PAPA OCTAVVS. Ad futuram rei memoriam. Alias fel. recor. Paulus Papa V. prædecessor noster inter alia priuilegia Congregationi Clericorum Regularium de Somascha, aliàs Sancti Maioli nuncupatorum Papien. concessit, vt singuli Presbyteri professi dictæ Congregationis omnibus, & quibuscunque personis degentibus, & commorantibus in Orphanotrophijs, Seminarijs, Academijs, & Conuictorum Collegijs sub cura, regimine, & administratione dictæ Congregationis existentibus Extremæ Vnctionis, nec non etiam tempore Paschatis, Resurrectionis Dominicæ festiuitatis, Sanctissimæ Eucharistiæ Sacramenta, absque ali-

quo

quo censurarum, & poenarum incurſu ministrare poſſent, prout in dicti Pauli prædeceſſoris literis deſuper confectis, quarum tenores præſentibus pro expreſſis haberi volumus, plenius continetur. Cum autem ſicut dilectus filius Franciſcus Tontulus Procurator Generalis dictæ Congregationis, Nobis nuper exponi fecit, à nonnullis locorum Ordinarijs reuocetur in dubium, an per ſupradictam conſeſſionem. Presbyteris prædictis implicite etiam conſeſſa ſit licentia, priuata Oratoria in Orphanotrophijs, Seminarijs, Academijs, & Conuictorum Collegijs huiusmodi præſertim dictæ Congregationis non proprijs, habendi, in eiſque Sacroſanctum Miſſæ Sacrificium etiam extra tempus Paſchatis celebrandi. Nobis propterea dictus Procurator Generalis humiliter ſupplicari fecit, vt dubium huiusmodi opportunè noſtræ declarationis miniſterio è medio tollere de benignitate Apoſtolica dignaremur. Hinc eſt, quòd Nos dictum Procuratorem Generalem, totamque ipſam Congregationem ſpecialibus fauoribus, & gratijs proſequi volentes, & eius ſingulares perſonas à quibuſuis excommunicationis, ſuſpenſionis, & interdicti, alijsque eccleſiaſticis ſententijs, cenſuris, & poenis à Iure, vel ab homine quauis occasione, vel cauſa latis, ſi quibus quomodolibet innodatae exiſtunt, ad effectum præſentium dumtaxat conſequendum harũ ſerie abſoluentes, & abſolutas fore cèſentes, huiusmodi ſupplicationibus inclinati, eidem Congregationi, quòd ipſa in Orphanotrophijs, Seminarijs, Academijs, & Conuictorum Collegijs huiusmodi etiam non proprijs dictæ Congregationis, ſub eius tamen cura, regimine, & adminiſtratione exiſtentibus, Oratoria priuata habere, ipſiusque Congregationis Presbyteri profeſſi in eis Sacroſanctum Miſſæ Sacrificium in perſonarum in dictis Orphanotrophijs, Seminarijs, Academijs, & Conuictorum Collegijs degentium, & commorantium præſentia, tam intra, quàm ex

tra

tra tempus Paſchatis, Reſurrectionis Dominicæ feſtiuitatis huiusmodi celebrare liberè, & licite poſſint, & valeant Apoſtolica auctoritate tenore præſentium declaramus, ac quatenus opus ſit eis de nouo concedimus, & indulgemus. Non obſtantib. præmiſſis, ac Conſtitutionibus, & Ordinationibus Apoſtolicis, cæteriſque contrarijs quibuſcunque.

Datum Romæ apud Sanctum Petrum ſub Annulo Piſcatoris die xxij. Decembris MDCXXXII. Pontificatus Noſtri Anno Decimo.

M.A. Maraldus.



X

BRE-

B R E V E
S. D. N. V R B A N I
P A P A E V I I I.
S V M M A R I V M.

- 1 *Refertur tenor literarum fel. rec. Clem. Papæ VIII. quibus Rectori, & Confessario Collegij Clementini tunc, & pro tempore existentibus facultas tributa fuit absoluendi in foro conscientia, à censuris, & pœnis ecclesiasticis eiusdem Collegij Alumnos, si eueniret, vt se mutuò, vel alios Ecclesiastici Ordinis viros in eodem Collegio existentes laderent, aut etiam leuiter vulnerarent.*
- 2 *Eadem facultas absoluendi Alumnos, atque etiam Collegiales vt supra a Sanctissimo D. N. Urbano Papa VIII. conceditur Rectoribus, & Confessarijs Collegiorum, & locorum omnium sub cura, & disciplina nostræ Congregationis nunc, & pro tempore existentium.*



VRBANVS PAPA VIII. Ad futuram rei memoriam. Aliàs fel. record. Clementi Papæ VIII. prædecessori nostro pro parte tunc existentium Rectoris, & Confessarij Collegij Clementini nuncupati de Vrbe exposito, quòd cum inter Alumnos dicti Collegij multi essent Clerici adolescentes, Ecclesiasticique Ordinis viri, interdumque eueniret dictos Alumnos, vt inter iuuenes altercantes fieri solet se mutuò, seu alios Ecclesiastici Ordinis viros in eodem Collegio existentes ledere, ac forsan etiam leuiter vulnerare, vt metuendum esset, ne propte-

propterea in censuras, & pœnas ecclesiasticas in Sacris Canonibus contentas incurrerent; Idem Clemens prædecessor Rectoris, & Confessarij prædictorum supplicationibus ea in parte inclinatus, eidem Rectori, & Confessario tunc, & pro tempore existentibus Alumnos prædictos, quoties huiusmodi casus euenisset, à prædictis censuris, & pœnis, imposita illis suo arbitrio pœnitentia salutari, in foro conscientia duntaxat absoluendi facultatem impartitus fuit, prout in suis in simili forma Breuis desuper expeditis literis, quarum tenores præsentibus pro expressis haberi volumus, plenius continetur. Cum autem sicut dilectus filius Franciscus Tontolus Procurator Generalis Congregationis Clericorum Regularium Somaschæ, aliàs Sancti Maioli Papiensis, Nobis nuper exponi fecit, Clerici Regulares Congregationis huiusmodi, qui dicti Collegij curam gerunt, multa etiam alia Collegia, & loca in quibus pueri, & adolescentes Christianis moribus, bonisque literis imbuuntur, sub eorum cura, & disciplina habeant, in eis que etiam multi adsint Clerici, Ecclesiasticique Ordinis viri, & propterea quò illorum conscientiarum securitati si casus iniectiois manuum in Clericos, seu leuis vulneris, quem Deus auertat, inter eos, vt inter iuuenes altercantes fieri solet, eueniret, melius consulatur, per Nos de infra scripta facultate prouideri summoperè desideret. Nos dicti Francisci supplicationibus Nobis super hoc humiliter porrectis inclinati, Dilectis filiis Rectoribus, & Confessarijs Collegiorum, & Locorum sub cura, & disciplina Clericorum dictæ Congregationis nunc & pro tempore existentium, & eorum cuilibet Collegiales, seu Alumnos Collegiorum, & Locorum huiusmodi modernos, & pro tempore existentes, quoties huiusmodi casus eueniret, à quibusuis censuris, & pœnis ecclesiasticis per eos ob iniectioem manuum in Clericos, vel leue vulnus inflictum,

vt præfertur incurſis, impoſita illis eorundem Rectorum, & Confessariorum arbitrio poenitentia ſalutari, in foro conſcientiæ dumtaxat abſoluendi plenam, & liberam facultatem Apoſtolica auctoritate tenore præſentium concedimus, & impartimur. Non obſtantibus Conſtitutionibus, & Ordinationibus Apoſtolicis, cæteriſque contrariis quibuſcumque.

Dat. Romæ apud S. Mariam Maiorem ſub annulo Piſcatoris die 30. Maii M. DC. XXXIII. Pontificatus Noſtri Anno decimo.

M.A. Maraldus.



QVÆ-

Q V Æ S I T A

Circa electionem Sociorum S. Congregationi ſuper negotijs Regularium propoſita.

Eminentiffi. & R. Domini.



Tantibus verbis Conſtitutionum Clericorum Regularium Congregationis Somaſchæ, videlicet, Nemo verò ſuffragij paſſi iure in Sociorum electione gaudebit, qui non ſit in numero earum familiarum, quæ ad eum eligendum Decreti præſcripto conueniunt; Quòd ſi alicui alienæ familiæ diuturnis, & publicis negotijs ab obedientia ſuperiorum auctoritate ſibi impoſitis detento eo loco a deſſe contigerit vbi Socij electio fiet, is ſuffragij quodcumque ius in ea domo obtineat, &c. Procurator Generalis dictæ Congregationis petit humiliter ab Eminentiffis VV. Reuerendiſſimis declarari.

An ſub dictis verbis comprehendantur, vt poſſint ſuffragium ferre, qui ob aliqua negocia non tamen publica, & ſi publica, non diuturna ad locum, vbi Socij electio facienda eſt accedunt cum licentia Præpoſiti Generalis, quia ex forma earundem Conſtitutionum tunc temporis ſubduntur in omnibus Superioribus loci, vbi reperiuntur, ac proinde videantur poſſe dici de familia dicti loci.

In ſuper ſtantibus verbis earundem Conſtitutionum, videlicet, Qui in locis vltra ſex millia paſſuum diſtantibus ab eo, vbi Socius eligendus erit habitabunt, ij per Procuratores electos iuxta formam in literis indiſtinctionis Capituli Generalis præ-

præ-

præscribendam conuenient ad electionem, Idem Procurator Generalis petit declarari.

An, qui in locis habitant ultra sex millia passuum distantibus ab eo, ubi Socius eligendus est, & ex dispositione Constitutionum debent per Procuratores conuenire &c. si ob aliqua negocia, vt supra, cum obedientia Præpositi Generalis, vel alterius Superioris ad locum electionis se transferant, & Procuratores non sint à Patribus eorumdem locorum electi &c. possint habere votum in Capitulo, & per se ipsos Socij electioni Interesse.

RESPONSIONES

Eiusdem S. Congregationis.

S Acra Congregatio Cardinalium negocijs Regulariũ præposita suprascriptis Constitutionibus diligenter, ac mature consideratis, ad suprascripta quesita respondendum censuit, vt sequitur.

Ad Primum, Non comprehendendi, neque in hoc casu sufficere licentiam Præpositi Generalis, vel aliorum Superiorum, ac quod tunc temporis ex forma Constitutionum subdantur Superioribus loci, in quo Socij electio peragenda est, sed requiri ulterius, vt negocijs inibi detineantur publicis, & diuturnis.

Ad Secundum, Teneri eos, qui in locis habitant ultra sex millia passuum distantibus ab eo, ubi Socius eligendus est, constituere Procuratorem, nec aliquem ex eis posse per se ipsum conuenire ad Socij electionem, & in ea suffragium ferre, neque illis suffragari, quod in eo loco reperiatur cum licentia Præpositi Generalis, vel aliorum Superiorum, vel quod Superioribus dicti loci subdantur vt supra.

Coeterum ad tollendam cuiuscumque fraudis suspicionem,

cionem, & ad exactam earundem Constitutionem obseruantiam, eadem S. Congregatio declarat, Si aliqui alienæ familia, vel locorum ultra sex millia passuum distantium, vt supra, paucis diebus ante electionem à Præposito Generali, alij suè Superioribus ad locum mittantur, ubi Socij electio facienda est, quamuis in eo de familia deputerentur, vel etiam in eodem loco reperiatur, vt Socij Visitatorum; non ideo posse cum proprio suffragio ad electionem conuenire, sed requiri, vt diuturno aliquo tempore in eo commorentur, & illud saltem quatuor mensium esse debere ante tempus electionis. Ac propterea censuit, monendos esse Superiores, ne à Definitorio in vno loco designatos, ante factas Sociorum electiones ad alium mittant, sine vrgenti causa. Romæ die xv. Decembris 1634.

M. Card. Ginettus.

Loco ✱ figilli:

A. Torniellus



FERIA

F E R I A I I.

DIE XXIV. IANVARIII M. DC. XXXIII.

In Sacra Indicis Congregatione Generali Romę habita in Palatio solitę habitationis Eminentiſs. & Reuerendiſs. D. Cardinalis Pij Pręfeſti, coram Eminentiſs. & Reuerendiſs. DD. S. R. E. Cardinalibus ad Indicem librorum, eorumdemque permiſſionem, prohibitionem, expurgationem, & impreſſionem in vniuerſa Republica Chriſtiana à S. Sede Apoſtolica ſpecialiter deputatiſ.



MINENTISSIMI, & Reuerendiſſimi DD. Cardinales Congregationis prædictę ad instantiam R. Patris Franciſci Tontoli eiusdem S. Congregationis Conſultoriſ, & Procuratoriſ Generaliſ Religioniſ Somaſchę conceſſerunt licentiam adbeneplacitum eorumdem Eminentiſſimorum, & Reuerendiſſimorum Cardinalium duraturam Patribus Seminarii Ducaliſ Venetiſ prædictę Religioniſ retinendi in communi Bibliotheca infraſcriptoſ libroſ, dummodo illoſ ſub clauē detineāt, quę apud Superiorem ſit, iſque non vtantur niſi de conſenſu Prępoſiti Generaliſ, vel ſupra expreſſi S. Congr. Conſultoriſ, & Procuratoriſ Generaliſ, quorum conſcientiam onerantes eoſ monitoſ voluerunt vt PP. prædicti Seminariſ illoſ legendoſ permittant, quos attento munere, & qualitate perſonarum expedire iudicauerint. Si quę autem legentibuſ contra fidem, vel contra bonoſ mores occurrerint, corrigantur

Extenditur ad opera Religionis Collegia Iuuentutiſ inſtitutioni deſumata.

tur per ſe ipſoſ: vel per alioſ ad eorumdem Prępoſiti Generaliſ, & Conſultoriſ arbitrium.

Libri autem ſunt. Lexicon Gręco Latinum Io: Scapulę Idem auctum opera Franciſci Porti. Idem auctum per Conradum Genferum, & Io: Hartungen. Lexicon Gręcum ſine authoriſ nomine impreſſum Baſilę. Idem impreſſum Lutetię. S. Iuſtini opera Ioſepho Lango Interprete. Iſocraatiſ opera Hieronymo Volfio Interprete, cum eiufdem notis. Eiufdem Commentaria in Cicer. & alioſ prophanos. Plutarchi opera Gulielmo Kilandro Interprete. Straboniſ Geographia cum kylandri verſione, cui affixum eſt carmen Theodor. Bezaę, cuiuſ nomen deleatur, & ipſum carmen, ſi aliquid contra fidem, vel contra bonoſ mores contineat. Io: Poſſelij Caligraphia Gręca, eiufdę tres orationeſ. Michaeliſ Toxię, Cęlii Secundi Curioniſ, Petri Rami, Ioachimi Camerarij, Iacobi Schegſij, Franciſci Othomani, Io: Sturmij, Chriſtophori Hegendorphiſ, Philippi Melanctoniſ, Io: Thomę Phreigij, Marci Blehumleri, & aliorum authorum damnatorum Commentarij, Notę, Scholia, explicationeſ, in Ciceroniſ Officia, partitioneſ oratorię, & alia opera, tum eiufdem Ciceroniſ, tum aliorum prophanorum authorum, ſiue poetarum ſiue hiſtoricorum, ſiue Oratorum tam Gręcorum, quàm Latinorum, deleatiſ tamen eorum nominibuſ, vel addita clauſula authoriſ damnati. Probi Aemilij de vita Excellentium Imperatorum liber à Nathane Chitreo recognituſ. Dictionariũ priorum nominum ſine authoriſ nomine, ex officina, R. St. Thomę Phreigij quęſtioneſ Logicę, ac Ethicę Iacobi Micelli. arſ Poetica Io. Caſariſ Scaligeni Poemata, & Poetica Rodulphi Snelii Comment. in Rhetor. explanatione, Petri Rami, Andree Hipery Dialectica, Io. Sturmij de Imitatione Oratoria, Idem de amiſſa dicendi ratione, & de aperiendiſ literarum ludib. Theſauruſ linguę latinę ſine authoriſ nomine, ſeu R. St. authore. Dictionariũ Hiſtoricum

Bibliotheca

Y

ſine

sine authoris nomine. Erasmi Roterodami liber de conscri-
 bendis Epistolis. Item de copia rerum, & verborum, eiusdem,
 Epistolæ Georgij Fabricij Kemnicen, Phrasæ Poeticæ, & alia
 ad poeticam pertinentia. Io: Martæ, vel Matij Christeis. Lo-
 ci communes Sacri, & prophani Græcolatini à Conrado
 Gesnero. Latinitate donati. Concordantiarum Bibliæ colle-
 ctio. Pindari, & aliorum Poetarum Græcorum per authores
 damnatos, & si quæ sunt in ipsis annotationes. Io: Marcerij
 Comment. in Tertulliani librū de Pallio, Poetica d' Aristotile
 vulgarizata, e cōmentata dal Casteluetro. Io: Neuizzani Syl-
 ua nuptialis. Valentini Epithæi liber de conscribendis Epi-
 stolis. Adriani Barlandi liber Selectas Erasmi Epistolas con-
 tinens. Augustini Eugubini Cosmopeia. Adriani Iunii no-
 menclator, eiusdem de recta Latini Græcique Sermonis pro-
 nunciatione. Nicolai Posmani Rhetorica. Theatrum vitæ
 humanæ à Theodoro Guingero absolutū. Polianthea nouis-
 sima Iosephi Langij. Orationi del Racco. Orationes, & Car-
 mina Baudij. Carmina Heinij. Polydoti Virgilij de rerum
 Inuentoribus. Luciani Philopater, & mors Peregrini. Biblio-
 theca SS. PP. per Murgarinum della Bigna Collecta. Chro-
 nicon Prodigiōrum, & ostentorum. Compendium oratio-
 num impressum Venetiis per Iunctam, & alios. Epigramma-
 tū in flores. Liber cui titulus, Epistolæ obscurorum virorum.
 Item alius, cui titulus: Exempla virtutum, & vitiorum. Fran-
 cisci Franchini Poemata. fabulæ Laurentij Abstemij, & Gil-
 berti Cognati. Farrago Poematum Leodegarii à Quercu.
 Francisci Georgij Veneti Harmonia Mundi, & problemata
 S. Scripturæ. Francisci Patritij noua de Vniuersis Philoso-
 phia. Flores Romani. Gesta Romanorum Adriani Damman.
 Imperij, ac Sacerdotij ornatus. Eiusdem diuersarum gen-
 tium vestitus, cum Commentariolo Cæsarum. Henrici De-
 eimatis Giffhomen. Sylua Vocabulorum, & phrasium. Hi-
 storiarum, & chronicorum totius Mundi Epitome impr. sū
 Basileæ.

Basileæ. Historia Græciæ nuper edita. Leuini Lemnij Zinzei
 occulta natura miracula. Liber inscriptus de re metrica. Li-
 ber similitudinum, & dissimilitudinum. Mahometis Sarace-
 norum Principis, eiusque successorum vitæ. Panoplia omnium
 artium authore Hartman Scoppero. Petri Guntheri Rhetorica.
 Ricardi Dinothi de rebus memorabilibus. Eiusdem ad-
 uersaria historica. Linguae Græcæ Henrici Stephani. Lau-
 rentij Scaderi monumenta Italiæ. Mauritio vago giardino de
 Madrigali. Franciscus Vale sius de Sacra Philosophia. Icones
 50. virorum Illustrum cum eorum vitis descriptis à Io: Iacobo
 Boyssardo, denum edita per Theodorum de Bry Leodien.
 Lodouico Dolce della natura delle gemme. Ferdinandi Bon-
 giorni Il buon giorno. Merlini Coccai opera. Octobris Me-
 landri liber iocorum, atque feriarum Selectorum. Euphor-
 mionis Lusini Satyricon. Adami Theodori Syberi Diale-
 xeon Academicarum. Io: Althusij de vtilitate, necessitate,
 scholarum. Io: Scholij praxis Logica. Vuenceslai Budouez,
 circulus horoscopus Lunaris, & Solaris. M. Thomæ Sagit-
 tarij de conscribendis Epistolis. Luce belli commento sopra
 il Conuito di Platone. Martini Vueltrichii de ortu monstro-
 rum. Ranutij Cheri delitiæ centum Poetarum Rodulphi
 Goclenij tractatus de magnetica vulnerum curatione. Libe-
 ri Vincentij Hollandi Liber: nescimus quid vesper serus ve-
 hat. Simonis Maioli tom. 2. Thomæ Dempsteri de antiq.
 Rom. Tarrei Hebi Iudicium in amphiteatrum lesiorum ioc-
 corum. Amphiteatrum Sapientiæ Socraticæ Casparis Do-
 mauii. De dicendi, & differendi ratione libri tres opera Con-
 radi Aslaci Borgensis. Le relationi del Botero di qualsiuoglia
 Stampa. Cortigiano del Castiglione. Io. Valchii Decades Fa-
 bularum. Iulius Cæsar Vanninus de Admirandis naturæ at-
 canis. Matthæi Dresseri orationes. Rodulphi Goclenij partitio
 num Dialecticarum; eiusdem Controuersie Logicæ; eiusdem
 Physicæ completæ speculum. Liber Simbola aureæ mentis.

Francisci Suarez to. 5. de censuris vbiq̄ue impressus. Summa Sacramentorum Henrici Henriquez. Thomæ Sanchez de Matrimonio to. 3. mutilatus. Historia Iacobi Thuanii. Conc. Trid. declarationes omnes, adnotationes, decisiones, remissiones. Inter quas scient aliquas irrep̄sisse Decretis S. C. eiusdem prorsus repugnan. quibus propterea nulla habenda est fides. Bibliotheca Patrum cuiuscunque impressio. Bernardini Corii Historia Mediolani. Io: Bodini methodus ad facilem Historiarum cognitionem. Bibliotheca Conradi Gesneri. Arconthologia Cosmica authore Ludouico Gotofredo. Roberti Flud opera, exceptis libris in quibus de Geomania, & Astrologia Iudiciaria agit, qui nec legi, nec retine ri poterunt. Cardani opera præter Astrologica.

In quorū fidem, Ego Fr. Ioannes Baptista Marinus Ordinis Prædicatorum S. Theol. Magister, & præd. Sac. Congreg. Sec. præses Sigillo Eminentiss. & Reuerendiss. D. Cardinalis Pii Præfecti munitas propria manu subscripsi. Romæ ex Apostolico Palatio die 10. Martii 1633.

Fr. Io. Baptista Marinus qui supra manu propria.

Regist. lib. mem. B.



DE-

DECRETVM

S. CONGREGATIONIS

SVPER REGVLARIBVS.

De Confessionibus Superiorum Congregationis Somasche.

Em. ^{mi} e Reu. ^{mi} Sig. ⁱⁱ

IL Procuratore Generale della Congregazione di Somasca rappresenta humilmente all' E. E. VV. Reuerendiss. che il Capitolo loro Generale celebrato quest' anno ha fatto decreto, che si supplichi questa Sac. Congregazione, col cui voto sono state approuate da N. S. le loro Constitutioni, à degnarsi dichiarare, ò concedere che come i Superiori possono dar licenza alli loro Sudditi di Confessarsi da Confessori anco che non siano dell' istessa Religione, così possano prendere la medema facoltà per se stessi non ostante vna loro particolare Constitutione di questo tenore. Nemo alijs, quam designatis à Superiore. Superior verò Confessariis alterius Instituti peccata sua confiteri non possit, aliter confessio sit irrita; ponendo in consideratione, che il medesimo Capitolo Generale in virtù dell' istesse Constitutioni ha facoltà di dichiarare, mutare, e bisognando stabilire nuoue Constitutioni, e che stima così expediente per la difficile esecutione di detta Constitutione, e per i gran pericoli, che possono occorrere in questa materia, come ha dimostrato l' esperienza di molti anni, oltre che detta Constitutione non era nelle antiche Constitutioni di detta Religione, mà solo è stata aggiunta dal 1625. in quà, nel qual tempo molti Superiori hanno reclamato in diuersi Capitoli Generali, e della gratia &c.

Pe-



Eccliarum Somaschensium Religiosorum constitutione iubetur, ne ullus ex eiusdem Congregationis Patribus, absque suorum Superiorum facultate possit propria peccata rite confiteri alicui Sacerdoti, qui sit extra eorundem Patrum numerum, ac professionem; quosque, ut prius illegium hoc, commodumque spiritale, quo subditi gaudent, Superioribus à prædicta constitutione denegatum sit, atque ita eorum confessiones irritæ euadant, quòd facultatem eiusmodi sibi ipsis concedere nequeant. Ne igitur huiusmodi Superiores expertes sint, hoc decreto sanxerunt Eminentissimi Patres negotijs Regularium Præfetti, ut Superiores (graduum ordine seruato) sibi inuicem hanc facultatem impertiri possint: hoc est locorum Præsides à Prouincialibus, seu Visitatoribus hanc impetrare poterunt facultatem. Prouinciales verò, seu Visitatores, Generalisq. Procurator à totius Religionis Generali Præposito, qui tandem Generalis Præpositus ab eo Patrum numero, qui Congregationem Generalem representat, eandem obtinere debet facultatem. Quæ omnia ita intelligenda sunt, ut non propterea obligentur iidem Patres Superiores ad hanc facultatem petendam toties, quoties ea nominatim indiguerint, sed sufficit eam semel petere, cum onera sibi iniuncta aggredientur, eaque generatim uti poterunt quousque munera ijs imposita absoluerint. Interea hac facultate is, qui nunc Præpositi Generalis munere fungitur, perfruatur. Romæ die 25 Junii 1638.

Fr. Ant. Card. S. Honuph.

Locus ✠ sigilli

C. Facchenetus Sec.

VRBANI

VRBANI VIII

B R E V E .

S V M M A R I V M .

Refertur Decretum Capituli Generalis Congregationis Somaschæ sub anno 1641. ut videlicet eiusdem Congregationis Professores, qui Præpositi, seu Vicarii Generalis munus obierint, debeant, dum viuunt, cum titulo Assistentium, & iure suffragij interuenire Definitorio eiusdem Congregationis quotannis fieri solito, sine tamen præiudicio numeri soliti Definitorii prædicti. Approbatur, & confirmatur auctoritate Apostolica prædictum Decretum.



VRBANVS PAPA OCTAVVS, Ad perpetuam rei memoriam. Nuper pro parte dilectorum filiorum Clericorum Regularium Capituli Generalis Congregationis Somaschæ per dilectum filium Augustinum Socium illius Procuratorem Generalē nobis expositū fuit, quòd de anno 1641 proximè præterito in Capitulo Generali vnanimiter decretū fuit, dictæ Congregationis professores, qui Præpositi, seu Vicarii Generalis munus obierunt, ob cognitionem status dictæ Congregationis, grauiorumque illius negotiorum experientiam, quam habent, debeant pro bono publico dum viuunt, cum titulo Assistentium, & iure suffragij interuenire Definitorio eiusdem Congregationis fieri solito pro bono regimine, & grauibus negotijs inter vnum, & alterum dictæ Congregationis Generalia Capitula occurrentibus, sine tamen præiudicio numeri soliti Definitorii. Cum autem sicuti eadem

ex-

expositio subiungebat ex decreto huiusmodi ultra publicum eiusdem Congregationis beneficium, etiam honor gradus resulet iuxta quandam dictæ Congregationis Constitutionem Apostolica auctoritate confirmatam, cuius verba sunt sequentia: Videlicet: his, qui Præpositi Generalis, Vicarii item Generalis potestatem obierint, honor præcipuus, cum exteriori obseruantia, vt patribus de Congregatione benemeritis deferatur. Nobis propterea dictus Procurator Generalis nomine quo supra humiliter supplicari fecit, vt decretum huiusmodi, quo firmitus subsistat, Apostolicæ nostræ confirmationis patrocinio communitur de benignitate Apostolica dignaremur. Nos igitur eosdem Capitulares, & Procuratorem Generalem specialibus fauoribus, & gratis prosequi volentes, & eorum singulas personas à quibusuis excommunicationis, suspensionis, & interdicti aliisque Ecclesiasticis Censuris, ac pænis à iure, vel ab homine quauis occasione, vel causa latis, si quibus quomodolibet innodatae existant, ad effectum dumtaxat consequendum harum serie absoluentes, & absolutos fore censentes, huiusmodi supplicationibus inclinati Decretum Capituli Generalis dictæ Congregationis prædictum apostolica auctoritate tenore præsentium confirmamus, & approbamus, illique inuiolabilis Apostolicæ firmitatis robur adiicimus, ac omnes, & singulos tam iuris, quàm factis defectus, si qui desuper quomodolibet interuenerint, supplemu: Decernentes præsentis literas validas, firmas, & efficaces existere, & fore suosque plenarie, & integros effectus sortiri, & obtinere, & ab omnibus, & singulis, ad quos spectat, & pro tempore spectabit, inuiolabiliter obseruari debere, ac irritum, & inane si secus super his à quouam quauis auctoritate scienter, vel ignoranter contigerit attentari. Non obstantibus Constitutionibus, & ordinationibus Apostolicis, ac quatenus opus sit dictæ Congregationis etiam iuramento, confirmatione Apostolica, vel qua-

uis firmitate alia roboratis, statutis, & consuetudinibus, cæterisque contrariis quiscunque.

Datum Romæ apud Sanctum Petrum sub Annulo Piscatoris die quarto Februarii millesimo sexcentesimo quadragesimo secundo Pontificatus nostri anno decimo octauo.

M. A. Maraldus.



Decreta Sacrae Congregationis super statu Regularium de mandato Sanctiss. D.N. Alexandri Papae VII. edita pro recipiendis Nouitijs in Congregatione Italiae Cleric. Regulat. Congreg. Somaschæ.



Ad propagandam in Religione Clericorum Regularium Congregationis Somaschæ in Italia Regularem obseruantiam, quæ Nouitiorum institutioni, & educationi præcipuè innititur, Sacra Congregatio deputata super statum Regularium de mandato Sanctiss. D.N. Alexandri Papae VII. in singulis Italiae Prouincijs eiusdem Congregationis, præsentis Decreti tenore designat, ac deputat infrascr. Collegia pro Nouitiatibus, & Professoriis, videlicet.

In Prouincia Romana pro Nouitiatu, & Professorio Collegium S. Blasii Montis Citorii de Vrbe. In Prouincia Mediolanen. pro Nouitiatibus Collegia S. Petri Monfortis Mediolani, & S. Spiritus Ianuæ, & pro Professoriis Collegia S. Mariæ Secretæ Mediol. S. Maioli Papiæ, & S. Mariæ Magdalenæ Ianuen. In Prouincia Veneta pro Nouitiatu Colleg. Sanctiss. Trinitatis Venetiarum, & pro Professoriis idem Colleg. Sanctiss. Trinitatis Venetiarum, & Collegium Sanctorum Philippi, & Iacobi Vicentiæ.

In quolibet autem ex prænominatis Collegiis pro Nouitiatu, vt præfertur, designatis eadem Sacra Congregatio impartitur licentiam hac vice tantum recipiendi sex Clericos, seu Choristas, & vnum Laicum, seu Conuersum, dum tamen hæc, quæ sequuntur, inuiolatè obseruentur.

Primum, nè externorum licèt illustrium virorum rogatu admittantur, qui minimè diuino spiritu vocati videntur, & ad studia literarum minimè apti, stupidi, inertes sint, à quibus nihil laudis, nihil fructus sperari possit, plurimum verò dedecoris,

detrimenti tēporis, laxitatis, & perturbationis merito timeri. Si quis habitum huius Religionis efflagitauerit, Superior, probato prius per id temporis spatium quod sibi videbitur, illius spiritu, & in vocatione perseverantia, Præposito Generali significabit, qui Superiori eidem, & duobus, vel alteri saltem, ex Sacerdotibus ibidem degentibus non consanguineis, nec affinis admitti cupientis mandabit, vt illum examinēt, & diligentissimè, sed prudenter, inquirent, quæ sit eius conditio, quæ patria, qui parentes, quæ corporis habitudo, quæ ætas, qui mores, quæ amicitia, quæ dotes, quæ doctrina, quæ indoles, quo spiritu ad hoc Institutum amplectendum moueatur, à quo tempore vocari se senserit, quem sibi finē proposuerit, an leuitate, vel aliquo humano affectu, aut inordinato animi motu ducatur: an aliquid in ipso desideretur, quod in ijs requiratur, qui tali vestiendi sunt habitu, & suis singuli rescribent literis, quid cognouerint, quid de illo sentiant, idque summa fide, atque etiam iurati affirmabunt.

Tum Præpositus Generalis matura, ac diligenti consideratione expendet literas singulorum, & quæcunque ad se rescripta fuerint; ac, si in Domino expedire iudicauerit, vt rejiciatur, curabit magna cum dexteritate, & suauitate id faciendum; sin, vt admittatur, iubebit, vt idem Superior suo Collegiali Capitulo (si tamen hac potiatur facultate) illum recognoscendum, & admittendum proponat, quod fiet cum maiori suffragiorum parte, lectis prius à Cancellario, examinatorisque testimonialibus literis, quæ de vita, moribus, & ætate admittendi fidem adstruant. Quòd si hæc illi Capitulo desit potestas, ad aliud vicinius in eadem Prouincia mittatur, cui huiusmodi sit impertita facultas, isque secum deferet Præpositi Generalis literas, sine cuius expressa licentia nemo ad prædictam Religionem admittatur. Si verò admittendus ob nimiam loci distantiam non possit Collegium aliquod ex Religione adire, satis eo casu fuerit testimoniales literas, à Præ-

posito Generali prius visas, & approbatas ad Superiorem Collegii, à quo recipiendus erit Nouitius, mittere, illisque in Capitulo lectis, examinatis, & approbatis, etiam absens proponi poterit, & admitti.

7 Ita tamen vt recipiendi nullo sint ære alieno grauati, aut ratiociniis reddendis obnoxii, non serui, nec matrimonio coniuncti, non diffamatis geniti parentibus, nullo crimine in sæculo fædatis, non corporis vitio maculosi, aut deformes, non minores annis quindecim completis, si sint Clerici, nec maiores quadraginta, nisi cum his maioribus Pater Generalis dispensauerit; Laici verò vigesimum ætatis suæ annum saltem expleuerint.

8 Vbi primum annum probationis peregerint integrum Nouitii, Præpositus Colleg. de licentia Patris Generalis Capitulo Colleg. eos proponet, & singulorum vocalium secretis suffragiis, vno saltem supra medietatem suffragantium numero excedente, aut admittantur, aut reijciantur. Quod cum præstiterit, eundem Præpositum Generalem admonebit, qui Superiorem loci illius, vel quempiam alium pro admissis specialiter delegabit, vt Vicarii munere perfungens Nouitios ad professionem recipiat, sub exacta tamen vita communi ad præscriptum Regulæ, non obstante quauis laxiori consuetudine, seu potius corruptela in contrarium introducta, seruataque forma Sacrorum Canonum, Concilii Tridentini, Constitutionum Apostolicarum, ac præcipuè Decretorum sanctæ mem. Clementis Papæ VIII. nec non statutorum prædictæ Congregationis.

9 Quòd si aliquem ex dictis Nouitiis ante professionem à Religione discedere, aut expelli contigerit, alius in eius locum subrogari possit, dummodo tamen in omnibus seruetur forma superius præscripta.

10 Sed & illud omnino cauendum erit, ne à volentibus ingredi Religionem, pro ipso ingressu, nec post susceptum

hab i-

habitum probationis, pro admissione ad professionem, vel alio quocunque prætextu, excepto victu, & vestitu Nouitij illius temporis, quo in probatione est, ab ipso, vel eius parentibus, aut propinquis, vel curatoribus aliquid accipiatur sub penis per Sacros Canones, & Tridentini Concilij statutis.

11 Cæterum, vt prædicti Nouitij postquam in Professorum numerum, vt præfertur, recepti fuerint, melius in bono spiritu, Regularisque disciplinæ obseruantia stabiliantur, & confirmantur, statim post professionem emissam, si in Conuentu pro Nouitiatu, vt supra, assignato locus aderit secundi Nouitiatus, seu Professorij ab ea, quæ Nouitorum est, atque antiquorum professorum habitatione distinctus, & segregatus, ibi collocentur, si Collegium eos alere queat; sin minus, transferantur in aliud Collegium ex designatis pro Professorio, seu secundo Nouitiatu, vbi is locus cum requisitis ad Nouitiatum ipsum præscriptis reperiatur, vel accommodetur, aut de nouo construatur. Ita tamen vt, si prædicta Religio ex suarum Constitutionum, seu institutionum vigore maioris temporis cursu novos professos intra Nouitiatum detinere, consuescat, illis in hac parte minimè derogatum esse intelligatur, & nihilominus permittitur Superioribus, vt id ipsum facere possint, si rationi, ac Religioni magis expedire iudicauerint.

12 In quo quidem Professorio degant sub regulis, & modo viuendi adhuc strictiori, quàm seruent antiquiores professi, ita vt nec in negotiis Collegii se intromittere, nec communibus tractatibus interesse, nec alterius exterioris obedientiæ officium exercere debeant, ibique permaneant quinquennij spatio ad arbitrium Præpositi Generalis iuxta præscriptum Constitutionum Religionis. Quo etiam tempore poterunt, quinimò & debent literarum studijs operam nauare sub directione, & regimine Superioris, ac Magistri, qui eas qualitates habeant, quibus Nouitorum Magistrum præditum esse oportet, quemadmodum ipsius Clementis Decreto prouidè

san-

sanctum est. Porro in Collegiis tam pro primo, quam pro secundo Nouitiatu, ut præmittitur, assignatis nec Præpositus, nec Nouitiorum Magister deputetur, nisi ab ipso met Præposito Generali cum toto corpore Definitorii. Familia verò constituitur ad præscriptum Constitutionum ipsius Congregationis, & à Visitatore amoueri non possit, nisi de Præpositi Generalis consensu, neque in eis collocentur, nisi Religiosi graues, deuoti, exemplares, & Regularis obseruantie, ac puritatis Regule studiosi. Præcipuè verò caueatur, ne ibi ponatur aliquis qui non consentiat seruare vitam communem, quæ in prædictis Collegiis ad Regule præscriptum exactè obseruetur, indeque amouebantur, qui tam sancte ordinationi contradicere, aut quoquo modo se opponere ausi fuerint.

14 Ad extremum, postquam Nouitii in Professorum numerum, ut supra, cooptati fuerint, Superiores Regulares, ad quos pertinet illico S. Congregationem edoceant, supradicta omnia, & singula fuisse ad vnguem adimpleta, & executioni mandata, alioquin poenas in memoratis Decretis Clementis Papæ VIII. fel. rec. statutas se subituros, ac nouas licentias recipiendi Nouitios nequaquam fore impetraturos certò sciant. Non obstantibus quo ad præmissa omnia, & singula, Constitutionibus, & ordinationibus Apostolicis, nec non prædictæ Religionis statutis, consuetudinibus, & privilegiis, cæterisque contrariis quibuscunque. Datum Romæ die prima Iunii MDCLV.

B. Card. Spada.

Locus O sigilli.

P. Fagnanus S. Cong. Secret.

S. D. N. D.

S. D. N. D. ALEXANDRI

Diuina prouidentia

P A P Æ VII

B R E V E.

Quo declaratur Alumnos, & Conuictores Collegiorum sub cura, & regimine Patrum Congregationis Somaſchæ existentium posse in Oratorijs, seu Cappellis eorumdem Collegiorum, in quibus de licentia Sedis Apostolicæ potest celebrari Miſſa, confiteri Sacramentaliter ſua peccata Presbyteris ab Ordinario approbatis, etiam Secularibus, si nolent confiteri, Presbyteris dictæ Congregationis.



Liàs postquam fel. rec. Paulus Papa V. prædecessor noster inter alia privilegia Congregationi Clericorum Regularium de Somaſcha aliàs Sancti Maioli Papien. nuncupatorum conceſſerat, ut singuli Presbyteri professi dictæ Congregationis omnibus, & quibuscunque personis degentibus, & commorantibus in Orphanotrophijs, Seminarijs, Academijs, & Conuictorum Collegijs sub cura, regimine, & administratione dictæ Congregationis existentibus extremæ vnctionis, nec non etiam tempore Paſchatis Reſurrectionis Dominicæ feſtiuitatis Sanctiſſimæ Eucharistiæ Sacramenta absq. aliquo cenſurarum incurſu ministrare poſſent, rec. me. Urbano Papa VIII. prædecessori pariter nostro pro parte tunc existentis Procuratoris Generalis prædictæ Congregationis expoſito, quòd à nonnullis locorum Ordinarijs reuocaretur in dubium,

an per

an per supradictam concessionem Præsbyteris prædictis implicite etiam concessa essent licentia priuata Oratoria in Orphanotrophiis, Seminarijs, Academijs, & Conuictorum Collegiis huiusmodi præsertim dictæ Congregationis non propriis habendi, in eisque Sacrosanctum Missæ sacrificium etiam extra tempus Paschatis celebrandi, idem Urbanus prædecessor supplicationibus dicti Procuratoris Generalis nomine sibi super hoc humiliter porrectis inclinatus, eidem Congregationi, quod ipsa in Orphanotrophiis, Seminarijs, Academijs, & Conuictorum Collegiis huiusmodi, etiam non propriis dictæ Congregationis, sub eius tamen cura, regimine, & administratione existentibus Oratoria priuata habere, ipsiusque Congregationis Præsbyteri professi in eis Sacrosanctum Missæ sacrificium in personarum in dictis Orphanotrophijs, Seminarijs, Academijs, & Conuictorum Collegiis degentium, & commorantium præsentia tam intra, quam extra tempus Paschatis Resurrectionis Dominicæ festiuitatis huiusmodi celebrare liberè, & licite possent, & valeret, declarauit, ac quatenus opus esset, eis de nouo concessit, & indulgit prout in ipsius Urbani prædecessoris literis desuper in simili forma Breuis die 22. Decembris 1633. expediti, quarum tenorem præsentibus pro plenè, & sufficienter expreso, & verbatim inserto haberi volumus, continetur. Cùm autem sicut dilectus filius Petrus Franciscus Moia Procurator Generalis memoratæ Congregationis Nobis nuper exponi fecit, nonnulli locorum Ordinarii adhuc reuocent in dubium vtrum Alumni, & Conuictores, qui in prædictis Collegiis educantur, peccata sua Præsbyteris per Ordinarios approbatis in eisdem Collegiis Sacramentaliter confiteri valeant, ipseque Petrus Franciscus Procurator Generalis propterea, quò spirituali eorundem Alumnorum, & Conuictorum quieti consulatur, opportunè in præmissis à Nobis prouideri plurimum desideret. Nos eundem Petrum Franciscum Procuratorem Generalem speciali-

bus

bus, & fauoribus, & gratiis prosequi volentes, & à quibusuis excommunicationis, suspensionis, & interdicti, aliisque ecclesiasticis sententijs, censuris, & pœnis à iure, vel ab homine quauis occasione, vel causa latis si quibus quomodolibet innodatus existit, ad effectum præsentium dumtaxat consequendum harum serie absoluentes, & absolutum fore censentes, Supplicationibus eius nomine Nobis super hoc humiliter porrectis inclinati, vt Alumni, & Conuictores Collegiorum sub cura dictæ Congregationis existentium in Oratorijs, seu Cappellis eorundem Collegiorum, in quibus permissum est auctoritate Apostolica Missam celebrare, & Sacram Communionem ministrare, peccata sua Sacramentaliter confiteri liberè, & licite possint, & valeant, idque Præsbyteris ab Ordinario approbatis etiam Sæcularibus, si Alumni, & Conuictores prædicti nolent confiteri Regularibus dictæ Congregationis, auctoritate Apostolica tenore præsentium concedimus, & indulgemus. Non obstantibus præmissis, ac Constitutionibus, & ordinationibus Apostolicis, ceterisque contrariis quibuscunque. Dat. Romæ apud S. Mariam Maiorem sub Annulo Piscatoris, die 18. Martii 1659. Pontificatus Nostri Anno Quarto.

G. Gualterius



Aa

Non

ALEXANDRI VII

P R O

Congregatione Clericorum Regularium
de Somascha.

ALEXANDER PAPA VII. Ad perpetuam rei memoriam. Ad pastorale fastigium superni dispositione consilij, nullo licet meritorum nostrorum suffragio, euecti, in eam præcipuè curam sollicitis studiis incumbimus, vt Congregationes Religiosorum virorum in Ecclesia Dei piè, sanctèque institutæ, ac vberes bonorū operum fructus, benedicente Domino, proferre iugiter satagētes, prosperè salubriterq. dirigantur, quò institutis suis inhærētes laudabilibus, amota quacumq. controuersiarum, & diffidiorum occasione scelicioribus in dies, Diuina largiente gratia, proficiant incrementis. Itaque vt in Congregatione Clericorum Regularium de Somascha pax, & religiosa vnitas conseruetur, & dignitates, atque officia pro meritis personarum æqualiter distribuantur, providere cupientes, de voto Congregationis nonnullorum Venerabilium Fratrum nostrorum Sanctæ Romanæ Ecclesiæ Cardinalium, necnon dilectorum filiorum Romanæ Curia: Prælatorum super negotijs visitationis Apostolicæ Ecclesiarum, & locorum piorum Almæ Urbis Nostræ à Nobis institutæ: deputatorum, Motu proprio, ac ex certa scientia, & ma-
tura

tura delib. eratione nostris, deque Apostolicæ potestatis plenitudine tenore præsentium statuimus, & decernimus, vt prædicta Congregatio Clericorum Regularium de Somascha diuisa sit in tres Prouincias, videlicet Lombardiæ, Venetiæ, & Romanam nuncupatas. Et Prouincia quidem Lombardiæ contineat omnia loca, quæ in Statu Mediolanensi, & ditionibus adiacentibus dilectorum filiorum nobilium Virorum Ducum Sabaudia, Mantuæ, & Parmæ, ac Domini Heluetiorum possidet, vel possidebit dicta Congregatio. Prouincia verò Veneta complectatur omnia loca, quæ continentur, seu continebuntur in Dominio Reipublicæ Venetorum, & Principatu Tridentino. Prouincia autem Romana comprehendat loca omnia posita, vel ponenda in reliquis Italiae ditionibus. Porrò quælibet ex his Prouincijs locum vnum probationis habeat communem omnibus nationibus, ex quibus Prouincia coalescit, cum professoriis, quæ sufficiant pro educatione iuuentutis professæ. Ad hæc quælibet Prouincia habeat quatuordecim Vocales Capituli Generalis, & si aliqua ex hisde præsentibus plures habet, qui electi sunt, retineant ius acquisitum: ceterum non deueniatur ad electionem nouorum Vocalium pro huiusmodi Prouincia, nisi postquam eius Vocales infra quatuordecim fuerint. Similiter quælibet Prouincia mittat tres Socios, seu Discretos ad Capitulum Generale. Præpositi verò Generalis dignitas per turnum detur non quidem nationum, sed prædictarum Prouinciarum, & hic turnus incipiat anno proximè venturo M.DC.LXII. à Prouincia Romana, à qua transeat ad Venetam. Dignitates autem, ex quibus constat Definitorium, cum omnes sint numero tredecim, æqualiter diuidantur, ita vt quælibet Prouincia quatuor ex illis habeat: illa verò, cui per turnum Præpositus Generalis continget, quinque. Præterea vbi nunc inter dignitates Definitorii sunt duo Con-

filiarij, & quatuor Deāitores, vt aptius diuifio fiat, eligantur tres Confiliarij, & tres Definitores, ita vt qualibet Prouincia fuam habeat Confiliarium, & fuam Definitorem. Dignitates autem Præpofiti Generalis, Vicarij Generalis, & Procuratoris Generalis hoc ordine distribuantur, vt cuilibet Prouincię per turnum femper vna ex his conferatur. Procurator verò Generalis functus officio, fit ipfo iure per fequens triennium Confiliarius fuę Prouincię, nifi eligatur Præpofitus Generalis, aut Vicarius Generalis, aut Prouincialis. Porro nemo poffit eſſe Superior in aliqua Prouincia, qui filius eius non fit. Et quidem qui iam profeſſi ſunt, intelligantur eſſe filij eius Prouincię, in qua nati ſunt: Sed qui in poſterum profeſſionem emittent, eius Prouincię filij cenſeantur, & ſint, in qua ad Religionem admittentur, & in qua profeſſionem emittent. Quilibet tamen ſine vllò discrimine ſubditus eſſe poſſit in qualibet cuiuſuis Prouincię Domo, ſalua eius capacitate. Nemo quoque vllò modo poſſit eſſe Superior in eadem Domo niſi per triennium, quo elapſo alterum integrum triennium elabi debeat, priuſquam ad eiufdē Domus regimen ſub quouis titulo, ſiue Superioris, ſiue Vicarii admoueat. Qui verò in proximo Capitulo Generali anni MDCLXII. reperientur aliquam Domum gubernaffe per triennium, aut vltra, quouis demum titulo Superiores fuerint, à prædictæ Domus regimine remoueantur. Cæterū Patres Definitorii ceteris quibuſcunque præcedant, & ſi quando contingat eos Subditos eſſe in aliqua Domo, immediatè poſt Superiorem Domus ſedeant. Viſitatores verò Prouinciarum in poſterum Præpofiti Prouinciales appellentur, & quilibet habeat poteſtatem ordinariam ſupra quamlibet Domum fuę Prouincię. Decernentes pariter eaſdem præſentes literas, & in eis contenta quæcunq. nullo vnquam tempore de ſubreptione, vel obreptione, aut nullitatis vitio, ſeu intentionis noſtrę, aut intereſſe habentium conſenſu, aliouè quolibet

bet quantumuis magno, & ſubſtantiali defectu notari, impugnari, infringi, retractari in controuerſiam vocari, aut ad terminos iuris reduci, ſeu aduerſus illas apertionis oris, reſtitutionis in integrum, aliudue quodcumque Iuris, facti, vel gratiæ remedium impetrari, ſeu intentari, aut impetrato, vel etiam motu, ſcientia, & poteſtatis plenitudine paribus conſeſſo quempiam in iudicio, vel extra illud vti, ſeu ſe iuuare poſſe. Sed ipſas præſentes literas ſemper firmas, validas, & efficaces exiſtere, ſuoſque plenarios, & integros effectus fortiri, & obtinere, ac ab illis ad quos ſpectat, & pro tempore quodcumque ſpectabit, inuiolabiliter, & inconcuſſè obſervari; Sicque, & non aliter in præmiſſis omnibus, & ſingulis per quoſcunque Iudices Ordinarios, & delegatos, etiam Cauſarum Palatii Apoſtolicæ Auditores, ac eiufdem S. R. E. Cardinales, etiam de latere Legatos, & Apoſtolicæ Sedis Nuncios, alioſue quolibet quauis auctoritate, & poteſtate fungentes, & functuros, ſublata eis, & eorum cuilibet quauis aliter iudicandi, & interpretandi facultate, & auctoritate iudicari, & definiſſi debere, ac irritum, & inane ſi ſecus ſuper his à quocumque quauis auctoritate ſcienter, vel ignoranter contigerint attentari. Non obſtantibus præmiſſis, ac quatenus opus fit Noſtra, & Cancellarię Apoſtolicæ Regula de non tollendo iure quæſito, aliifue Conſtitutionibus, & ordinationibus Apoſtolicis, nec non dictæ Congregationis Clericorum Regularium de Somasca, eiufque Prouinciarum, Domorum, Collegiorum, & locorum quorumcunque, aliifue quibuſuis etiam iuramento, confirmatione Apoſtolica, vel quauis alia firmitate roboratis ſtatutis, & conſuetudinibus, priuilegiis quoque, Indultis, & literis Apoſtolicis eidem Congregationi, eiufque Prouinciis, Domibus, Collegijs, & locis, ac Superioribus, & perſonis quibuſlibet ſub quibuſcunque verborum tenoribus, & formis, ac cum quibuſuis etiam derogatoriis derogatoriis, aliifque efficacioribus, efficaciffimis, & inſolitibus clau-

clausulis irritantibusque, & aliis decretis in genere, vel in specie, ac alias in contrarium quomodolibet concessis approbatis, & innouatis. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & indiuidua, ac de verbo ad verbum non autem per clausulas generales idem importantes mentio, seu quæuis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbum nihil penitus omisso, et forma in illis tradita obseruata exprimerentur, et infererentur, præsentibus pro plenè, & sufficienter expressis, et insertis habentes, illis aliàs in suo robore permansuris, ad præmissorum effectum hac vice dumtaxat specialiter, et expressè derogamus, cæterisque contrariis quibuscumque. Volumus autem, vt earumdem præsentium literarum transumptis etiam impressis manu alicuius Notarii publici subscriptis, et sigillo personæ in Ecclesiastica dignitate constitutæ munitis eadem prorsus fides in iudicio, et extra adhibeatur, quæ præsentibus ipsis adhiberetur, si forent exhibitæ, vel ostensæ. Datum Romæ apud Sanctam Mariam Maiorem sub Annulo Piscatoris, Die 23. Decembris, MDCLXI. Pontificatus nostri Anno Septimo.

S. Vgolinus.

FINIS.

V E N E T I I S, M D C L X V.

Typis Capi Francisci Bodij.

De Licentia Superiorum.



Mouzi pag. 101 178.



V E N E T I A

1874

...